



832793

未園集略卷六

長洲沈修著

原書



同邑吳

梅選

吳縣孫宗弼鈔



六書者其為材也弘矣哉其為器也精矣哉其為用也神矣哉舉古今聖作之經明述之傳義訓音讀名象物數百子百史百氏載籍學問政教論說記志下及文詠修飾潤色失焉則降等稗諺兼焉則升配雅誥諸夏聲明文物何一非六書成之也哉何劉班之倫則謂皆造文之本也斯言也實令六書不明誠不能不微辯之矣辯云伊何姑先壹其名稱正其位次之二者既得廣大精微得言耳漢言六書者凡四劉子

未 卷六

一

政班孟堅鄭仲師許叔重也孟堅之言則子政言之焉曾得一之則三人而已鄭同於許者四象形會意轉注假借也其異許者二處事諧聲也班同於許者三象形轉注假借也其異許者亦三象事象意象聲也在鄭為處事諧聲者許曰指事形聲也在班為象事象意象聲者許曰指事會意形聲也然則轉注假借同也事形意聲亦同也或異者其上一之設文也處之於指聲轉也諧從皆聲徵以三百凡皆借階階音當如幾於形實非聲轉今仲師以諧聲易形聲漢讀諧蓋若骸今音矣則又聲轉也然推造文之心則指其事云爾不遑處事也形其聲云爾非求諧聲也則道在淺而索之深矣班於事意及聲曾亦繫象為名然象聲猶可猶夫形聲也事

之紛若意之琴如造文之師。蓋得象之指而詔焉。則詩稱示我周行也。會而和焉。則詩稱予忖度之也。其同焉者。將庸何論。從其異焉者。論之莫不以召陵爲義。長必也正名乎。必也從召陵乎。周官保氏遺教。陵遲於七國。嬴劉者。舊已三君者。各尊師說。又得諸口耳。相承。故名或異。文位序亦曾難致。一象形。二會意。三轉注。四處事。五假借。六諧聲。則仲師說也。一象形。二象事。三象意。四象聲。五轉注。六假借。則孟堅說也。一指事。二象形。三形聲。四會意。五轉注。六假借。則叔重說也。自修也。倫旃。一爲指事。二爲象形。叔重誠得其次焉。今從之。三爲象意。四爲象聲。孟堅誠得其次焉。今從之。五爲轉注。六爲假借。斯二者。孟堅叔重誠得其次焉。今從之。仲師失次。

爰甚。大過也。然實無過。孟堅暨叔重。六曾愆。一小過也。然實大過何也。司農以之釋經。經云。六書稱六焉。全而歸旃。能事畢矣。必徵其次。五射也。五馭也。九數也。曾亦保氏攸掌焉。將亦堪整其原次。夫蘭臺以明專學。南閣以成專書。六書先後。當其心焉。職志。象形之。不先指事。形聲之。不先會意。誠六書本末相生。終始相成之道焉。二賢未之曾識。將愈習矣。而不察。由矣。而不知道也。曾幾何。而以明學成書乎。今夫六書者。指事生會意。象形生形聲。會意生轉注。形聲生假借。順而程焉。則祖父子孫之相生也。傳所稱物有本末也。非與。轉注成會意。假借成形聲。會意成指事。形聲成象形。逆而程焉。則孫子父祖之相成也。傳所稱事有終始也。非與。今夫六書者。蓋

徒以順逆程也。抑當以從衡程從之。應析爲二統。則指事會意轉注三者應爲一統也。象形形聲假借三者應爲一統也。統也者何。則仍祖孫父子相生相成之先後者也。其爲先後也。明衡之應合爲三耦。則指事象形二者應爲一耦也。會意形聲二者應爲一耦也。轉注假借二者應爲一耦也。耦也者何。則又兄弟隨行之先後者也。其爲先後也。微指事象形者。咸獨體成文。將以成部首諸文焉。譬則祖父各有兄弟二人也。會意形聲者。咸合體成文。將以成各部全文焉。譬則子孫各有兄弟二人也。文至會意形聲。文則盛矣。備矣。蔑用復增矣。訓釋生絲。會意者義也。得轉注而訓釋以神矣。音讀生絲。形聲聲者音也。得假借而音讀以通矣。上則三代經傳中。

或子氏史乘下斯歷代文章。凡所謂修辭立誠言文行遠者。何一非轉注假借成之乎。故會意形聲則書名之事。爰畢。轉注假借則文辭之業。爰興焉。六書至轉注假借。又譬則曾玄來。梟仍雲。諸孫莫不有其兄。兄弟弟也。孟堅謂六書皆造文之本。誠爲失辭。天下事物。曾無皆始皆本。無終焉末焉承乎。其後者焉。慎修若膺。似能旌其別矣。其言云。指事象形形聲。會意爲體。轉注假借爲用。則猶審於大別。而冥於小別也。且體用之兼稱。於三代經傳。實未之曾聞。而被氏則有旃。以被氏之言。釋經經將因我而喪。惡乎敢惡乎忍。誠宋賢之不善辭矣。何戴段曾亦蹈諸。修則謂指事象形者。天生之材也。材以成器。會意形聲者。工成之器也。器以應用。轉注假借者。人

之應用也。人克應用，不增材而器弘，不增器而用周，是故六書者指事象形本也。始也會意形聲末也。終也。轉注假借末之末也。終之終也。寧徒大別應別，雖小別仍應別之也。故孟堅誠失戴段，且未謂罄得也。然則指事象形既咸爲本始矣。何繇識指事必先象形乎？則修承教繫辭矣。繫辭不云乎：上古結繩而治，後世聖人易之以書契。百官以治，萬民以察。蓋取諸夬。夫稱結繩而治，知結繩固將治事也。稱易以書契，知結繩未足治事，故易書契治之也。稱百官以治，萬民以察，治者何云？察者何云？則尤事明徵也。稱蓋取諸夬，夫者決也。成指事之文，繇是事可決也。聖之言云：孟堅先象形而及象事，復何辯之克騁也？夫天地既分，有人有物，以人治人而事興。

以物交物而形著，人可以治物，而物又可以交人，人物之事漸多，不能無以志之，則爲文焉。指之，故稱指事也。人物之形漸蕃，不能無以別之，則爲文焉。象之，故稱象形也。洛書以事徵指事諸文，其觀於洛書成之乎？河圖以形昭象形諸文，其觀於河圖成之乎？聖人必無所爲而爲之者也。亦無所因而創之者也。官治民察，聖人爲是立文也。洛書河圖，聖人因是作文也。其稱蓋取諸夬者，寧徒在易言易，亦繇立文斯後，名其效之攸暨焉。獨陽何長，孤陰何生，相人耦斯仁，爰無生是使獨上，葉書圖本合，成指事聿以象形，儷之曾如德有其鄰而不孤也。卿置側室，士有貳宗，指事象形，則兄弟先後之義乎？兄弟或夢子孫之兄弟，及曾玄來，彙仍雲之兄弟，亦將隨

焉俱殽後有肆小史學者將爲莫繫世辨昭穆焉誠難已今指事象形雖共興一時然猶達适之同生其爲兄弟寧不徵先後則蓋堪分也孟堅先象形而後象事是适稱爲兄而反稱達爲弟矣嗣復稱象意象聲稱轉注假借誠不繆也然既繆於先矣後亦曾何不繆繇是明明達之子孫也將成爲适子孫而禰達祖達矣明明适之子孫也將成爲達子孫而禰适祖适矣達适之曾玄來晁仍雲焉有不情然名非也歟哉叔重旣先指事而後象形也誠知達爲适兄适爲達弟者矣復以形聲應指事是強達而子适子孫适孫也以會意應象形又強适而子達子孫達孫也雖五轉注六假借繆於中仍無繆於卒將若再傳三傳之訛成爲二伯之曾玄來晁雲仍

者苟入皇考顯考及親盡之二祧諸廟亦何以等胄之親疏何夫八士士秩也再廟之適士于禮不能備天子七廟今亦假爲之說焉用徵繼序之無能爽忒爾兩君稱六書寧好爲是爽忒也誠知事形爲一耦意聲爲一耦各如貞夫瓊華之攀如先後實命於天不應殽其長幼然後知指事誠昭象形則耐于昭者而已其羣子就穆位羣孫則仍位夫昭者其諸會意形聲與昭穆定而繫世亦正矣兩君果能此道亦何待昆葉之後生以小史之業成名哉然於轉注假借兩君則曾不是繆何也於斯有二人焉於人之祖父也或訛其一子孫也或又訛其一而於其曾玄來晁雲仍繩繩螿螿弗替引之者曾徵或之訛焉異哉客乎今何蔽於適而遠察也兩君曾

亦侔是然何繇知會意必承指事形聲必承象形乎意與事則黨與形則不黨矣聲與形則黨與事則不黨矣事外而意內意以營事事則意之旌也形實而聲虛聲斯麗形形則聲之與也彼會之召義象爲倫乎抑指爲倫乎形之名義指爲倫乎抑象爲倫乎下焉者事意形聲誠各相黨矣上焉者指會象形誠各相倫矣猶謂會意非承指事也形聲非承象形也則聽焉非聽誠將末如之何也已然則何繇徵指事象形者凡皆獨體也成文象形形聲者凡皆合體也成文乎指事及象形其爲文也舛舛則焉取儷其體斯獨體成文矣會意及形聲其爲文也因因則爰取儷其體斯合體成文矣指事象形各文有舛而無因故也會意形聲各文有因而無舛故

也其或微及舛者會意或兼事與形曾爲二文所夙無形聲或兼事與形與意曾爲三文所夙無故也先旌其舛焉者也得矣人物之事盛矣人物之形眾矣指之象之以詔人則能近取譬之仁方也今使有人徵事于我應舉庶事而紛焉告之乎應舉一事而專焉告之乎紛則聽殺何若專斯聽壹也故指事誠爲文匪一而事一指一事一固非應指二也猶諸我指誠十當其指而示人也不能不用我一指故人右手之次指得專指導之休稱乎則指事應獨體者斯也又或徵我山水之形吾必分象山水斯形以爲報徵我中木之形吾必分象中木斯形以爲報徵我牛羊魚鳥之形吾必分象牛羊斯形魚鳥斯形以爲報其不兼焉而分焉則何居兼則易紛

而其形不呈分則易專而其形各肖也肖形則見文而辨物也文爲于人有益也斯又象形之文應獨體者也指事象形各文亦有類合體而成者則將何云夫文之有體猶人有四體百體將必有主名堪名而后得名爲體焉其他無主名者雖謂不成體歟可也今苟稱一乾內中盈之畫將能以乾卦名乎稱一坤內中虛之畫將能以坤卦名乎是一不成爲乾也一不成爲坤也亦明矣且六子之卦孰非損益升降乎乾坤曾無失爲專卦必俟因而重之伊後則名爲重卦焉已故指事象形之獨體專卦之八也會意形聲之合體重卦之六十四也獨體合體以成文不成文別焉其可也許君於指事不嘗稱上下明之乎然上之古文應作二下之古文應作

一幸若膺誕正方成乎獨體也二之長畫以象天一之長畫以象地其短畫之一正其指而明之者蓋云莫上于天有冥于天之上者不問而識其爲上也莫下于地有冥于地之下者不問而識爲下也他文以形天之一必於上以形地之一必於下今則反之者亦上下二文應然也令誦其長畫爲道立於一之一彼短畫之一將名爲何文乎魚燕以火形其尾龜鹿以比形其足亦將謂其成文乎象形然指事寧其不然也若秦文之上下則誠成爲合體矣上上之一引而上之讀若凶之一也下下之一引而下之讀若退之一也既成文矣其長畫之一爰不能不誦爲道立於一之一焉二二爲獨體指事上下爲合體會意既合體而會意猶得稱爲部首乎哉

殃周禮則羸政也亂周文則李斯也召陵之編稱指事以說者曾此上下二文亦崩潰於斯矣程易疇改秦文上下爲二。矜爲得旃不知。於召陵書爲意有所絕。而識之也則也。也。也。於六書等爲指事合兩指事焉而成文曾曰會意而已矣我故謂段氏改訂爲甚得也然義聖一畫開天聿爲象書名之祖指事象形爲書會意形聲爲名疇非一之爲文曲之直之平之陂之方之員之順之逆之正之側之埴之阱之息之消之交之離之從衡錯綜節多增寡成之焉將惟一爲獨體成文乎非然也一猶乾中盈之一一坤中虛之一一未得遂命爲乾坤又實乾坤爻焉震坎艮之三男以一而名卦巽離兌之三女以一而名卦固專卦非重卦也及因而重之爻併乾坤六子成爲八八重卦矣所繇稱重卦者因貞悔悉卦猶夫上下二二上下各成乎文也令二二之長畫果仰成於道立之一其短畫仍非文名譬六子繇乾坤各爻而成寧得云非專卦歟非直二二仍獨體雖一二三三各文曾非合體也說云何居向曾撰原一疏之可證六書之凡今錄此文云許君成始一終亥之編引哉爲義乎一數名之始亥枝名之終原始要終其承教易矣數名始十以六書繩之均指事也或疑一誠指事二重一成之三參二成之三重二成之誠會意非指事也斯未得造文者焉造文者取於乾之奇畫成一以象天指天而示人以一人寧不寤乎取於坤之耦畫成二以象地之配天指地而示人以二人寧不寤乎盈天地

問者何人也。萬物也。傳所稱二生三三生萬物也。繇是成三以象人。參天地而靈成三以象物。與人竝兩間而不害也。事莫大於天地。指以示人。寧徒三三爲數名。曾如誰昔。易寤而大極也。兩儀也。三才也。萬物也。位育參贊。內聖外王之業。罄斯矣。指事誠莫之與京也。三文既立。苟猶增焉。弗已。書契亦庸賢乎。結繩。繇五逮十。均變化二之爲文而成形。故文咸再筆。斯成五。應從六。應爲九。繇是而七也。八也。九也。十也。秦篆咸無易於周文者也。今六非再筆。攸成斯。應壹之陽善。變陰善化。陽樞於七。陰樞於八。常也。常故七八之爲文。肖焉。而微直。陽壯於九。陰壯於六。變也。變故九六之爲文。肖焉。而增曲。倍五成十五。十數相除乘。又五爲天之生數。攸卒十爲地

之成數。攸終故十爲文。其形咸近於交。自更成五。訛成中。均非成繇。再筆無以識爲二之化形矣。夫一生二而數行。故繇又屆十之數名。必資成於二焉。再筆成旃。尤豫合牖。民孔易之經乎。數先四六而後八四六而下。從夫八失倫期。斯甚。宜召陵說之。辭費而仍不達也。篆文又則爲五。尊文又或爲三。均所不取。三篇之部首爻說云。爻也。象易六爻。頭交也。召陵殆以爲指事也。修則謂爻蓋重爻之文成之。會意也。數至五而方交。故豈交而五再交。而十參交。而十有五卦。凡三爻。三爻成十五。貞晦兼則倍之。六爻成三十六。爻之數具矣。易稱吉凶悔吝。生乎動。動斯變。靜斯不變。凡筮變占九六。九六相乘爲十五。則外卦爲悔之數成也。不變占七八七八

相乘又十五則內卦爲貞之數成也。爻重二爻而成文斯應以×爲部首以五爲或文五頌之敦×作又仲五父之敦×作凶五非翹于秦文而秦文仍焉故或之或之者疑之也。爻則隸於×部得已至於爻部之楙說云藩也從爻從林夫楙以蘊林斯應以林爲主爻特象其爻文耳借令爻得成部亦當歸部于林矧其否數又楙之於藩音訓具洽初疑一文誰正誰或謂當敕審而宅之然書名必本經傳凡言楙圃經傳則假樊爲之凡言屏藩經傳則假蕃爲之於假借之有恆徵轉注之非苟于林子艸必兼存其文而寧焉爻之下復列爻部爻已不應爲部曾何有於爻令孟子見之必靳之云何許子之不憚煩也法應綴諸爻後云二爻也而爾文從遷正尾

隸×末耳若夫爽之爲文訓則明也文則從爻從大也明大義近易以大明贊經詩亦大明名篇固當登諸大部也明則古文也其篆文作𠄎月固會意會意不應部首也爽與明意一爽從爻以徵其明明從固以呈其光一也然爻固說禰大月說弘爽說入大明說歸月焉易稱日月貞明禮稱日月代明誠明之達詰也明應從古文之𠄎升于日部月陰日陽陰宜讓陽則陰雖有美含以從王改陽稱王乾陽剛而王象也其爲文作明寧如作明也其爲部歸月寧如歸日也明附明行可也曾滌生謂說文部首有會意抑知寧惟會意形聲寔多矣如齒從止聲可從下聲龍從童聲能從巳聲均是也今繇原一而及數繇數而及×繇×而及爻繇爻而及爻爻爻及

從又從爻各文誠有說處此不遑釐訂焉他如百興繇一百
從一而白聲千興繇十千固音讀類親與人聲諧故千從十
而人聲禮稱人一能之己百之人十能之己千之子思實深
保氏遺教繇已測人故曰今天下書同文焉周竇王化不行
內史不以書名達四方大行人亦無誓史教導書名之事惡
在猶能同文哉爲下不悖立言之教應然也今以人一己百
繩之左僖廿八年傳距躍三百曲踊三百之訓勵曾未足異
數一登百猶數登千耳寧非難乎難則應勵也訓百爲勵正
無庸變其音讀焉爾矣勵本作勸從力也而萬爲亦聲亦義
萬力成勸則猶仁之古文作忝千心爲忝乎禮又稱力行近
乎仁者也千心其爲力也如何而仁在其中矣子思陰以名
學牖人亦聖祖正名之一端也萬本音不若曼觀於繇萬得
聲之邁可見書稱皋繇勸種德曾或假邁爲勸焉惟同聲得
假借亦惟同意得轉注也我恆曰假借承形聲者也轉注承
會意者也自萬改讀若而近曼音忝又行其相人耦之仁斯
勸則改從厲聲繇不深於學者障之也其在深明斯學者復
謂千從人聲忝則還從人聲已耳汜然夷爲形聲文也而失
之於是萬力而成勸千心而成忝昔聖數教之精爰微亦可
憂之甚者上世人事猶少因之攸須乎數也不多指事者興
十文遺之而已給千百同爲形聲則其營之於後者矣而事
增疇昔蓋可知黃帝十等之法則萬曾不與今夫萬假繇蠱
以爲名猶以蠱斯形斯男則百也習用忘其舊稱故萬加虫

成臺耳。是萬則終古無正文矣。萬曾十千耳。猶無正文。何論乎十萬斯億。許於心部。惠訓曰滿也。又稱一曰十萬曰億。一曰云者。疑不敢定之詞。經傳假爲億。漢人或用意。無正文亦如萬也。數名之正文。始于一二。終乎千百。凡文十有再耳。猶伏羲十言之教。八卦消息也。所稱黃帝十等之法。何億也。兆也。京也。垓也。秭也。壤也。溝也。澗也。正也。載也。斯五經算術。述繇甄鸞者也。云及其用之也。復有三等焉。下數十變之。斯十萬曰億。十億曰兆。十兆曰京也。又迭推至於載。故稱十十也。中數萬萬變之。斯萬萬曰億。萬萬億曰兆。萬萬兆曰京也。迭推至於載加之。故稱萬萬也。上數數窮則變。斯萬萬曰億。億億曰兆。兆兆曰京也。苟仍如是迭推。京京則垓也。垓垓則秭也。秭秭則壤也。壤壤則溝也。溝溝則澗也。澗澗則正也。正正則載也。載之於名云何。誠哉應仲遠言乎。載地不能載也。以鄭語訂之。出千品。具萬方材。兆物收經。入行。孩極。京以經爲之。孩以孩爲之。假焉爲名。曾無其文。莫適誰正焉。仲遠秭先於垓。與甄異。以按說文。秭之再義。稱數億至萬曰秭。夫億毛主中數。故稱萬萬曰億。鄭主下數。故稱十萬曰億。召陵同鄭於意云。十萬曰億。則數億至萬曰秭。正當甄說之秭。應說之孩。鄭語固稱經稱孩。不稱秭。秭誠後孩。應實誤也。因論六書。并附舊說焉。

經國篇

吾國至今日。積窳實甚。余將曷曰經之哉。學術而外。無政術。

經術而外無學術三代曰上經術其政術也七國秦漢下其政術悖乎經術焉革其非而存其是天地人物如舊彼能七國秦漢之我遂不能唐虞三代之乎在明究經術而已矣余嘗思成一書爲文五首曰弊夏取周官弊吏之誼名之也曰又夏取虞書俾乂之誼名之也曰文夏曰仁夏取魯論文曰禮樂必世後仁二誼名之也曰貞夏取周易貞正而固天地之道貞觀之誼名之也則名之曰夏語爲來學贈今作是篇實兼斯五誼成之焉虞衡未官產殖未切誠不易先去金幣然不去金幣貪之爲德蚤根於有生之初三代曰上政教實無施而可我恆曰國政旣敝國幣斯行幣行斯弊作弊作而國命斯斃矣興產殖曰去金幣益之曰三代政教經國無尙

乎是然今非厥時財賄不能不計焉夫玉卮攸珍曰其非無當云今諸夏苟曰卮諭無當之玉卮爾猶肆然矜異曰余卮玉也玉也玉之得能蓋無當之失乎自外人之內商也所入之貨母一斯子十母十斯子千他無庸論論罌粟一年之罌粟卽其攸蝕緡幣會之黍於一年黍稷也茲二百年內凡將若千隸首能畢算之乎昔猶有絲縷葺葺可什禦其乘今彼亦蕃殖彌乏滋無其方且不僅互市然也甲午之役責賂二百兆庚子之役責賂四百五十兆則固未之前聞焉竇豈不忌主盜執利柄奚而不彼日加贏乎財賄何國之精髓血氣也雖壯盛之夫夕有牝鬼之厲者盪枕席焉而竊亡其精爰及沈寐伏而盥其腦矣雖而噎其髓矣穴而飲其血矣曾不

昧曰溝瘠焉其不竝五體而腹葬之者非猶其仁乎斯其辜云誰職之吾未見是鬼能媚距色之魯男別嫌明微之顏叔子也抑余之辜夫夫者亦有輕重矣吾曰先後重輕之而已我不市其媚彼焉從賈其虐我夏世虐于狄余茲稔厥故矣始唯七懷柔之懿稱而媚市卒遂獲要索之害而虐賈史蘇是占不忍究詰矣天下曾有愚於媚而俄能智於虐乎虛往曰懷柔實歸曰要索彼慮有得於是哉斯又一彼我貧富故也嗟夫漏卮且難塞矧無當卮歟一無當卮且難恆矧無當卮而二歟執政夫士丁是國也窮無復之覈征於民斯豈貲損上益下之說而樂騷其毗厲之也雖然慎毋久久則民攜攜則亂且迅作古者有喪師而必無亡國國誠可亡渾敦氏

之天下迺施及今日則又何也史所稱亡國者殆卽一氏云然乎然余原一氏亡國之故有先喪師而後亡國者矣必無先亡國而後喪師者也夫侯王容有不侯王之時彼民焉往而不民乎哉書曰畏于民岳而苟卿是用有痛憐王之諭也今不聞德而聞賄不言經民用而日言經國用恐國用不可經而民懷異心也雖知其寒惡不可取昔惟共世子爲能民之於君德則父子若曰不德令吾未見五帝三王之民心恆不渝焉矧德去三五遐甚者歟官也有爵列矣士也服道諠矣然且有向狄背夏者況曰民也日挹諸我民日注諸彼虜民膏血能盈虜谿壑哉吾見其經國用者實經狄用已耳國用經而民用不經且非仁者忍聞今蓋若此其誰不揜耳父

子一家也。其父經嫁娶經衣食。因是多求於子婦。無怨言。苟日與亡賴博而亟負。子婦雖仁。能應其求乎。若生刃其肉於子婦之身。供亡賴一殮。雖訓之曰。此爾之孝也。則子婦寧斃於刃下。不能尸其孝聲矣。茲則手刃民肌。用飽狼虎。猶忍於是夫也。是故六代十國之暴君。猶賢乎方今之計臣。曰。僅用財賂於土木聲色狗馬。及浮圖氏之教也。其財賂故仍在中域。茲則一逝更不返矣。雖盡醢戎貊。投畀糞溺。其能雪忿乎。經國用也。奚爲國用。彌經狄彌富。而吾彌貧矣。無已。余其兼民用而經之。庶洽儒者謨國焉。於傳有之曰。山林之木。衡鹿守之。澤之萑蒲。舟鮫守之。藪之薪蒸。虞候守之。海之鹽蜃。祈望守之。守之云者。非禁我黎庶。擅不同利也。封建之世。列國

麟比。恐悍鄰侵牟。而我民失其資生爾。山海藪澤如故。馮山海藪澤曰。生者如之。今俱替乃職守。獨鹽私之於官。尊其一而予之六。不謂不廉甚。孰知斯尤不廉而兼不仁之甚乎。至其所繕爲令甲者。抑更無理。殫林木。萑蒲。薪蒸。蜃蛤之利。曾不鹽若。何廉之有所私爲民鹽者。夫獨非沾諸鹽官乎。欲曰競什一。斯執之於塗。械焉。箐焉。獄焉。墮家入之金。乃生。否必瘦斃。其或躬棄所負。疾騁。曰。免。敗屋冰雨。父母妻子。餒腹互慶。而械焉。箐焉。獄焉者之鹽。則仍化而爲官矣。苟禁網森密。夫實盜煮罪其私。猶曰可也。今之私何說乎。庸但此不應私也。雖百艇綴屬。千夫朋合。挺稍閃燿。將與卒鬪。此其鹽貨於誰乎。而亦夕私農官矣。既私而又將官之。利用兵。兵則且互

有生歿矣。彼死，彼我民也。卒我民也。曰：生民之鹽，死利民衛民之民。官固知有鹽，而不知有民矣。何仁之有？民生於何，從而服習其水土。吳之民，乃令食越之鹽，而淮鹽轉移食鄰州，何理之有？我恆曰：王者之政，無一不勸民，今反是，無一不勸盜，無一不民盜。今反是，無一不盜民，則自七國秦漢伊始焉，而備其禍者，實始自潁上。豈獨官山海之厲階，至于今爲梗哉？析民與國之一而二之，不能合仁，詎與功利之四而一之，所繇遞衍其術，而爲七國秦漢遂競。今日乎，雖有孟荀董揚昌黎新安太冲道威諸子，儒賢踵興，又不幸位下，而王政不行，朝著閒也。夷狄因鼓其虐，日甚矣。非王政必無曰寢狄禍云，誰不知，僅與時抑揚之賤儒，則曰爲必與頑固，罷

若常斯賦之若常焉。穰蓂芟柞，胼胝而無秋。嚮妻子未足充租，則荷校相望於道。我將劭農之不遑，忍輒重困農乎。昌黎曰：農之家一，食粟之家六。今食粟之家數之不可勝既矣。六家而外，宮廷食之，百姓億醜食之，搢搢食之，胥徒隸圉食之，臧獲輿臺食之，游民食之，優笑食之，八旗食之，戎夷食之，役于八旗戎夷者食之，盜賊之嘯竄山海者，誰能力田而食哉。則且寇攘耕者，曰飽爾，悲夫。雖割我民之半而農之，猶未足盡其之食。矧農日加寡，食粟者日加眾乎。上焉者則薈如也，非果薈其心，其心曰：余富，雖百金易斗糶，余知免於芋矣。靈輒黔敖盈國中，彼貧，空死也。何有于我哉。水旱而禁，塞功令焉爾。沴戾而郵，實中飽焉爾。夫歲所曰，或水旱沴戾者，溝洫不修也。夫溝洫罔修，伐蛟雖勤，無益。矧蛟之不伐乎。今水利固儼然有司焉者矣，而大浸日廣，枉渚日淤，曠焉則龜坼，靈焉則魚游，日覩和甘，用汰征斂。天心至仁，蔑能副無厭之求也。烏虜官之於民，唯繭絲則誠爾。雖渠洫孔宣，天休不必臻備，乃闕焉莫修。今若也，胥徒隸卒，飽食晨游，胡不役之，俾浚畎瀆，枉渚之坳者，抉其壅，則大浸之悍者，殺其勢矣。旱乾水溢有備，春耕秋斂，有助。雪尺焉而伐蛟，雨寸焉而迎貓，饑彼南畝，田峻至喜，農焉有不勸焉者乎。於是畿輔之水田，東南之萊田，西北之沙田，餼汰卒游民，曰農之，不率教，則司敗隨其後，物土宜，錫嘉種，種之黃茂，田日闢而農日增，穀日盈而糶日賤，行之三年，凡我國內，有舉火之家，無不黔之突矣。且

夫畿輔田不仰食於東南焉。西北田不資餼於東南焉。東南之田食東南之民。吾信其裕如也。其祖姑盡入金幣。國用有贏無贏矣。又汰卒游民而農。則盜賊斯寢。男女貴賤安堵無傲。國莫賴於農。民莫患於盜。政莫弊於漕。用莫費於餽。唯斯舉能美臻而疾祛乎。然蜀中之疇。菽粟素給。今則改菽罌粟。憚小利而賈大害。米值之珍。曰是矣。必厲禁而淑導之。庶有豸。至鬻運出海。墮鳩鵠而飽蝮虺。萬戮曾難蔽辜。殺其身而不孥。王政寧爲其仁焉。雖不能復阡陌爲井疆。正經界。曰戢污暴之慢。庶幾循而弗墜。亦井田之亞乎。夫曰蠶匹婦尸之。今先爲訂祀典。天曰神人曰先。昔制然也。宜曰天駟爲蠶神。西陵氏嫫祖爲先蠶。餘則淫祀矣。淫祀無福。將蠶后帥妃嬪。

祠于宮。命婦及庶婦。曰姊妹。先後。女叔與妾。婢祀于家。榛栗脩脰。蘋蘩苜藻。必芬潔。無取備物焉。祝史曰。時女爲之。祝之。文迎神送神之辭。釐爾士女。賢而有文者爲焉。棗行俾誦習。玉聲璆然。爵三獻。卒禮。古禮。雖后妃夫人命婦。竝玄黃朱綵成祭服。且衣其君子。卜夏暨敬姜氏之言也。然蠶則婦女躬之。桑則夫士躬之。夫秋胡行。金潔婦淪魄。使君東來。羅敷矢音。女執懿筐。遵彼微行。其風肆好。尙慎旃哉。所謂違而道乎。旣蠶矣。猶必我爲之。絲我爲之。機而后。我得柄其奇。贏則奇貨可居。不至爲西賈專焉。我唯不自絲自機。所絲勞而無勳。彼獲逸高其沃利。我蠶成矣。彼從而賤之。彼機成矣。彼從而貴之。曰貴曰賤。彼有權而我無柄。我因呂有蠶桑之名。而曾

無其實乎。彼攘厥利，且數十斯年，其猶不悛。後將噬臍，蠶吾能繭之矣。繭吾能絲之矣，曾是絲也，而吾弗能經焉。緯焉，杼焉，軸焉，而執繒綺羅綾縠之哉。我人織之之能，固視彼爲精純焉。繇我而貴之賤之，如乎歲之盈昃，利庶無外溢之病爾。然應輔曰：麻、枲、苧、葛之類，于曰刈，于曰獲，于曰績，于曰紡，于曰機杼，于曰丈匹，于曰刀尺，于曰衣服，婦功于曰成家，道于曰貞吉，江漢之游女，角抵之行伎，鞠部之女伶，女閭氏之蕩子，婦固將俾之室家，而一切蠶之麻、枲、苧、葛之自女也不爽，雪坤道之羞，揚陰化之懿已。雖青衣之賦，綠衣之詠，辰被碩女，寧其肩乎。何也。閨門之中，有職業，曰瞻其生，誰樂。曰皓皓之白，爲是卑身辱德也。則農矣。曰羨其食，蠶矣。曰足其衣，家無贏，男室有良媛，男曰淑，父母媛曰仁，舅姑闔牆，夷爭勃谿，歛聲內外，正位家肥而化成。然日用攸馮，猶有待於虞圃工商。始完然羣美畢臻也。虞與圃似，公諸野斯。曰虞私諸宗，斯曰圃。夫亦云息豢殖而已矣。自虞寢厥官，山海藪澤之利，爰不登乎公家，豪猾并吞之，貧黎斥棄之，斥棄棄也，并吞而莫之能又焉，則又不棄之棄也，甚或爲焚山之獵，竭澤之漁，狙睫智而逞私圖，潰造物無盡之壑，則繇衡鹿舟鮫，虞候祈望之無官，失其守而贈之曰戚也。夫虞都君所曰命益，藪澤王孫園所曰詡，燿於晉，用傲鳴玉者焉。今且棄旃，迺莫明，什人之術，而擅欲啟鑿，倚西人爲前馬，執且地喪厥寶，我仍無救乎貧，而贍域外之跼躄，謀不彌左乎哉。雖或未必然矣，舍天

地自然之利而不可知之靈英於鑛賦甚非良圖慎復衡
鹿祈望諸職山林守焉木勝用矣民於山林者不貧海瀕守
焉蜃蛤勝用矣民於海瀕者不貧藪澤守焉萑蒲薪蒸勝用
矣民於藪澤者不貧矧復有他物稱是民滋不貧也姬周而
降唯擯虞不官因而山海藪澤恆爲棄壤木蜃萑蒸恆爲棄
材屆今二千腰蜡矣無一人焉呂建議匡復其人豈皆子產
歟子產曰僑不才無呂及子孫烏虜苟不爲子孫謀矣吾不
知彼所稱救時者謂何也其愈於趙孟之斲日渴歲自齊隸
人焉幾希帝王爲治固無不呂百世萬世爲量焉不必萬世
百世皆其子孫也能篤守其教而惠民斯其賢子孫爾桓文
其殆庶幾乎能微法之而驩虞其民矣如使虞而可替矣乎

舜之命官有虞而無兵何也蓋兵呂殺人虞呂養人而已後
王曰天下爲利府兢兢焉怵人篡之於是呂兵得之亦將呂
兵守之建司馬之秩帝德其始替矣歟斯其誼班固猶明之
故九流無兵家之學而擯與小說方技等列也利府可呂兵
得我欲得人其否之我有兵人其無之雖無兵焉我之卒乘
遂不能倒戈相向乎授人呂兵弗啻呂利府授人矣余未見
兵之得衛夫利府也而猶欺飾其民曰吾呂衛爾民夫民之
爲利府者寡矣焉用衛蓋非是則責饒於人疾其無名爾嗣
是遂呂生人之農餽殺人之兵矣及宇內不靖利府失而民
亦罔保其四體焉昔之寧斃民溝壑呂祿之曾不爲之守利
府甚矣兵之善負有國者而無代不然也兵爲無益乎爲有

益乎。天下唯自信其德之不堯舜如故。無有曰兵與堯舜爭。唯自恥其勳之不湯武如故。無有曰兵與湯武爭。湯武雖有兵而不重賴夫兵。堯舜何必兵哉。刑期無刑。將並刑而不用矣。祖征苗民。偽書之不經也。苗苟我兵。舜豈不能爲太王避狄之仁。糜爛其民。爭養民之土地。聖人豈忍斯出乎。若虞則反乎兵而裕人之生者也。唯益爲能勝任。常則溥利于黎民。變乃烈山澤。曰襄害。承土階茅茨之風。不曰利府命之也。後世攢諸利府之外。信同矣。而不爲之守。不爲之崇。利不爲之殄害。則誠同歟。異歟。夫民也。識未足炳。此力未足經。此權未足任。此迺仍相率而棄此。今旣設之守矣。尤宜亟弛民鹽之禁。盜煮外不之問。舟運外不之征。其征之也。權于鹽所餘則

盡否。若又聽民自煮。官從之征。則尤仁民之仁矣。不然。仍旋官旋私焉。則夷賈之欲是也。久矣。其陳於政曹也。數矣。彼苟鬻運焉。曰柄利。西其舟。曰盛之。西其旌。曰章之。夷之鼠也。而官虎之官。仍能詰而私其鹽乎。奪而官其鹽乎。如誰昔之於我民乎。其不能乎。夫吾國之利。利我民爲利乎。利彼夷爲利乎。均是我國之利焉。祿吾民而我仁。國胙斯永爲利乎。德彼夷而我毒。國步斯傾爲利乎。若是。曰爲之言。雖婦孺其疇不知。矧官乎。矧尊於官者乎。彼之挾火械。曰重困吾國。察索我之利柄。非實。曰我之利害。我曰傲利乎。豈尙不足而更奪諸我也。曰子彼。合他日害我益烈。脅我利柄。益鉅乎。夙夜循省。非不如弛禁乎。民鹽。俾戴我若父母之爲愈乎。於是予之鹽。

子之薪蒸菹蒲與木與蠶竝予之飛潛動植于山海藪澤者則曩之奪之一者仍予之曩之予之六者今不啻予之百矣復予之四守利之渙者爲崇之害之滋者爲襄之地蕪穢令鉏之俾乂地庫溼令溝之俾濞地曠熙令渠之俾灌地磽瘠令糞之俾沃地堙陷令衰益之俾平地瓦礫令輦鍤之俾壤宜桑麻桑麻之宜枌榆枌榆之宜芰荷芰荷之宜杞菊杞菊之宜羊牛羊牛之宜犬馬犬馬之宜雞鳧雞鳧之宜魚鰕魚鰕之宜華華之宜竹竹之宜蔬蔬之宜瓜瓜之宜果果之宜菽菽之他動植準是難畢數狂噬毒螫有妨人務盡殲飛鳥走禽有賊物務盡驅昆蟲之微有或病物務盡禱利畢致焉害畢屏焉衡鹿舟鮫虞候祈望之遺烈闕矣哉則山海藪澤

治矣而鄰于山海藪澤之地且無弗蒸然日治矣是虞於藝植之外固兼有芻鈞弋獵畜牧羣利焉曰裕民用民用必裕矣然而民也者聾而懈冒而矯者也蓋失教於七國秦漢之後而遂壹肖其君上之德矣其聾也肖其塞聽蔽明焉其懈也肖其自儕阜隸焉其冒也肖其貪天功爲己能焉其矯也肖其舍曰欲之必爲之辭焉唯聾懈故不教則罔與圖始唯冒矯故不教則罔與慮終守焉者教是謂乎始不教焉則曠利中不教焉則封利終不教焉則盡利今且曠其聾而策其懈矣苟不事爲之制制爲之時恐將有非時之伐非制之殺而卒緒童其山用絕其蕃殖孳乳之藪海與澤焉孔子之不網不射宿所呂養其釣弋云爾孟子之無失其時與王

制之不中不殺不鬻於市所曰養其畜牧云爾孟子之曰時入山林所曰養其芻匠云爾周語之王狩不掩羣所曰養其獮獵云爾養之爲言長也唯養斯能長乎聖人非不愛物而曰物予人食用則愛物之理不勝其仁民之情焉吾謂始之曠其聰而策其懈教曰智勇也然智則知其利矣必務利焉而至於冒勇則徇於利矣必詭利焉而至於獮匪教之仁且忍於物而忍於其民忍於民而忍於其親忍於親而忍於尊上夫至忍於尊親矣天下何事其不忍爲之病將焉屆焉極乎民則甫言虞利國已陰受其患惡乎可君子知非仁必無曰靖之矣夫仁也必公何冒之有仁也必謹何獮之有夫曰冒而獮取天利絕天天絕之曰冒而獮取地利絕地地絕之

曰冒而獮取人利絕人人絕之曰冒而獮取物利絕物物絕之斯四者皆不仁之屬也其患之臻焉必恆於其族苟曰不仁之徒冒焉獮焉而盡取天地人物之利曾不悛于厥心乃克終保其虞之利乎則七國秦漢下之王侯亦將永享利府復何曰此則不祀忽諸彼則其興淳焉至勝明而未息雖嚴刑銳兵莫之靖遂繼序於吾國也因是寤智勇之未足夷亂必仁載智勇而行之庶能着治焉爾在詩曰彼有遺秉此有滯穗伊寡婦之利於乎曰遺秉滯穗仁不能蠶織之寡婦周初井澮之閒靡往非王政殆主伯亞旅熏習於發政先斯四者之醜化乎今教之虞用輔蠶農之未足足利養於靡窮矣當首教曰親親之至仁九族有鰥獨孤寡廢疾餼之粟給之

鮮餽之蔬果遺之布帛贍之周其身次富者推其仁於姻友之有是中富者更推其仁於州閭之有是上富之家益推其仁於道路之有是而貧至行乞者焉棟宇之煇餘之裳衣之櫛穉之彙一鄉之上富爲之不難矣若非是而男女日乞役之農役之蠶役之虞役之圃役之工商逮有賞聽自爲若汰卒游民而羸老不任畿輔西北之農者亦可隨其能而虞圃工商之也禮運曰貨惡其棄於地而不必其在己力惡其不出於其身而不必其爲己余之欲虞圃其惡棄貨乎欲汰卒游民乞者而壹皆農蠶虞圃工商之惡其棄力乎且汰卒游民不早爲之所足用病國乞者不令改圃雖不至烈於爲患亦將慮其忝國矧忝國之甚猶有女閭女伶徒哉祛病國忝

國之弊而盡之斯拯國之良藥焉圃之生貨猶夫虞也屋之後牆之墮凡有隙壤得十笏五弓鈞可因而圃旃多則更善矣從焉池之阜之垣之藩之特曰睨鄰居廬爲用隘于虞爾然可菽麥式裨農然可桑柘式裨蠶然可林木式裨工然可貨物式裨商然可萑蒲然可薪蒸然可蜃蛤式裨虞然可麻枲然可茅葛式裨紡織然可瓜蔬然可卉果然可漭蕩然可鷄鳧然可豚羝式裨豢字菽植可增益乎蠶虞之外焉矣池阜斯旁藩垣曰內陂梁焉岡巒焉畦徑焉視壤廣隘貫冲羨爲焉而亭館墜息之地勿使勝莠育者疚蕃庶長佚玩焉斯實族姓恆產士夫之家宜農蠶工商及虞亦罔不攸宜男之壯者爲士夫農虞工商乎外婦者女者蠶織紡績于內復曰

餘力課菽育于其圃。有其三可中富。有其二可次富。下富有其一。可不貧。苟夙有十百千畝之田。賃人耕而從。曰賦之。乃又有其或一或二或三焉。則豈中富下富云云哉。老者無不肉帛。八口。目上無不飽煖。斯無不同焉者矣。有圃焉。碩果旨蓄。罔絕乎四辰。悅親之餘。餉及宗黨。朋媾。沾其芻蕘。俯仰獲。曰事畜圃之勳。效懽矣哉。雖未獲盡。人有茲。苟得尋丈。墨之壤。菜焉。而炳。曰羔彘雞鶩之母者。一歲用。曰侑餐醢。其待給于市者。夫亦罕已。民生於勤。勤則不匱。凡有十臣四民之一。於乃身。其誰能憚勤。禮中庸曰。日省月試。既稟稱事。所曰勸百工。九經之七焉。今之工。殊異乎古。無居。曰成器之肆。曰誰省之。月誰試之。既稟孰器其能。而隆殺之久。失其勸。百工之經矣。所藉。曰成之器者。唯學。諸其師。同師能幾人。觀摩之益甚。禡爲工之器。如之器。不利。事不善。茲其繇來歟。又無。曰考工一篇。教者。滋遠於前。民用之法。器矣。烏序。我夏之器。巧矣。麗矣。人且爭從而沾之。夷焉。苟遵商周之型。誰不誕笑。匱走。仲尼故。愾我寤。歎於觚。不觚乎。今奚一爲古之器哉。無已。姑去其巧麗之太甚。而無適於居息。服御者。夫宮室不度。屋妖也。冠舄不制。服妖也。飲饌不物。食妖也。軒御不軌。路妖也。絲緒不典。帛妖也。膏苴不憲。火妖也。書史不則。籍妖也。紉佩不雅。飾妖也。陶冶不臬。皿妖也。器用不矩。械妖也。所耳所目。不彝。不經。都相率棄雅。卽鄭舍夏。從狄吾蔑。曰命之。姑命之。曰妖。猶怨辭也。曰之罪工。可乎。必不可。寧方而卑。不圓而卿。

碩儒能鄙夫不能也。夫獨無父母妻子乎。雖無焉。夫獨無身乎。彼非憎人樂妖也。俗尚云爾。俗尚攸在。徇之斯足。曰。饋父母。鬻妻子。矯之有爲。首陽餒民已耳。俗尚又庸必欣妖疾人哉。國尚云爾。孟子曰。能言距楊墨者。聖人之徒也。楊墨崇道。不若今夷貉之教之甚。有人能曰。言距已足矜尚。況能火其廬。兵其人。力距甚於楊墨之教乎。其爲聖人之徒。又將云何。官迺誅聖人之徒。殆甚盜賊。駢戮罔忌。而其官則上除矣。所聞無不然也。我夏所曰。尊於夷貉者。曰道也。道莫大於聖。聖莫崇於孔子。君諸夏者。故無不師之。然徒名而已。蔑能遵其片言。甚且畔其道。曰賊人。夫子有弟子之乎。有饗其禋祀乎。文廟固徧禹服。唯魯存遺象。我儀圖之之不遑。而夷貉挾其

曰。且殘及仲子右臂。令曲阜世聖胄曰。聞不之間。餘官無崇卑。噤如寒蟬。政曹嘉其鎮靜。咸交于位。庚子之戾。官有上除者。有駢戮者。有自殺者。有黜逐者。其生死榮辱不侔。生而榮者。後夏先狄者也。死而辱者。腹夏背狄者也。誰貞誰贖乎。誰勳誰罪乎。然而生死榮辱反是矣。噫。噓。戮聖人之徒。曰求除官。縱毀聖象之賊。曰求固官。睚寇國之仇。曰求升官。睚睚胥讒。其如官之位尊金多何。吾則曰。多則多矣。抑君如鼠相鼠有皮。且將不忍爲官之爲矣。國之尚聖徒不夷若。國之尚孔象不夷若。甚且國之自尚仍遠不夷若。是國之尚夷貉也。竇尊無與對者矣。國既尚夷俗。能無尚夷乎。其心曰。國之所曰尚之者。曰其夷爾。吾不能夷其人。而用則夷其物焉。不能夷

其面目而夷則夷其肺腸焉。尙能傲尙於國乎。於是士則夷其衷腸。工則夷其器物。俗乃丕變矣。余昔謂反王政之勸民爲勸盜。茲更益曰勸夷焉矣。又國者將盜賊夷狄之務。去不去亦已甚。非今此爲性哉。厥未至胥我夏而盜賊夷狄者。堯孔禹孟之茂烈。猶有存一二位下之君子。相與黽勉扶植之也。夫工焉足詰。尙夷者俗也。俗焉足讓。尙夷者國也。夷國斯夷俗。夷俗斯夷工。工曰食技耳。非將曰衛吾道而存之焉。國俗旣競趨於夷。工何爲而不夷。不有人閑而正之。日形其僣。裂繩矩耳。夫工之良賤。正譎器之道。回法淫。識微之士。于曰鏡國俗焉。若之何不正。何曰正之。于工則良之。正之曰夏之。于器則道之法之曰夏之。云爾。曰不憂夷之賤工譎工曰淫。

同之器攘吾財。而我將隕厥工利哉。曰惡是何言也。唯吾之工先自阱于譎賤。器先自離於淫回。故夷得偵其隙而蒙我。苟所服咸前民法物。彼工所成之器。能一日行於吾圍哉。且吾誠崇教養而息刑兵。人人優身家。人人戴長上。我夏曾靡允竊矣。寧慮戎貉之猾哉。一世行之。三十年夷禍戢焉。世世行之。億萬斯年之久。夷禍永戢焉。微獨夷不能吾難。四溟之表。其誰不鼎夏而革夷。吾蓋盡去七國秦漢之陋政。蒸蒸焉。復唐虞三代之舊也。必矣。吾之董振百工。其業首在玉制。玉制曰作淫聲異服奇技奇器。曰疑眾殺。假於鬼神時日卜筮。曰疑眾殺。孰有自阱於殺而我嘗乎。又云用器不中度。不鬻于市。姦色亂正色。不鬻于市。孰有自麗於不鬻。餒乏其父母。

妻子身家而我嘗乎。雖然，余將厝刑兵不用，焉用殺爲。曰：不
鬻困之，夫則知改于時一變妖而人之器無淫回。工式良正，
鬻夷迹而西焉，殆若風隕曠，殫民不惑，志妖妄被曷所互市
哉。而吾之爲工謀者富也，爲蠶爲虞爲圃，何富其用也。足稱
事焉爾，爲農何富其食也。足旣稟焉爾，爲商又何富其鬻之
之道也。足利厥器而善厥事焉爾，復爲之工肆而監之。曰官
日焉省，月焉試，優絀其事，豐約其旣稟，掄其長俾爲工師，能
甲千人，長千人，能甲百人，十人，長百人，十人，有學技者聽入
肆，始師，眾工漸進，師長十人者，益進，師長百人者，精進，師長
千人者，庶卜子所云居肆成事乎。人家役之，受值視旣稟，道
遠，飲往返，在道日月，具家值之如在役，愆期至焉，量減其值。

必平。技成欲鬻技于家，勿禁。凡學于肆者，禁徙業，業徙惡乎
成。唯材齒可任，徙業焉，斯聽之。禁再徙，醫覘卜祝之類，技成
役于人，亦如其餼。唯醫必歲月試于其官，視他加謹。月能生
百人，千人，廉之實祿于家，錫之榮號，爲閒復殺人，視厥榮號
凡爲醫，不明三世書，及列代名家善撰者，不聽食技。所曰慎
卹民命焉，信宜簡擇醫官，成一書曰遺之曲禮云：醫不三世
不服其藥，冲遠正說，三世曰黃帝鍼灸神農本草，素女脈訣
當之，頗得鄭注，慎物齊之指，說可遵也。今惜三世之書，止本
草存，宜曰內經，素問，靈樞，難經，本草，與二輯本及張仲景傷
寒論爲之經。命曰醫經六書，箋其音讀，析其章節，釋其詁訓，
扶其說蘊，復取扁鵲倉公曰來名家論說方劑，足用發明經

理者附焉。多錄副本。就四方君子神明是術者。正焉。刪其駁者。增其粹精者。許曰。三年相報道。至迴者。則期曰。四年。比及五春。請益於遠邇之本。計無弗復。反主者之門矣。然見淺見深。見仁見智。是非恐不能軌一。必公推一人。尸其成。又三年。折中成己。精當然後刊行。準唐臣十三經注疏律。曰。醫經六書注疏名之。凡參論者。校勘者。俱列名編首。屬藁而鑒定者。則每編列其名焉。遂行之天下。學醫者必從事於此。且著爲令甲。試亦曰之。讀斯六經注疏一書。而古今言醫之精說奧詣。無不於是焉存。力簡而勳倍。利於來學爲宏。壽世祿人。寧止不朽名業已哉。昔者嘗勸吾友常熟俞氏鍾鑾。吳縣曹氏元忠爲之。惜皆牽率人事。莫之能應焉。唯二君通儒。久致力

靈蘭之書。夙有心得。雅足任此。而書不之成。命矣夫。姑存余說。用俟後之博關天人之學如二君者。夫春秋曰。上無官不世。獨於醫官言三世。於文亦贅。故知父子相承爲三世。其說爲未得鄭意也。且子產之稱鄭商曰。世有盟誓。敬仲之釐四民曰。工恆爲工。醫必世醫。又不僅官爲然矣。聿曰。三世爲衡。似深而實淺爾。若爲醫於祖父之身。必技行於厥孫之世。爲效若此。其非近。夫誰任之哉。曰。黃農素女爲三世。斯其說方允焉。醫必曰三世爲宗。猶治必本唐虞三代爲主也。成六經注疏。幸來葉庶不至。曰。所深愛之父母妻子。寄生死於不知經方之人乎。而師亦有曰。傳人官亦有曰。試人。醫學中絕。將有復巨重明望矣。卜筮所恃決嫌疑。定猶與者也。祝史所恃

承祭祀交神明者也。及冢人墓大夫之職，竝前王攸崇，唯邪說熒眾，禁誡斯若焉。百工其允釐，然吾夏工政積窳，歲靡億兆斯金，而訖難救寧。又莫如河防爲甚，夫水質柔而性剛，隄呂木石則三剛相乘，其爲衝激也加猛。大決所犯，傷人必多，不僅甌貝幣於衝流，方羊中己也。且豫鎮爲膏高，詩稱爲峻極于天者，呂屏斯河風之生也。曾不得宣洩，斯其怒益甚。於是助水，呂陵蝕其隄，水亦受戾於重鎮，蔑用紓其怒，更戾于隄，其能堪乎。風水之勢既合，畢力，呂力崩所爲隄，旦築斯夕崩，夕築斯旦崩，木石靜物也，其韌能幾何。能兩禦風水盛怒乎，逆而障之，伯鯨所繇爲不才子耳。神禹嗣興，順其性而利導之，決汶漢焉，排淮泗焉，淪濟澤焉，疏九河焉，凡呂洩其怒

分其執而流其惡焉。自齊桓貪賴近利，陘禹迹用廣田閭，因是九河故道，未從仞測，後之人所祖述而行之者，繇之昔智云爾。大建河臣，重傾國賄，經天互地之水，質焉撮壤填之，又增漏卮之一矣。呂不韋云，龍門未開，呂梁未發，河逆流，孟門名曰洪水，禹乃決流，疏河爲彭澧之障，所仁者千八百國，此禹之功也。孰謂明德既遠，齊桓一人何敗之之易歟。然將契舟求劍，如西京議人，欲循九河之故而鑿之，則又非矣。徒駭鬲津諸川，旣易爲原隰，廬井雖禹生斯日，必不墮民而河之焉。矧周自定王五年，河徙故道，桓君山述王平仲引周譜之言也。河業徙其行道，曾導河得準，曩迹乎，疏者猶云通也。通則因而匪剗矣。九河當不始神禹，直因其舊有而加濬耳。二

帝之勤陸無曠原非農則虞民藉伏生禹實志存康濟可闕
民之生哉今河既徙易其道渾渾黃流豈無旁川旁川凡幾
竝其所存之枉渚無不疏之不必囿曰九河數也枉袂雲族
輦雷雨下銀虯雜注俾河津之水繇川渚而咸入汝漢濟漯
淮泗而畢達于滄溟其不能曲注者則溝而通之蓋水之爲
性直寫易於橫溢曲注斯安行而不害河本九曲天所曰畜
其勁豸其虐也故川渚亦利曲而病直爾其川渚若近民田
廬者其穴之也隘而加深俾鈞其容水之量既免旁溢爲膏
又不妨民產殖焉川渚成各予之名而移其舊設之河臣職
其歲浚之責水潦攸降十二月皆有主名孟春曰解凌仲春
季春曰桃華孟夏曰麥黃仲夏曰瓜蔓季夏曰礬山孟秋仲

秋曰苾苗季秋曰登高孟冬曰復槽仲冬季冬曰蹙凌厥稱
凡九水衡所述者也必巡視川渚加呂疏濬焉所去之塗泥
則曰益其旁岸運長圓之鉅石旋轉之務令堅鞏雖始浚之
辰如之泮岸日增其崇斯川渚日加其深矣夫木遭水而腐
石遭水而泐剛不能禦剛也水之與土始焉相習卒焉相忘
唯柔能制剛也曰土爲防謚黃潦之侵其或未能若旣入於
川渚其力馴矣其怒平矣其勢分矣又深足曰相容矣崇足
曰相承矣知永無陵突之患爾穿築之用雖闕損河工彙歲
之費應無不給慮也一勞恆佚益纘禹之勤乎歲疏月濬用
則甚儉彙者十年之積百年用之不勝矣黃熊之神之遺醕
子焉永祚不徒匪其漏卮紓吾國用己也商者今所右而王

者所左也。然王者雖左之，未嘗重困之。今名曰右商，轉重困夫商。何歟？則侈約廉黷，惠虐異焉爾。夫君人者，豈必操刀爲虐哉？天下之大，有一人失養，一人失教，已不免於虐之歸。矧行一政，官一官，其福人爲僅乎？福人亦曰適逢其官之賢爾。於君何有焉？然勿謂其概虐也，吾見其加惠矣。惠何？曰惠夷，惠夷而惠及其商，蓋於我商則黷取之，自奉若今日之侈。於彼商則廉取之，自奉若王者之約。夫惠我商，伊何？惠彼商，伊何？第相等已，謂不能充類，惠吾子如鄰人之子，雖惠不惠矣。惠吾子如讎人之子，雖甚惠，滋不惠矣。今反彼惠我，虐焉。沐則心覆，心覆則圖反，意者其人恆沐乎？我商之商也，行一縣，縣必征，行一州一郡，州郡必征，行四五百里，舟中之物罄矣。

非罄於有無，相易罄於征也。夫列國之世，晉與秦楚不互商，則已互商。則晉商之秦，秦必征爲姬商，而商贏國焉。秦商之楚，楚必征爲嬴商，而商羊國焉。若晉商于晉，秦商于秦，楚商于楚，其不之征焉必矣。征亦一征不再征也。今實自征，一旦太甚，況征之不已乎？吾不知此州郡與縣爲誰氏之國也。彼州郡與縣又誰氏之國也。而烈于秦楚之征晉乎？夫盜也，盤錯山藪，其劫掠行旅，辭曰貨路。今之關及創爲不上不下之字，曰名之者，其亦曰貨路爲贏乎？抑有甚焉者矣。凡有大川，必有其之支者，征者則憂其出於是也，而不之及征，潛舟焉。曰執兵之士竄焉，有獲，詰曰女逋，征貨其貨，幣其幣，舟其舟。雖及鉅萬，獲則有之，曾不面報東陵之樂，余稔不蠲，彼攸爲。

矣。既曰互市，彼不獲禁我之往矣。彼曰我金去，我曰彼金反得喪，雖不相覆爲之實賢乎已。我商之往者，幸有鉅萬者矣。此國之慶也。間有不忘夫本，乘桴而東，比其反也，金兮纍纍爛焉盈門，官媚之，百其誅求，萬其徵索，侮奪其金之半，猶無饜心，則有痛心疾首，長往不返云爾。其僚聞旃，咸懷戒心。其室者使人逆其帑，未室之士，則婚彼中女而婦之，不敢顧父母，念墳墓，甘爲夷貉之鬼矣。今吾商爲富室于異邦，其麗不億也，傷哉。是區區者，曾未逮外溢之數百一。曰憚，故合其人，其家咸富庶，他族焉噬將去女，碩鼠之禍，于今爲烈，忿哉。然唯碩鼠于我商，斯必爲腐鼠于彼商爾。吾商知其然也，故暱就乎彼商，曰假威焉，明明吾商，賂彼令主之，已則爲之寶，苟

逢關津，侏離數聲，津吏諾諾，準彼稅律，雖稔厥僞，惶怵承命，官靡往，不爲民鷓，誠如是乎。今故商人矜言外交矣。雖然，獨商也云乎哉。官則更甚，外交彌多，官彌榮，恆矜言其僚曰：吾善某國，密某國，吾尤善某國，尤密某國，畢數焉，唯恐或遺於禮大夫無意外之交。今有外交大辱國，女曰爲詢人，或女諒，輒因曰爲榮乎。牝類獨女，閭之至無行者，或榮其外交之多，然昌言眾中，猶有所憚而弗忍，其略能自愛者，斯獨寐飲泣焉。汪容甫曰：人生寶難，寧可責之曰死，仁者惻怛言也，官尤無恥于若人，庸得爲吾上國之榮乎。噫，天道往復若環之循，斯國史剗建，貳臣傳之效焉。夫臣之於君，師之于友也，堯舜而後，其誰不然。所可妾婦倫之者，事君容悅，志在衣金饌

王者爾。而夫婦之際亦未或無施報存焉者。今有誘人媵婦而匹之。旣而筆于家乘曰。是再妻乎。我其操不足稱也。曾難誨貞。用意酷者。天因駟伍其酷荅之。於是生女閭之妓于昆葉。用醜其家聲焉。在人欲其從我。在我欲其詈人。戰國說士之陰謀。史成則而傲之。過己。今所斥爲貳臣者。夫固爾。公爾侯。徵之執摯於我者焉。生資其力。亡則醜加。呂不潔之名。固其人不能爲。而農寧人有足自取。然亦太甚矣。漢祖誅丁公。未獲三漢無貳臣。孟堅呂降。姦臣叛臣傳。史牒咸因之。而仍無代無其臣。三代下好名者鮮。好沒世名者更鮮。誅人死後。將曰勸臣節焉。斯不能已。矧湯武伊後。得國罕正。甚哉天蓋自醜其德云爾。唯無瑕者能戮人。慶封不能無辭于子圍之

徇者。曰子家昏德。圍無不陰焉。則之也。怙執而矜言戮之。立莫何受教矣。夫非猶是臣乎。曷爲而臻于姦叛爾極也。此無他。舊之爲之君者。不足於令德。因遂縱而陷之。令然爾。繼是而君斯國者。雖幸或姦叛未兆。一反躬自鏡焉。寔不能無陰受若臣之德。則曰今代有瑕之君。戮先朝有瑕之臣。雖反側之子。其鬼莫靈。誠不必諂其愠焉否矣。然能服天下萬世人。心乎。微獨誅不令之臣。而未我直也。雖上則薦人于孔庭。下則旌孝友貞諛之士。苟內省無夫人之德。亦云不我肩。曰焉爾。然德從其厚。究不失爲勝舉。旣表明代蓋節。又并道威考。夫啟泰乎文廟。宜先士操烈之盛。及庚子而未艾也。時之人旌言外交。曾不忝于厥心。則史氏糊置貳臣傳之效焉。故人

勿肆行其心之攸悛斯鮮矣其不仁肆行不仁於心臣不徒能外交已也今且有藉之寇兵齎之盜糧甘爲兵在其頸之卻至者矣猶苛征不悛于商商能不爲其攸爲乎今雖外交然寔僞也猶士類之就食于彼雖或助之文牝政莠教之書非衷之甚欲焉故士則譬夫失養于其親之孺子號泣鄰人門也商則猶孺子被撻于其親將斃奔匿讎人之家挾其親莫敢誰何也爲之二親者少焉仁之育之鄰人則鄰人爾讎人則讎人爾親之于鄰讎會不易位爾雖然官亦徒曰生死榮辱之繇恆繫於外交實忠於保軀命誠於固爵秩斯然爾非其心一迹不反也官然士然商寧不然人類必非冥囂商寔眈之愿者在反侈而約反黷而廉反虐而惠云爾今將惠之蓋首去所稱勅爲不上不下之字曰名之者乎今則縣必有是有必不啻二三州必有是有必不啻四五苟至郡則彌眾矣至于大郡則彌加眾矣爲四面之網網魚然且仁者弗爲網商如斯其密商何辜而不爲湯世鱗族焉今雖未能遽復譏而不征之仁政如昔者文王治岐也宐亟定一稅之法征于首關予曰璽券雖徧涉禹餘之州譏璽券之有無誠僞而已不復有絲粟之征庶物直貶而民瘼蘇商亦無積滯之貨而商困未始不因曰紆乎於是農曰粟易商所儲而農也若商女曰帛易商所儲而文也若商圃焉虞焉者竝曰其物羨易商所儲而虞圃也若商商則曰所儲者易于農蠶虞圃商賈之門百寶盈溢是商又不殊眾家攸營矣工役于眾家

受眾家物羨之物曰爲鬻工亦何異身任農蠶虞圃商賈職乎能反布粟相易之政而五金不曰爲幣金珠雜寶之類國唯曰賁臣工家唯曰飾婦孺攻則命工于家爲之不得相鬻于城市奸我禁律者罪至不宥斯足祛人之貪而吏莫爲墨氓莫爲盜蒸蒸善俗治登純王貞持焉而不渝億萬斯世平又矣黃太沖之於儒術孟子後一人也其識能見三代大道爲公之盛而實持斯論人或迂之余則深韙焉不如是欲天下一日之靖不獲也蘇氏父子之論學大要不軌乎正猶且識開價利之徑爲天下鉅患農蠶虞圃之生殖甚矣其不價不利也苟賂工曰之貨商曰之周旋人事莫不曰之推之國曰頒廩糈官曰祿掾隸今定一法焉曰農蠶虞圃所殖民所

應賦于國者爲之贏餘則存諸吏府備凶荒之不足逮不虞之攸需焉夫天下至價至利者宜莫金玉珠寶若矣今不曰爲幣也至無所流行於市邑則四者日失其貴而人皆不復曰財賄目之怵競得之彼農蠶虞圃之物航焉而盈舟輦焉而盈車雖盈數十舟車官祇自旌其爲墨焉盜祇自甄其爲掠焉夫誰甘身爲墨吏民盜哉吏不爲墨民不爲盜其無姦叛之臣氓也必矣郡國有不恆治九圍有不恆平平孟子謂富貴利達而富卒先貴利卒先達則世之重爵秩也必不勝其厚鑑貝焉伊昔云然矣所曰然者悅金玉珠寶之價利云爾獄馮之路直焉爵馮之賦升焉因而官方不徵民怨用結而吏貉之校逞者亦得馮懷挾之珍竄官吏之怵爲焉而罔

識禁忌矣。苟用生於農蠶圃虞之貨物，盈舟盈車焉。盈數十舟車焉。侈然登之其闕通國之人，其誰不知。雖桓靈之朝，張金許竇之門，能不恤清議受之哉。夷貉之陰，逞其狡。至是實謀慮罄焉。已且農虞蠶圃之生材，有可月計者，有可時計者，有可歲計者，其可世計，十世計者，唯錦之密者，木之貞者，齒革角羽之韌者而止。雖盈積於家，曾不得易金玉珠寶，而臧之至壤地，則歲生庶物而罔窮。今有不必慮他歲之無也，我盈不必憂子孫之歉也。人性固善，又當物之恆盈，其必能舉天地公有之利，與鰥寡孤獨廢疾篤老之氓，而爲吾宗族媾媾鄉黨僚友者，公而有之，信不難矣。孟子曰：聖人之治天下，使有菽粟如水火，菽粟如水火，夫民焉有不仁者乎。誠曰人

生必仁，所繇不仁者，則貪心陷之而已。愛菽粟必不如其愛金寶者，曰菽粟不能如金寶之可貨，諸其人，曰母生子焉，害而臧之，曰貽厥子孫焉，將能革貪心而仁之乎。故孟子不曰使金寶如水火耳，今旣金銀而不用，曰爲幣矣，竝銅幣而禁旃，而珠玉瓊寶復令市不能私鬻，斯則激其貪心之本焉。復闕曰農圃虞蠶之殖，則又沃其仁心之原焉。夫惡皆萌于貪，百弊曰之叢生，夫德皆柢于仁，百利所繇增廓，惡杜而德興，斯弊局而利闢矣。禮所謂一家仁，一國興仁，一人貪戾，一國作亂者，此也。欲民之興仁，雖設賞，曰勸之，不如錮金幣，不用之爲效也。闕禁國之作亂，雖設罰，曰懲之，不如珠玉瓊寶，令不私鬻之爲謀也。本末源流，厥辯炯然矣。天生斯人，所曰

令之受欲者盈乎其一身耳淫於聲目淫於色鼻淫於臭口淫於味骸體淫於安煖靡不思內慊乎己外勝乎人不唯其麤唯其精不唯其蚩唯其冶欲不偕天年之有盡也而唯金幣爲能遂之珠玉瓌寶之珍爲能濟之呂有盡之年逞無疆之欲不恤委頂踵裂家國徇之其廷則姦焉叛焉佞幸焉甚或挾強狄曰上陵氓之燼微或怙執侵漁或任智愚奪不亂無止足不盜無饜心於是欲求一日之靜乎天下卒不可獲則金幣珍貨之構禍茲烈焉班孟堅曰秦兼天下曰黃金爲上幣前此書曰金作贖刑又曰惟金三品是金呂貢納矣孟子曰齊呂兼金餽魯連子曰趙呂千金壽是金呂贈遺矣史記曰蠶絲致千金是家財呂金計矣列子曰齊人之市攫金是市肆曰金鬻矣若用爲幣焉實傳無其徵子長謂虞夏之幣金爲三品則剽禹貢之文幾飾非熒是焉己左氏恆言財賄其文從貝許叔重曰貝海甲蟲也古者貨貝而寶龜至周而有泉秦廢而行泉斯財賄必非稱金也貨直之隆污曰貴賤其文亦從乎貝呂貝爲賂審矣苟如今日制字胡弗從金乎謹以陵之書字之從金凡百九十七大率禮器樂器農器軍器日用器爲多無一訓爲財賄者竝貴賤贈賂之說而無之不目金爲財亦其明徵矣且子長實誤甚古者吉婚賓嘉之禮莫不庸幣幣於文從巾蓋布帛爲之非用之塵市焉後王輕禮重財遂目幣爲泉布之專名雖令唐虞物幣實爲三品之金曾何傷堯舜之耿介哉謂夫呂之行禮也子長不究

其本遽曰之入平準書是禮樂食貨同志而儒林貨殖同傳
區明藝術者如是乎不如孟堅謂金幣始嬴秦爲得事實矣
孟堅又曰周武王時太公爲立九府圖法然則桓公敬仲並
急功利皆祖尙父之術焉余昔謂伊純乎王呂近霸烈斯族
是也馬端臨雖曰吳陽謂之金熊辛謂之貨陶唐謂之泉商
周謂之布齊莒謂之刀要亦無徵不信耳藉曰然矣孟堅豈
不能言之乎余攷泉府一職隸周禮地官孟堅曰太公實之
賢貴與信遠矣至管子曰禹九年水湯七年旱人無糧有鬻
子者湯曰莊山之金鑄幣贖之禹曰歷山之金鑄幣救困子
家述事繇情造管子情欲贍齊假禹湯自尊其謀非誣禹
湯也濟人溱洧子產率肩爲之尹佗庾斯聿異素臣攸述乃

宋卷六

堯

孟子則欲詆惠不知政者耳證端人友端誚后羿擇交不慎
耳孟子於子爲儒家後王且升之于經莊列寓言猶或未盡
不爲管仲者如此況管仲乎子唯不掌錄遺聞故不能折曰
正理若曰正理衡之其說之難通甚矣王制曰卅年之通制
國用耕三餘一耕九餘三詳正義之引歷志正曰備陽九陰
七諸災爾故曰無九年之蓄曰不足所謂蓄者必遞易其新
舊之穀焉國如是民亦應如是寧至鬻子哉浩浩懷山襄陵
猶俟穴山采銅而拯之決西江曰仁魚民不及吾待焉況井
疆之世無貧富迴殊泝水衡流又皆谷嬰其災雖鬻子誰則
受之曰堯湯爲君而禹尹爲之相其經國用焉曾王制之不
如猶得謂聖人之治天下乎

未園集略卷六終

未
卷六

四

同縣黃 鈞頌堯校
吳縣顧建勳魏成校
吳縣張榮培蟄公襄校

未園集略卷七

長洲沈修著

同邑吳梅選

吳縣孫宗弼鈔

漢病一

以內夏一御外裔百通焉。蓋我妾隸。擯焉增我寇敵。厥誠艱哉。策詢庭僚。爰謂欲有專擯。曷能偏無所通。弱彼脅齒。盛我臂腋。兼程兩科。寔鮮一當。勵億以執。疇諍匪得。孟堅西域傳贊。則明疵其愆。義曾何居。敢請其說。曰。固氏盛指。於贊單于文。默焉稔之矣。綜漢廷策邊事。百喙爭響焉。已。莫善於蕭蘭陵。莫謬於董膠西。何善乎蘭陵。蓋將敬以客禮。讓而不臣。聖王攸不爲臣。故以入通論焉。何謬乎膠西。蓋云利動貪人。質

未
卷七

一

其愛子。與盟於天。要其不侵。畔焉嗟夫。旣啗以盛利。則我增其貪心。彼誠饕餮。國更歆導。利至盛渥者。莫如并國有之。國形其厚乎。何之不形其薄。怯於遺國。則勇於違天。貪於爭國。則廉於字子。寧必夷狄焉。蓋以漢祖衝之。羽可顧也。非乏刑馬之誓。父可羹也。不無屬毛之情。曾甘豚魚。莫如梟獍。是則者。非寒盟。怒父。不能君臨九圍。由心犛亡。榮於擇利。爾。獯苗誠之大志。剽掠攸獲。曾亦磷於輸納。嗇於疇贈哉。任好舊術。今不足。狃餌戎瑕。繆賈董略等。三五以上。神聖代作。亦有荆貉。莫爲世梗。唯君臣秩典。不苛以相繩焉。故有苗雖征。曷嘗窮兵。渠搜或朝。未諾請吏。旣闕華裔。中外莫齒。伯叔甥舅。均帝厥壤。各氓吾黎。無相奪倫也。獨宸修不醜。衰職微玷。則吁

嗚嗟傲盈廷交瘡矣。悲於正內。靈偷於駕遠。今長情之哲式。覩其微苟。英略肆逞。不務德靖。讖句將恐光熙之俘。或興於黃炎靖康之囚。應肇自湯發。後葉烝辟。政式叛是。六幕茅土等之錫。由圖靈。八溟冠裳。徵其人朝寸珪。又無相乎廷。著無士乎邑郡。無帥乎牧。徵無兵乎岱海。闐然誅其貢。矜然責其覲。邊釁業構。軍威不銛。控他邦爲印。頌聲將伯於非族。究之徵狼扼虎。將懲剝膚。死兔傷狐。莫何塗腦。廟算仍失。由誰創興。西域冥通。吾職漢病耳。苟是西域。震威焉而我通。歆德焉而我通。我因通旃。曾未甚失。抑欽戴威德。有加神明。乞征單于自效。通更良得。漢何德威乎。開國伊始。左文禮。右刀筆。後勳傑。先嬖佞。盡黜聖典。誕尙羸法。斯誠漢德威矣。匈奴生心。

平城亟圍。狡如陳平。獷則樊噲。未能加遺一矢。巧運一算。四軀貼闔。枯手勁寇。偵妾婦之媚。弛君相之阨。猛士風雲。韓彭渣醢。猶稱漢有人乎。單于陵蔑。始此非策。登婁敬。議成和親。挾萬乘之嚴。旬一日之靜。懼莫能已。娥姁今日。冒頓妻母。茂陵他年。烏孫外舅。爰及昆代。石晉稱子。趙宋書臣。不漢謂病。將誰病歟。平苟果有奇譎。則單于世僕。闕氏世媵矣。焉通西域。爲進色。娛之呈財。馴之宮廷。斯猷心亦至苦。色曾渝矣。負固加甚。財曾竭矣。不庭如初。未能德以柔之。威以懲之。子女金縢。可盈谿壑乎。亦徒脯脩榛栗。玷國媛之形體。酒醕鹽鐵。涸邱民之肪液。釋邦內政。德求徵外。賓服列代。斯病式興。初

朝廷克君稍旬獲長井邑閭巷曾何俠哉非刑脅能阻非厲
翼能醞唯俠稱然矣日烝烝位陽風善鳴而弗聲月輝輝宅
陰雲善翳而息滃陰陽肅貞虹垂莫紳日月和會霜飛寢葩
祁湯林烝路必正長四境之內無俠審已俠興乎下執政之
甚恥也天降下民作之君師予之名則魏責之任尤重民無
藉焉富之民無禮焉教之能富且教式君兼師苟徒金章澤
身瓊實匱口始作之俑載興之尸夷以旒袞榮以栝帟儼然
人望不君也歟哉而欽明必堯平成必禹焉諸夏神明之虛
聖哲之化一夢於春秋再傷於七雄三崩於暴秦四裂於漢
興善乎尸佼言云天子諸侯人所由貴桀紂處之則形其賤

經坊汨陳彝倫攸斲下葉廷野永聖虞周聖猷秦政漢邦誠
罪浮桀紂矣徵歛燒酷徭役罔藝道殫溝瘠習觀孰隱七十
二君說也七雄增毒焉闔室榮萃遄驅鉦鞞體榮兵符名納
鬼錄父則曾獨矣子則曾孤矣契闊成說妻則曾寡矣何草
不之何人不矜韻諸笙匏猶從征嘉樂焉文王仁民四窮七
雄四窮其民辜勝極歟秦更加烈焉何也井疆猶存封域未
泯仁暴迭代艱惇或蘇厥征雖憚原田莫由鯨旃厥搖誠苛
區夏莫併茶旃商君旣君相斯旋相町陌我禹甸郡縣我周
爵九有獲氏一姓五等爰成宛童令長痛毒桀黠侵噬巽懦
慴氣游惰疊脛曾茲朔焉幸國命猶促漢仍秦法惡流斯恆
矣朝典竟業長陵色驚帝貴離宮觴親劉仲宣若臣產噫嘻

君師何名。富教奚任。肩肩矜衿。亭長見則然爾。將六奇鯨鏗。三傑狗苟。直競羸呂。寸璽攘勝。籍尋畝乎。瞬及胃姓。變輒增厲。宜眉巾效。尤卓操爭烈焉。昔殷周盛時。王親廷臣。仁父孝子。臣惠匹姓。恭兄友弟。廉陞不甚肅。耽聞藥箴。分位不甚遜。樂罄羹議。故衰職亡曠。羔詠送美耳。稷嗣子聖。梵吾前型。卑尊一廷。曠甚羸越。保粥承訓。無答拜也。臣僚宣勤。無報揖也。達尊斯三。全喪二也。達道之五。左重一也。孔子云。君使臣以禮。臣事君以忠。我則亡禮。而徵人必忠。卽晦求明。惡溼居下焉。君之於臣。人屬義合。長跽受命。側席問政。猶或訐猷匿陳。瘵棘吝告。興導之不遑。輒壅禁之邪。嗣茲內則鼎輔。亦有卿貳。外柄疆寄。爰及刺令。雖末命卑秩。罔不厚自矜伐。役賤其下。鏡及朝典故也。酷墨之吏。盛右之族。外戚中貴。公主翁主。競肆漁獵。迭互侵蝕。鈞執巧弋。不敵勁篡。進牒宮府。噤莫之問。氓亦喪倚。惇孤曷寧。時多不平。驚黠興而平焉。然則朱田劇郭。萌禍蓋烈。殆壬於春秋。賸於七雄。胚胎於秦。及西京分婉乎。夫物之羽生者。莫馴於鳩。莫驚於鷹。然曾一物也。仲春鷹化爲鳩。季夏鷹乃學習。因時德遷化。亦何有乎禽。彼直不生。堯年爲康衢之子。擊壤之父。曾以游俠鳴焉。西山登庸。東陵斯平。盜叢北宮。旌閭南蕩。陰戢獸行。專殺犯禁。誠漢德招之已。

漢病三

子稱端木之賢。不受命而貨殖。曾是聖則天縱。富亦天縱之

邪後儒鉛黃萬言枕葑服鄭名理片帙拳拳洛閩父母夕東
妻子晨泣吟嘯自得曾莫寘念親愛失蔭盛究民物菽麥榮
辨矜覈象數。蓋若初畜貨幣。豐講生殖。家室順養。并邑周惠。
乎。孝已執敬。豈遂親樂。鬪文廉財。未靖公難。故問國君之富。
數地以對。問大夫之富。以有宰食力對。問士之富。以車數對。
問庶人之富。數畜以對。至若天子富有四海之內。問其富焉。
則君子野之矣。凡有天下者。有國者。有家者。有身者。莫不兢。
兢於富。有家身者。猶然。況於國乎。況於天下乎。然三代王者。
則誠富有海內。自豪彊併噬。土田匪國能有。爰是巨莫更易。
不恆何宗。國無制產之經。曾冒食稅賦爾。故元君後葉。未若。
成周士夫。稱有土田焉。稱有郛邑焉。能有土田。我得政於士。

田能有郛邑。我得政其郛邑。今國無土田。民則有之。將聽國。
爲政乎。抑聽民爲政乎。亦旣聽民自政。有土田之民。不皆編。
疇。或恆有士夫焉。編疇野居。士夫城居。知徵求土田。莫適爲。
政。土日增曠。田日增蕪。坤元喪其資生。國不之政。故也太宰。
九職任民。司徒更益以二。苟十二職旣定。則土咸生材。土之。
生材者。各有官民政教。故惰游能息。姦盜莫興。斬木田禽。各。
順天令。故莫病天閔。恆相阜藩。澤川林山。靈脈每泄。故瘴厲。
克淨。穆焉迓衡。又三品斯金。曾制命幣。泉布以外。國非流行。
有亡相更。虛盈適齊。故境外蠻狄。不萌貪覩。國常和平。十二。
職咸正焉。仍斯十二土壤。王政莫行。傷哉。今原其情。土田非。
國政耳。鄉職旣寢。莫繇罄人興材。交易而退之。恆蔑宜今俗。

由是制國生命。職唯三金。昔財何弘。今財何隘。金秉殺德。日用曾何不危。慢藏焚家。內歆宵小。忒志交市。病國外萌。豺邦婪心。盜兵潢池。意貨深室。廷廟肝食。鄉邦枕戈。法興於貪。弊式斯甚。寇竊仍我赤子。賄莫他贏焉。嗟乎。同天之朝。唐苗錯紛胥宇之葉。邠受狄難。况曰昆代邪。物產沃盛。土膏盈腴。寶藏富賑。曾莫我若。鄙憐爲情。儼詐任術。偵覘挾私。曾莫彼若。耗實未審。輒假聘貢。羸弱既壘。擅肆陵虐。車舟四侵。械智百逞。寡眾形闕。仁殘性縣。師徒數崩。惶號彌甚。徵索罔藝。行成故稽。精夫立前。媿徒後從。轟閭議曹。震疊辰著。玉音遐宣。蒸赤懼盡。凡所請謁。咸加允俞。珍縉年輸。曾其末焉。婚姻世通。曾非亟焉。互市成諾。爰劫利柄。夏貊朋處。塵肆櫛竝。奇伎淫巧。熒聽惑明。的然日亡。小人道也。黎姓乏識。趨焉若崩。浚明斯家。復以榮飾。海筏山乘。盛載莫禦。金英玉華。穴鑿斯罄。昔饒者今貧矣。昔朽者今贏矣。吾國利溘。今納掌握矣。又所朋集。明明我疆。王靈若天。曾彼莫及。桑濮穢政。于焉公行。逃遁妾臣。馮萃作藪。是更病我邦俗。紊我廷章。獨瑩瑩斯金。耗敦國命焉哉。苟億兆縣命。非繇國金。易事通功。仍若曩制。彼婦縛匹。我毗區鍾。市司程量。明定物直。精鹽貴賤。適當衡平。通商誠足。惠工曾亦鮮失。乃京室鄉職。亡焉滅形。爰并土田。匪國攸政。百貨斯重。三金斯輕。重來輕歸。程海碩利。寧誨國盜。毋徵狄裔。荆人一弓。失得定矣。賊自贏首。成於劉人。尤曾效之。罪則加甚。食貨之志。平準之書。寧足按讎。邇更貨殖。非有

睿聖后辟貞良臣工登六官前經弭列姓妄制戎猶病夏莫復寢謚焉爾

漢病四

訂易四德利曾居三公焉斯協亨貞私焉則病悔吝故天子登利其罰也應亡邦伯柄利其戮也應除夫士鬻利其亟也應禡匹庶競利其辟也應殊何也利者二曜之精五行之葩天爰鍾之氓爰享之恤其爭焉立君長以尸衡矜其養焉孕聖傑以型義哀后貴重褐夫偷稠將以周民之生謂浚民而生乎然君子勞心野人勞力勞心者治人勞力者食人於名式宜聖王曾何不然若蠶殫竝耕則令上下殺序鄙失斯甚非農稷之經焉夫國猶家焉父母攸畜爲正室者司其紕盈

宋卷七

七

分也敬乃入出允也苟朝家眾令曰元考丕積冢嗣攸膺凡田余田焉壤余壤焉器余器焉廛余廛焉任乃勞污增乃進納余則被錦饌玉毋他恩余則饗天之勳性忸逸獲沃賂陰僭焚情莫備適庶兄弟之倫甘阿諾從聽歟萃媾姬閭諍牒宰刺興獄將至椎膺雪誣淬刃構難者已况乃正室席是贏羨惠閑閑不逞賂邑里亡命趨競飄雪擄斥雲電同產涸鮒盡室噉雁充耳瑩若黜明旒如邊其親焉仁其暴焉戚族盛庶又將云何懿夫桓生聿鏡斯義鹽鐵撰論爰堪式荆大夫淋訖析利炯如吹毛文學正對閭義熒猶列眉彼惟瘠氓廉君斯式貶上增下猶桂迴馥飭茶違甘車桑萬唐性行焉別卿尹鼻亦儒彥變塞何敏君子憚陟榮達心蓋疾此鹽鐵政

蠹周官不征權輿青州聿肇敬仲諸君吾子龠鹽胥緡刀鍼
稻銚分鐵罔貸數豐鎬令法導羸姓虐斂作俑祊後如仁之
猷焉然物之錚錚則猶隸民治西京武皇法乃增厲榮孔郭
於大農任二寶以少府鹽官廿八郡鐵官四十郡嵯網皎晨
冶燄温夕橐籥羣有熬燔庶靈相時莘魴曷救頽燬誠若是
也國儲當盈然徵遷書漢匱益甚何故漢征鹽鐵畫西域焉
耳禮兮王姬橐裝饒贏也皇華使臣共億盛麗也毳幕行賂
尊珠賤銀也丹廷慮醜寶百主兆也行觝淫樂九閭轟虺也
兵旅翊衛萬驛響應也皇矣聖漢能示嗇邦鄰乎周以舌人
司之象胥迎之曾必嘉客盛款德形羞矣并權酒酤飲焉猶
虞莫給議寢鹽鐵其何克任喁喁噉噉生氣漸竭眇眇盼盼
愚民將興徐偃飾命咸陽竊靈緝翩盈廷慆莫悛省卜式請
罷則靈襟貶驩張湯許私猶袞書明加於易復之頤云迷復
凶迷曾不復茂陵其然乎懷遠曷聆由賄招攜盜當庸兵姬
成閉民越裳蔑隸屏服周聖固國飛廉戮其斂臣旣然之明
徵炳麗方策必詔賢良文學事能閭閻歎貨財論交罄則斯
渙矧在彘貂益乖恆情削黎蒸肌肪沃冥徹谿壑慮以藉挫
勁狄蔭福癘國茂寢昔咎孝昭莫能諱矣幸文學隼諤媿陳
王猷平陵穆冲懼專靈源宣元及成迭事寢輟宣節野困紆
遲亂萌不然赤眉羣醜曾殊域人乎

晉問

國之恆情匪強斯弱獨至東晉兩難名言膺錄凡十四葉享

胙能百四祀。如云弱焉。曾何說乎。鯨噬於十六姓。螟蝨於拓跋氏。抑稱強焉。曾又何說乎。劉蕭汜陳。狄難較靖。梁唐逮周。邦仇迴希。景命悠穆。鮮能如之。唐宋鼎業。期運豈不增淹。然蕃紇雲擾。疾僅瘍癰。遼金電摧。形尚主客。夷害逞酷。蔑晉若矣。神明燬礫之際。優游刃革之表。謨何妙哉。慮何靈哉。碩麟旁臥。羣豺息侵。細殃萌倪。黜患未甚。遵何術歟。曰。典午卿佐。其平日志尚。薰濡老莊者焉。知雄守雌。爲天下谿。知白守黑。爲天下則。伯陽之情也。材不材間。藏身式固。無用莫病。能鳴何憂。漆園之緼也。又所京之州。於中邦則南。記稱寬柔。以教不報無道。南方之強。君子居之。江表諸賢。將能寬柔植教。宅身材不材間。假國爲谿。寓政於則乎。老莊以退爲進。師老莊

者。不能以弱爲強。非其聖徒矣。寧特南方之教。躬曾畔之也。篤敬師道。循宣土風。熙風登臺。令敵消忌。宜能胙慶悠渺。野朝胙榮乎。然則強食弱肉。物情恆然。不狼吞於酋焉。敢請曷故。曰。是何難明。此三才之情也。莫猛乎霆。然憤盈俄終。莫靡乎雲。然繇巨罕卒。徵乎天則允矣。石貞於泥。然糜曾曷黏。土脆於礫。然合斯無形。徵乎地則明矣。斷剛舌柔。然斷敗先舌。骨勁肌懦。然骨併於肌。徵乎人則審矣。弱寧必強斃乎。當日柄國者。苟莫忍小忿。興發大難。無名壯師。推轂亟送。敢死勁卒。乘圍輒驅。南方而敵北方。道家而淫兵家。則羌夷羯戎。協以陵我。集矢東向。飄飛電駸。昔五胡之良。制一晉之命。手玉一色。談塵莫柄。雌黃兩脣。道帙將屏。鬻虞搖軌。龜鼎播越。西

朝四后庭廟血享應殄能繡蓋晏陳瓊笋蠲飾乎如云戰功
曰多將堪幸成則桓宣於丹水曾獻捷歟褚裒於代陂曾唱
愷歟殷浩於譙城銛歟頓歟桓溫於枋頭興歟蹶歟八公佳
兵成都首功不復鼎峙國威曾然王凝之之鬼兵王坦之之
手販寧必勝羈孫桓猶惕如己是用季野北伐蔡生寒心桓
公徙京孫綽梗議二君斯忱豈必政徃偏安算愨英略哉馮
弱爲強亦鏡於邦勢燭於臣操更無猷策麗老莊圖存焉齊
景公云旣不能令又不受命是絕物也憚吳之劫也則蔡明
道乎范文子云惟聖內外無憂苟非其人外寧必有內憂惕
藥書有勳也則孫興公乎亦由哀雖俊流莫優孫吳溫非令
臣欲軌文景可使翰音登天虓虎增翼也乎他日彭城誓師

宋卷七

十

唱雙聲於玄護富春規京吳萬年於尹霍相士如相鶴然御
國如御乘然童蒙之禽舞不迎客泛駕之駟憂將及人彼劉
宋代晉實由泓超成禽令宣武立功則患應先此焉自郭欽
之謨尼行興朝冉閔之讓寢成中塗戎之莫能驅晉之無復
西誠懿昭涼德上觸靈惠令作之苗裔者未克奄有神赤然
仍寓強於弱宅偏制中何也殷宗諒闇宮庭之孝德也劉恆
短喪烏獸之隱行也晉武在疚能服親三年不榮朝議有壹
惠能節焉四制敬德九蒼滂仁石馬金牛曾何徵而足信君
人南面道氏亦堪寧邦天誘晉衷清言昨國己

唐對

人於腹心猜焉於豺狼任焉啖然號于人曰予聖予聖及豺

猥病其人腹心。寔其人精腹心。惟庸任豺狼。惟庸忒然號于
人曰。予聖子聖。非狂如其人。疇從聖之命。岳牧焉。肆屏翰焉。
豺狼蔑逞狡。三五之聖也。夷縣郡焉。蒞韓黔焉。腹心丁其殃。
政邦之聖也。然秦墉長城。曾知距胡。漢道西域。陰用揖盜。三
苗於東京。五胡於南朝。宋邪沙陀。職梗五季。邪律女直。腹削
兩宋。奇渥溫氏。卒代天水。而興。非劉綱不經。寧遂猾夏。斯甚。
君子劇漢。尤什蕞秦。秦焉。至如唐室。夷患實靖。遵何術。歟。笙
簧勳英。曾莫屠膾。功狗屠植。方鎮。差能匹。盛封建。賢親半焉。
家官半焉。房魏鯁直。師之友之。褒鄂盡毅。爪之牙之。謂九五
曾尸位。視玉食。曾素飡。齒天下。曾利藪。目朝臣。曾御隸。聖哉
昭陵。盡滌羸。漢陋也。開天陵遲。唐德蓋寢。民肥朕瘦。夏鳴其
勞。嗟夫。堯腊舜脰。禹成胼胝。帝王不勤。疇應勤。旃勤則且病。
瘦。曾何足矜。務光辛胸。斯懾爲殷湯。夷叔吝脯。斯惕爲周寧。
巢武閔竭。其觴斯擡。三聖高蹈。易稱肥遯。道遯則能肥焉。苟
可淫樂自放。越裳在唐。三苗在虞。昆吾在夏。章彭在商。揖遜
之際。征誅之秋。將入而稱戈。陰盜厥位焉。已。玄宗今爲斯言。
不終也。曾宜。故由天寶丙申。及建中癸亥。寒暑陵貿。方四七
更。神寶失據。浩穰嬰阨。萬乘汰從。九廟輟饗。越在之閔。曾一
再而三焉。唐亦怙甚。今億乃故。由腹心豺狼。審焉不精而已。
祿山云何。豺狼之體者也。回紇云何。豺狼之機者也。吐蕃云
何。豺狼之標者也。汾陽西平。腹心之尤著。而棐戴元首。忠諫
厥身者也。乃媿徒野心。榮子節鎮。尙父稷衛。幾血礎鋸。良人

不殲猾賊終殪不國仍國文皇之靈乎邪鳳野祭河隴左衽
邊帥告棘中使匿表用武之城兵旅素乏酋不內寇其將何
營苟任汾陽德威巍鎮脊要遐柄國政訪儋軍綱將使西平
無勦曾亦可得盜至吐紇蠢擾庭鎮喪割也肅代廷廟汾陽
之爲腹心曲虞形情謂寔明甚京洛未靖勦貞莫昭君非至
誠責能前知則信過矣兩京先克百郡後又曾勞蓋巨暴威
柄夕褫魚程刑餘且獲陵制乎進擊飛走退饗毛羽苗獮碩
政莫俾聽豫獵徒於鷹犬則誠然爾今以辱汾陽焉太公方
叔必羞臣其朝乎汾陽蹈忠故召則迅就刻晷罔僭爰征吐
蕃更撻回紇等醜適盜唐社於皇厥勦鄭誦東里恤誰興嗣
幸獲西平嗣焉郭爲不隕德祖膺胙始莫嫌恨迺節度型制

宋 卷七

三

崩自任葉子父迭任僚屬競篡夙稽王征爰成故實所由成
德構釁魏博朋亂深趙浴俊涇河泚光崇義希烈李納正己
訶隙盜發惡從如崩桃蟲拚飛肝蠶布寫而京師聿淪奉天
蒙塵焉己雖然曾非德廟辜也將謂洵無辜歟傲聖惟岳莫
之曾辜切焉深辜者句拯回紇耳雄猜腹心篤情豺狼羸漢
睫智仍莫蛻也罅至後日欲柄任國器全激虜氛艱己朋駙
聿服未易禽馘躡突加甚孰政翦滅西平感萃髦傑激嘯貞
懣輒霧卒淨龍蹕盜返雖抱眞之傳勦乏其盛焉晒彼回紇
殆則偵變靜則徼賂檜齎斯甚能庸情謫乎若晟平生不慚
汾陽謚稱至忠信洽尙友太鑿之迎廷臣表焉敝廬之弔德
宗文焉史成之編劉昫評焉渭橋之勳衡陽獎焉瑟僮令器

終焉翳沈。德廟焚眩。盜後肅代也。歟。所貴節鎮者。欲屏內障外也。玄祖增廓是制。其稱安西。撫救西域云。其稱北庭。戢弭昆突云。其稱河西。沮遏蕃厥云。其稱嶺南。囂靜夷獠云。其稱范陽。迸奚契丹云。其稱平盧。禦室韋靺鞨云。其稱朔方。河東。倚捍突厥云。其稱隴右。鉗攻吐蕃云。厚集乘卒。峻塹中貊。斯一政也。法認貞觀。不獲良焉。任之祿山。范陽反矣。雖國有名師。始失汾陽焉。中孤西平焉。後墜涼公焉。干城好仇。墮棄心力。玩日愒歲。馴及昭哀之廷。全忠克用。私忿互鬪。武德廟寢血。食因斬焉。斯則建國云初。柄用貊將。唐祖曾未學問。腹心其豺狼爾。太宗甄白姓族。陰欲幹蠱。而源焉莫激。曾靡及己。苟出類挺萃。盜區昔疇。臣旌渾滅之忠。后頌文德之聖。曾百靡一。庸得爲恆乎。弛徽纆之新囚。膺旄鉞之榮任。更施加他族。其背德也誠空。夫宋斥禁衛。易朔外姓。唐柄鎮牧。改玉中肩。楚人亡弓。楚人得得乎。天下得得乎。一人一家。聖心私亦公焉。百氏摹稱。孔言失也。恆廣豺狼腹心之辯。苟析焉斯精。夷張蕃屏。弘益鄣衛。行以九伐令法。中外輯寧必矣。

宋愍

自趙氏君區域。猾夏成禍。何代或靖。史彥柄筆。心裂腕脫矣。契丹鴟張。北緒曾弱。女眞鯨侵。南圻卒遷。宋之陵遲。二醜職病。匪能愚宋。寔甘承其愚焉。藝祖登極。日焉方晨。胎陰熾陽。患則萌始。當斯辰乎。契丹誠雄。女眞誠雌。物雄恆獷。獷則馮受子。質雌恆狡。狡則怙繒壁。毒我以軍力。愚之鄰於陽焉。惑

我以琛幣愚之俄於陰焉喜賂怒頑分操原軫之術齊秦我
宋子玉我宋爾是故開寶元年契丹來寇怒也建隆二年女
眞來賁賂也鈞曰愚宋已矣然女眞之情彌形叵測故程效
異曰契丹祇能弱之女眞馮陵卒至遷邑霽知其將雪電知
其將寔示象也明契丹之形乎雲時霖而或暘露恆霜而或
否呈倪也冥女眞之形乎有無因見伐無無因貢前無因貢
前愚我亦審矣海人登繭堯廟西母呈玦舜祀因兩帝德也
夏業方盛南冥納貝姬治正赫西靈輦牛因二王勛也文馬
入款單于於建武銅鵝瀝誠吐蕃於貞觀因二宗之力也夷
考其曰登庸累檢矣承業再傳矣府事修和矣人民嘉樂矣
其羞貢焉宣其忱焉若女眞之前則何因也哉遡陳橋之役

宋卷七

十四

曾及兩昇黃裳爰身金匱俟敵德未丕炳也燕雲息徭唐蜀
未靖勳莫遐驚也王張寢權寶趙政國烏普逆命汾州甬師
力匪盈溢也豈舊君稱藩遺廟徙洛能侈德乎矚李筠之貞
戮重進之命能炫力乎貌敬孔廡亭長昔典錫振畿縣世宗
前型能張功乎女眞何心甘爲抑遜無因實甚盜拜戎契丹
焉苟及中智將能愚之邪維揚旣臨南唐之朝不衷宋梁猶
臣吳越之類曾辱女眞之使較更不恪今爲宋廷慮優擯介
以恤遠斥譁囂而旌廉辭壁受殮文公則宋師也雖或矜而
納旃貢者女眞致諸京城曾非使人責歟命舟楫以津之蠲
徵納而慶之則神州之華必效珍而方榮元君之靈爲左牽
以盡力今實自賤無感不我能尊聞所入曾焉更不祥物也

虞禋短臘先棘琪而行賂商祠冥祧朋莘姝以納款穆滿曾
何勤遠靈尼曾何出走無不祥大焉曾來由嶽索乎且其濟
筏溟澥息裝斟鄩云將覘我國情謀我君志焉耳非甚昏德
豈遂陰爲攸中今此宋祖職非其人焉其愎微行謂有命不
禁其撤兵衛云相驩以終量盈矣志枵矣忌深矣慮冥矣傳
稱亂氣狡憤陰血周作張脈憤興外彊中乾則君王自省猶
荒服馴乘也靈錫寶典特登天閑憚懷柔之虛聲賈思逞之
碩患順至他葉兩河割以相贈徽欽纍而作囚販章雲仍胥
償駿綠之直氓猶亡室家也誰應職咎歟哉餌魴盜仁漁將
游之釜鬻畜性何情屠將恩以湯沐戎豸柄術嘗我曾匪一
世矣君子平情折之不病戎豸之狡惑夏之愚甚焉

宋卷七

五

九流不列兵家億班

不戢將焚兵譬則火公也聖識名爲夏官值當宋羸炎上德
盛眾仲名說公曾前知春秋國卿政學斯合命職微奧識焉
深詳周經五曹各柄內化外治征伐責成宐專弘哉夏卿太
宰莫聽敬讀官禮測知經心兵家者流審出司馬五屬攸政
誠包八家正官均民政典平國軍乃獨任昔非今焉西都孝
成博聘遺籍開閣訂奏各專優能宗賢更生明定義則七略
區品韜弘納深兵書一科集自任尉術數方技各由他人唯
茲六經九流詩賦向創歆續策其攸精莫明周官焉鏡學牴
別白嚴審式欽雙劉安陵藝文仍踵茂則分合舊定更張適
焚選型文公邇法政駿九氏訂職統承天官兵家茲猷柄乏

旁貸略志。靈奧曾難億哉。今斯九流。具體經業。修諸闔廬。顛門學興。奏乎明堂。素食謠寢。後昔岐政。狂哲質性。能程數踐。恆僮一珪。習咸殫靈。施靈嗇猷。蠢儂遷訛。物情繇然。若夫兵樞。曾莫類是。二趙迴闕。所生何私。涓孫不倖。師朋曷公。晨雌夕雄。中女成兔。弗稟天膏。習眾能鮮。風電失敏。鬼神陰迷。沈韜溺鈴。卽焉增離。獲志繩慮。叛又冥合。姚廷秩官。蓋闕兵氏。歟后諾命。僞文荒談。兩聖迭位。修和百齡。尙或矜慎。艱哉何如。九流斯恆。爰襲同兵。略迺變式。旌異曾察。乃奧彪蒙。盛稠洞究。神蹟經蓋。易也。鏡極荒詭。子或莊也。中術彥士。熒斯突焉。瑕堅百情。冥明億倪。審周滄命。失仍錙豪。權謀誠艱。變曾我也。奔虯乘潮。靈鵬轄雲。寸趾微蹙。干追卒遙。形執匪

易。變曾人也。得歲靜伐。望墨爭逐。人獸鬼謀。不聞賢戰。陰陽洩奇。變曾天也。器燦霜日。卒騁颯霧。樞關粹陵。攻守夙定。技巧程效。變曾物也。忠恆愚全。詐或巧喪。臨事克懼。斯神權謀。捷鈍非我。奮愕繇眾。師克在和。此則形執。情諧協天。驕狼速禍。動應相時。陰陽曷拘。胄挾忠信。挺擊堅利。我戰曾克。技巧靈伐。變隱莫變。神仍不神。弗莖靈聰。奚握勝算。暇訂故牒。是鮮勁對。類本曲直。眇析貞脆。受德攜眾。尙父因克。蚩尤逆經。公孫獲龕。客主未陳。滅惡豫朕。茲競彼黜。繁廷匪原。應侯諷征。克底勝績。權謀靡靈。形執抑未。技巧不蹟。陰陽况幽。謂馮四倪。恆微萬全。謨信狂藥。械直凶器。捷歌宵聆。邊微巨聒。靖表艱內。孽終禎初。毒稔梁蠶。禍覃松莫。目稱佳兵。莫爾聽矣。

禮義廉恥國之四維德刑信詳兵之六器素昔訓習虜公克成竊聲崇朝喪列增訶茲父屨轍文公遐音誠威不衰足輔箴鑑勇勇熒敵謀謀竊陵傾覆蓋分捷其幸歟二千斯齡兵禍烈矣戎韜益紘方召更紕與騁厥變輕蹈匪測盍型乎庸俟贊勳牒必勝戒備承平勿忘型武典帙經傳素足劉氏訂業責之任宏其編滅存曾亦謂後宗伯任禮軍其一焉因於禮家法登司馬伊呂隲品人成道家太公言兵因入道氏尉繚命志莫專釐軍爰甄雜流副雅名實寔約較露天恆畜威辟王前型公敬作禮向固深術法官經歟

六家二體諍劉

史通弘頌內篇尤精首稱六家次曰二體六家何尚書一春

宋卷七

七

秋二左傳三國語四史記五漢書六斯稱六家也二體何傳記一紀年二斯稱二體也六家馮植之幹二體聿靈其庸史法於焉彬彬子玄瑩識哉若謂尚書四家厥體陰廢今能祖述者左班昔型而已曾不謂然請得誦言之傳記一體莫神乎尚書編年一體莫聖於春秋三皇五帝之書內史敬職及訂自夫子爰唐虞託興百二十國寶書舊固乘杙得夫子撰定爰託王龜蒙六經之中斯則後經先史右左言動法艱旁增焉已劉云六家余則云二家二家曾何尚書春秋焉劉稱二體余亦稱二體二體曾何記言記動焉經則言動或分傳斯言動又合左氏國語家合書春秋焉固遷成編曾摩法戒無能爲二傳役體亦陰相師之則左因宣尼子長因左爰及

孟堅又因子長穆昭明明直堪一氏相命仍二家別之者右史記言尙書以之左史記動春秋以之在昔前王設官分職不以先師聖撰爰并一談也無徵不信斯宐則昔稱王與曰紀傳編年寧若記言記動左公繕訂國語敬舊故實撥次內傳爰炳歲日故實敬舊法尙書傳記歲日爰炳迹春秋編年子玄品曰若非無徵然聖稱尙書不傳記稱焉聖名春秋不編年名焉曾出後代不蒙經則可耳今所易定庶哉能當昔王且漢隨尙書嬰春秋夫曾未覲之邪况春秋益盛也借令竊國以后賸迹稽古嚮壁成撰駢聲獲麟朝相踵興士各仍襲則尙書春秋將謂存乎亡乎今天談遷承業纂記凡稱曰紀則型堯典凡稱曰書則鏡禹貢凡稱曰傳則賡皋謨梅

書成編益稷分訂合傳云舊曾斯濫觴怒焉鳩方豈必繩已疏牘登傳况亦謨訓教令入紀抑又命誥所闕焉者泰母等誓也辭之輯矣民之繹矣古之哲王不私天下國有大政謀及庶人匪若昆嗣廷野貳德驅人鬼方聿馮牙璋獲土京觀徒命羽檄出物興詛曠焉茲風匪遭崩析詔不罪己匪介勳戚券不盟匱作誓民畔己病帝則澆季昏德并涼者亦亡矣然六存其五式似曾多遷固二牒亦靈承尙書哉春秋濡零露霜煜映躔緯說者誠眾當則庶孟謂其事桓文其義竊取左傳商訂式證周志國語規鏡爰譏鄭書識左右雙氏言動秩記上自京邑下及五等箴切善敗各正邦教春秋史記名亦多同旃夫子策膺端門膝麗寶帙咸柄宗伯五禮猶從周

夙心也。徒朋寫官，盜謂竊取義則禮用，故禮衡而義權非宗伯乎。稟承將褒，詆馮臆乎。專於日月時地爵字名族，冥而測之，謂得經指。孟子釋禮稱義陰或誤之，公穀既興，作春秋坊禮，莫寤聖義，植教之心卒晦，然不得病孟也。經稱禮則義函，稱義則禮韜，猶衡權莫分乎。馬班肇迹本紀年之時，月之日之具者，昔史曾詳，約者昔史曾闕。每述邦政務先陳綱，猶夫春秋直自經自傳耳。牆循左國語，墨守書春秋，繇非將聖碩賢，故莫足繩武。夫物有名實，劉所稱存亡，將究神明乎。僅謂形迹乎。實斯上感神明，名則下萃形迹，學崩其實，神明曷留。嬴劉斯廷，其能僭忒三五書春秋已矣。兩傳盜猶或存，今言未亡，名耳形迹耳。兩經竊號，固在二左曲成無遺，又多乎哉。盜莫謂可，曾稱國語史記今無踵行，以愚衡之，亦未見允。國語程體八國鱗次，史之緯焉者，承祚國志斯然，遷記述體七姓尾接，史之經焉者，梁武通史則然。十六國之春秋用逮南史北史，左馬盛業亦多廣承，劉生失辭，爰釐訂存之。

宋朱陳答問

於文人需則儒形聲亦會意也。音旨互譯，許之恆律，經權迭神，儒之碩能克應乎需。爰稱以道得眾，上古庖舜，中古三王，下古孔孟，誠億兆斯代，彬焉必需者歟。升則斯帝斯皇，降仍曰王曰霸，及嬴劉各氏，聿降無復升，力征經營，得眾曾非以道，非道得眾，君師咸非克勝，儒生其朝，恆不久位。龍德好隱，席乎名山，各尊儀聞，弘授學者，行道未獲，式思傳經，何者，得

天聰明莫任將朽文武方策肩承必人也史編成焉因其煇
譯訓詁訂覈象數爰儒林之嗟夫天地壹將數文倫物專將
柄道作者寧八不朽曾三聿詳平生曾亦儒者任重克遠爰
足弘當世需羽陵遺蟬委羽靈蛻厥應需宙夏不甚廉乎哉
史家績叢畫目區品夫子杏壇刪修將儒林之邪闕里朋習
將道學之邪猗蘭揚馨龜陵念遠登高賦物將文苑之邪桓
魑冥仇武叔騰謗妒直醜正將黨錮之邪防山泣崩昭瑩台
兆將孝友之邪忠義之邪中都考成虞邱辭封將循吏之邪
止足之邪化家稱書攝相行政將隱逸之邪列傳之邪繩斯
詰焉將莫我應誼律誠褊英髦或喪其情然扈秦燔阮儒林
是亟昌經故正家法寧得厚非特傳儒林甄明家法焉爾馬

宋卷七

三

鄭遂尙通學經斯益完經之覃弘禮義職政舍名物訓釋將
能縣立麗虛斯深衣碩年陋巷名德篤究音故誠克應人需
焉道學之稱明見太學進則更輿琢磨精修魯齊濂閩迦靈
洙泗鼻耳誠隔斯亦祖孫冥承嶧山程人必首衡世吏柄刀
筆術任黃老漢需經法轅伏竝作安石命相釋騷熙寧商韓
習刑桑孔病國學逞偏駁託云周官泉府質人名實謬盤宋
需經德程張聿興其阜積名數苞蘖性行適鐸婉徇前馬力
導明繕墜業隱壹他尙令漢宋兩葉執用懲恣在彼國政必
烝也無戎乎弘石構患邦膺宰衡京下樂禍廷易女直苟柄
任彥傑經道又國雖令左戚分治猾夏寧亂能已及宋遷臨
安陌於西京抑甚將需成於儒業曾當云何赤縣淪狄王業

應復焉。雪窖輿。匱國羞。應。厥。焉。曾。非。武。鄉。經。猷。頴。上。盛。績。駢
生。協。助。責。望。奚。咸。盈。焉。以。漢。京。邦。家。宦。戚。氣。淺。趙。室。溟。陸。蠻
鬚。蝕。深。爾。若。婺。源。永。康。靜。躁。或。異。寧。非。道。學。之。聖。儒。林。之。豪
平。貞。懣。棊。赤。表。奏。盡。諤。漠。漠。神。寓。屈。涕。南。滲。雪。霽。英。耀。蘭。髮
北。向。廷。諍。必。王。略。朝。陳。恆。國。詢。雙。賢。一。心。分。喙。合。讜。厥。時。徽
公。曾。斥。官。同。甫。曾。放。士。及。忠。定。忠。簡。業。堪。嗣。韻。焉。已。考。亭。謚
文。龍。川。謚。文。毅。易。名。斯。同。宐。也。得。兩。忠。爲。卿。北。宋。曾。南。高。宗
誠。偷。君。子。黜。焉。得。二。文。稱。儒。南。宋。寧。北。孝。宗。誠。孱。君。子。惻。焉
果。儒。效。冥。寂。乎。蒼。龍。莫。驂。玄。雲。何。霖。則。龍。焉。乏。靈。非。雲。焉。乏
靈。也。嗇。夫。哉。唐。甄。平。病。宋。儒。云。日。宋。偏。蹙。竄。於。吳。越。幸。羣。儒
迭。興。操。誠。正。之。學。懿。國。令。俗。金。人。畏。焉。不。敢。南。侵。爰。徂。征。之。

宋師卷甲前進。金眾倒戈。亟遞。西定。潘夏。北平。幽都。擴併。圻
同。加於。先君。舊域。甄效。是說。將茲。父我。文公。向。翔。我。文。公。邪
公。知。法。孔。孟。耳。戰。信。則。克。曾。不。戰。能。克。歟。戰。果。必。勝。曾。不。戰
能。勝。歟。苟。孝。宗。臨。軒。策。命。文。公。將。之。應。多。腹。心。患。靖。臂。腋。則
謀。成。事。懼。其。靈。韜。焉。制。挺。撻。利。其。兵。儲。焉。師。中。承。天。以。律。貞
吉。門。下。麗。籍。勇。生。知。方。伯。恭。欽。夫。敬。作。謀。主。能。軍。若。同。甫。約
幼。交。相。應。矣。氓。豈。故。國。平。忘。天。豈。強。鄰。篤。眷。曾。非。不。戰。耳。寧
將。莫。副。甄。談。甄。淑。諸。陽。明。仇。疾。仲。晦。正。學。應。執。彼。傲。此。然。將
帥。人。輕。儒。宸。濠。之。能。匪。勝。弼。亮。譎。遇。幸。捷。適。蹈。否。臧。應。凶。誠
必。范。氏。馳。驅。矢。禽。如。破。則。餘。姚。盛。伐。正。文。公。不。爲。也。耶。不。由
賢。仁。國。併。於。衛。故。柏。舟。吟。悼。今。反。謗。及。名。儒。將。三。仁。屋。商。矣。

三閭滿荆矣。三君郭劉矣。婦寺莫能欺矣。余謂春秋霸廷勝
後葉帝輔。今或表進良節。稱禮樂詩書。必盈朝交。訖謂不可
任。近日戎政。誠非四術。攸堪。然成季則言。文侯則庸。孤藥莫
爭。顛擘莫非登翰。抑枝識賢。今人斯遠。主客情度。仍亦時焉
爲之。雖權謀陰陽。伎巧形勢。若班志兵略。莫宜方今。然詩書
兵心。禮樂兵德。乘騎狀別。洵合道通方。權謀等編。因應或滯
廢。則誠廢焉。得齊年相形。嗟乎。三百官型。惟六藝稱事。保氏
職擯。無天人克咸矣。禮樂爰變。文猷射馭。併緯武略。六九書
數術。疇能遺。自射馭冥怡。故文武莫合。亦并遂長廢。故兵農
各分。匪六藝修明。不稱賢者。若官師政教。登庸之型。何縱南
陽瑩姿。高密濬識。曾逮管國。曾若游夏。平天生新安。更後通

德。鄭所及。見今亡矣。夫永康英流。莫勝張呂。秀稟較薄。抑何
論焉。若謂非空儒林。又遠情實。聖哲豪傑。昔偕今離。凡分憂
國家。效益氓俗。肖聖一體。各應儒之。曾何猥狂。况曰中行。則
朱子儒鳳也。志在任德。故諮諮齊正。握勝廉陸。陳生儒鼻也。
志在馮力。故汲汲富競。程效索圍。興王復仇。操心各危。挾以
尊攘。明明莫猶。長兄誠良。扁鵲誠下。二子經國。誠醫若乎。陽
明碩謨。效扁鵲而幸文。公道勝之力。長兄無名亦宜。然殷周
曾遙。則稱儒無作。陳王二傑。亦八國應需爾。

讀通鑑論旌王

所南焚心。汾叟志悒。井史流馥。野亭刊青。阨丁滄田。影域煙
莽。曩代名哲。職蕃其朋。觚豪剖誠。芸石嘯感。勝國黎獻。儻纏

琴觴昔朝羸興夢耿沼屋若先生者代數哲也穆諶樵榮結
義誠愨奮斥黔皓騫忱聿涼篤賡風謳閒茂評輯韻緒增樸
冥衷忱煢若先生者亦有倫也谷陵歌詩革鼎繇卦宙處易
姓名輜寄公飛談伐雄騁辯炫諤婉直均咎伏昭雙膏曾非
溝猶孰育斯出行禾瘋憂嗟深狻童飪蔽力修苛繩哲王陳
疇則師受更從子病粟盜庶文猶碩交曾兼二端應無譙焉
先生則之敢乎能乎平原辨亡職佞典午玄亭劇秦迪休新
都詘躬臣讎辜墮家聲諂舌零聞位失聖廡牒翰孟晉徒形
辱焉先生效之忍乎甘乎爰假影牘眇託心論令撰奕世篤
悃蝕運側鏡凍著竊諷明政易乃求應詩則興比莫彼呈惡
莫此任戮危德遜語慶默容爾敬讀斯論穆懷先生炎岡燦

寒狼拾餘燼號宇血罄狎朋冤禽鬱伊舊廷篤敬宗國明氏
得喪柱朝替隆開滕悼衷卒卷唁影虞舜夢覲則咸頑親共
姜冥思斯覲髡特夙性攸抵殊形亦同乃疑於神爰證道德
千四百稔業賡春秋邦恆蹶興人儻貞愼温公輯焉稱咸宋
綱先生讀焉又化明牒忠各帝命書猶心遷伊茲茂情實台
太性進藥玲後宅心尤哀聿徵明亡歎論篤已朔自洪武汔
乎思陵稼人之殃酷於豪姦稷臣斯稠蔑寢眾寇茲三百齡
盜歲寔寡悅責陳竇薄獎訓注力懲忠賢旌思陵焉柄素樗
隨職元珉唐爵褒分空砭嘉靖焉明祿遞禍汾涼迭猷葛姜
賡徽孫曹仍藩貞臣睽天勁盜隙勢盧史信德黃劉更賢卒
無成勳蓋其忠焉錫廟馨魏勸進掖闈還喪稜恥微辭輒箴

楊周訐陰楚吳仍愆。或釁黨難法言斯。與聿徵他朝。近似益富。卽事旌志。靈唯一端。分張於恩。駁魏成制。正奠乃國。稱權碩臣。用修諍禮。崇禎易相。情雨抑褒。心蓋戚矣。秦王職猷。語伐應帝。建成虜功。膺圖亦宐。永樂靖難。建文行遜。左右罔袒。義則允矣。沛季營國。莫階荆懷。更始爽德。未斥稱號。明祖背郭。曾非忒恩。桂王臨滇。亦豈冥義。諱絲尊親。麟編志乎。士節應重。受辱靈殺。朱室政蠹。莫過廷杖。刑戮旣竟。仍就位秩。實自輕賤。將等妾隸。勿懲先朝。西京聿然。勿病先帝。孝文斯然。勿傷先臣。文終亦然。廷杖詔獄。曾何擇乎。六藝今忒。曷與賢能。鄉選里辟。適以成弊。造士令法。莫右經義。令人讀經。必道堯舜。執敬董相。陰錄介甫。太祖文德。職宐仍旃。明喪九域。式

患遼瀋。若僅內寇。曾易翦滅。戚熊膺疆。東莞迭政。勅敵罔覲。長城屹如。襄愍構獄。袁困謀閒。元敬昔勸。一旦冥壞。靈止疚戚。亦孤江陵。先生惻之。涅憾心骨。軫念充國。深恤道濟。廟社易姓。君聽此惑。太息長恨。冥古莫巨。巨則應書。晝則應夜。一日曾斯。日日恆爾。陽盛陰伏。陰極陽始。剝復經理。太易攸定。列氏興替。罔或明異。十七青史。援證一代。借鏡作鑑。呈形則俸。貞臣宅心。靈他及哉。或馬私襟。謂自旌白。創血拯父。因懲威豪。逸世嬰道。曾褒幼安。僞表峻卻。失辭箴方。茂徵高迂。貞居樊陶。眷言思明。餘忱或縈。然知先生。抑末云爾。

明明學

明學誠階宋哉。然初焉禪朱。終焉枋陸。溝分明葉焉。斯焉型

宋彼焉繩陸宿映明牒焉洪建朝子蘭潛馨業瑩龜巢德一
賡懿燠承文玄景先景翰鳴之子常孟敬答之則大輅將成
椎輪莫舍者已正學方子爰出莫懷襄而寧帝懲莊穆而臻
王姬孔傳孟道疑爲一太冲稱之焉永熙宣正閏瓊山旣彫
泰和尋徂任道將絕澠池一賢河洛邃緼淪智髻穎川月注
映增悟毫學學正微秩蒲霍訟攘蘇門昔傳姚許協韻冥修
獨誠聿魁明俶焉乎景順中葉晦德捫鑰弘探道局崇觀釋
性幽挾聖奧厥時河津尙書崇仁聘君術詣覃迴德慧靈茂
尤足冥紐昔統俛淑昆秀焉黃子曲加彈抨何歟德温力諍
朝著矢救廷益圍牆興冤榮路屏箠陳力就列不可應退何
病歟而謂也猶曰明史未出傳聞或異辭爾若衡崇仁哲弟

宋卷七

三

興訟太守張瓚令也門下署牒編修尹直諧也馮報側坐之
詢謝客之擯焉耳織人哉贖夫名修何巖息心彝正德峻孔
舍聆瑟二賢曾然瓚直違論乎厥如皇京淹僅兩月榮禮帝
闔師賓相朝英標不阿澹祿馨尙衰德增茂畜君邁征亦奚
求於亨諛稱妄結也黃子未子旌白反稱太邱獨弔實其冥
墮警御若竟點節尙曰行古嗟嗟南雷云將疇欺阿衡負鼎
於湯并伯牲牛於穆孟公當日必硜硜者何昔聖道藝末由
靈承獨茲去就之型愿正之鑿將能勉尙百一亦惛堙之邪
况京城之之適賚景詔相賢曾不尸號又何德乎亨若夫仲
弓生芻盛德斯舉明福善類陰休瘁邦先生效諸盜謂式似
彼我易行曾無或當惟辟作威榮焉則苦節昏天是極屈焉

而甘臨恆流不然矧曰賢者又若魂寐尼阜翰謀矜炫娥詠罔證更莫辯己明學定案甄成餘姚其商正夫式謂冥悟其程漳南斯曰靜坐其品希直云率固有其旌容思稱臻獨超前於陽明者曾比而良知之獨子傳兢兢文清虔虔論適崇有忱難矯誣斯或佞其直或氛其潔焉己卒以半格道性五夕汗枕深文周內務成其良知於鄉達誠有庸雖然寧篤論乎前茲昔民沃稟天秀屈屣牲起翕肩斯文階今宋髦躡古周聖矩墨誠敬升退鹿象孟不耽辨道蔑由正非狡舌勝救經法之悖淫凡斯閭閻異黃子媵說也厥後公甫波泳旌學化治伯安颯興張敦德靖陳職務靜王專求心朱庭日涼陸戶增煽曾未及久白沙冥淪姚江良知胥蠹明世焉然陳之

執守猶鄰金谿王之放紛并遠小陸創學睽正弊爰崩騰泰州龍谿石蕢心隱塾溺斯甚霄縣新安朱何以成王何以病則由敬肆之別人禽焉區修吉悖凶肆則冥喪罄矣時也五子正業累入陰霧唯文莊仲木幸不渝則汜崇禎朝黃劉前興張陸後映閩學復旦易宵而明孝陵河山國社遂勝寧丁期運適然學弈之也或謂學覬程道道覬域聖何洛閩琳之陸王珉之文成猷烈考亭攸難寧人不弘等諸夷甫清言介甫新法過己應曰曾習中庸篇乎舜禹政德匪竟業寫於均夷叔耿廉非更莫妙於辭龍千亮貞非果畢馨於蹈扁乎中庸者覃訐兮能測焉何名中庸論語不稱乎君子博學於文約之以禮亦可弗畔矣夫文云文云道問學也禮云禮云尊

德性也博云博云致廣大也約云約云盡精微也博文云云極高明也約禮云云中庸中庸也中庸鮮能道罄博約文禮反是猶矜弗畔無忌憚小人也故照鄰殆庶顏仍博文約禮天縱將聖孔仍下學上達下學非博文乎上達非約禮乎中庸昔訓登高自卑也後世執政乏能周京史胥環溟羣編莫半官經證釋由聖學蕩滅後出寡當於經碩果危存若今文禮者於公之多藝子之多能曾末之全規道行則庶見爾士則敬執文禮冥升周尼可焉否亦畔之恆憂焉自入聖外三百三千淫索輿理程朱又學涂徑曾未洽愚心然正誠齊修講習瑩粹入出訓傳不恆荒經王斯壹於冥求增思黜學盡放六典丕甄三乘令無竺乾曷以成業率人仇棄聖冊旁

徵西冥忒言燔經煖煙挾書淫律疾可勝旣必復兆羸劉故映明及清今莫替息奮虐聖智譎變於夷盜恤焉垂髻之齡誠唯良知過此孝德孝行將沃其情田學弘斯深舜克五十嬰慕孝性獲保寧徒焉知今釋文禮旌知曾何良之有桀云我良知也跖云我良知也任知不任學彼則能冒之矣然則學問而外無德性焉廣大而外無精微焉必也高明而後方成中庸焉索隱行怪之流稱述後世新建伯者不幸能傳乎斥秦漢尊周我淑黃而病顧益陽明誣朱我升顧而抑黃太冲盜人明肆茂碩言政及教失得良空平章新都弘經東京學說爰正魏操任術三氏譎觚爭豪巨君瑕邪庸後孟德至善病所及新誠賢當塗衡人之方貴證屆極學業回正頑孽

覃施家邦君子教必稱先政每則昔敬慎齋默弗輕生異談
非惕駕說驚愚習襲增戾富葉雲擾越朝波騰乎王能立勛
勿更炫學上也學能遵轍勿創新稱中也創能無傳勿煽後
進下也名世富業寔其必斯焉哉赫焉昌行數葉承患科蔑
聖舊罪更法曾將獄之造言之刑文公莫宥出位之思武城
危心官師合型政教一道博野敬學周制尊俸程朱得己
尊郭

傅林宗黨錮後懿惟宣城於是乎良史焉不旌從亡晉侯爰
興首刑監國衛衍應獄同寅協恭邦其能黨歟書云無偏無
黨王道蕩蕩無黨無偏王道平平誠如是焉焉所謂黨葛鄧
仇結曹廷適騷左楊寃興明社遂屋黨曾空君子乎四凶玷

宋卷七

三

梁五佞亡陳五鬼湮南唐三佞瘵北齊黨曾空小人乎弘石
糾比蘭陵滅亡惇蔡愿作汴室崩圯相時儉人空黨扈君子
乎神龍五王莫靖諸武熙寧各賢罔正安石樂只君子空黨
攻小人乎是用李牛颯興昌黎宅中朔蜀雲杳君實敬謝論
者趨焉或陰承教郭乎林宗碩賢曠葉能幾識審之炯徽標
之激曾足遙爲之師何今曩代闕也肺膽荆越則匪鑿爽恆
君臣首肱則具瞻效順林宗孔哲知焉必深其之京師焉游
太學焉時且靈臺於樂術秩形何焉則甘陵首訂汝陽仍尤
房炬福印隙由鄉評瑄嘯宗諾譚興功曹篤傳令德也柄善
淑政也聿以騰茂寔尙未足乃賓友乏睿蒸徒沸盈戲談何
箴職競辭費也國旂旌炫諸生狎夸鏗鏗說經嶽嶽折角曩

智矜襲韻言斐成抑詳數君子者屈軼茂性生必指佞解廌
靈節亡仍觸邪鼎責恤貶瑞豎病亟側日旣甚射景增酷赫
嬰時忌曾匪旦夕寧得模楷俊秀不畏彊禦英譽巧暴益中
幽隱乎無好無惡箕言洽箴有謗有德樂心攸危邑門斯謠
唯罕克禁則黨患包孕戢焉方形爾禮稱六德忠和殿之樂
稱六德中和首之先民業焉斯能立朝和衷感人心於天下
而莫不和平自禮樂積崩均庠闕教朋行小慧終日曾無義
言有人菁莪曾將若此苟朝富政失卽於怡淫國無旌鼓徵
辭寧默默爾反標炫盛作陷司直嬰殃乎則林宗是游亦南
征之鳳將形德衰西狩之麟興嗟道窮爾以彼跋歷穎汝回
翔陳梁陰剔俊邁明獎懿碩寧秦越漢室者國寶吝曜大索

宋
卷七

三

岑藪稷衛甘遜秩貢廷廟其昔志應然人亦以定用舍今則
偉明先游元禮執敬興復漢社職馮斯賢曷爲鯁生朋構鉅
獄鴟音在棘驅碩人以適行黨難萌作不夙應莫介休征歸
冥往愁邊已纓裳百儒神僊一舟噬冒來游言從之邁眇月
琴怨馨雲酒悲薰歌輟弦眾醉盈國元禮足下勉旃匡廷林
宗先生行矣將母子好直言必思自免於難共濟臨別或稱
以相箴乎蹇蹇王臣匪躬之故駸駸征夫每懷靡及兩君之
業今在易詩豈膠纓笏沈吟危邦豈曠陵岫嘉遯故國曾子
子思昔焉攸行矣未幾李尹淑問執法遭吝牢修謗書守府
沃聽朝吏積愠羣閹醜直韜挽莫拯恣膽爭作由是懿鑠先
正卑檻狴矣於粲烈蓋畢壇莽矣橫舍彥傑曾無悛心三良

效鄭八元仍虞區立程品焜曜京雒劉叔張儉更爲碩魁游
平遂高卒燼闔禍卓操斯蠹東京爰墟請鞠戎首獄諸生焉
臧否鏡別邪穢必競清論過激濁流寔甘情云然焉零雪燬
炭凝瑛曷堅宅衛叢猶馨澤易揜理云然焉蚡吮親頰披將
賊恩梟棲廟囊射則驚祖勢云然焉蚌鷓明閩漁人默覘蟬
螳迭吞鷲雀迅擊事云然焉誠得林宗吞靈談不危正議罔
覈陰掖善類變扶廷綱寔至陳竇曼訛密膺駢屍人之云亡
邦國珍瘁吟大雅之篇乎桓靈謚愚獻伏悼命瞻烏爰止于
誰之屋賡小雅之音乎夜觀乾象其權辭云畫察人事其情
辭云天之攸廢莫之能支其文辭云達兮青衿巧舌興患導
學曾此無寔舍旃三君之憂頤親莫肩八及之品局關曷聆
先生之歸羣牒罔歲明哲善保前鉤黨役興乎

宋 卷七

三

賤苟

唐衡閭也或爲之女夫曹騰閭也或相其孫操厥子惲旣長
又妻其曾女孫已矣文若干齡一閭黨爾仕則行義婚將嗣
先茂倫攸敦繫以榮戚君子敬職寔當苟然誓娶高國敝存
輿尸卜協陳謄舜胄昌族一弔其志一慶其際令德來教嘉
能擇姓也堂阜飲辱稽勛葵邱介山棲貞播馥縣井一飲其
烈一旌其節懷允不忘嘉能得君也曾聞處子貞白儷皮瑞
門碩人寬邁執脰宦孽覲面罔極如文若者也十年之猶尙
烈存臭三日之香入且冥化或曾何言歟史遷言云中才之
人事涉宦寺莫不情慙誠亦醜之焉今或生死以之洵曰下

愚矣。然固忝七榮譽。何生褒謨。竟曰王佐。元常嗟矜。擅襲顏
聖。或縱性詣猥劣。亦生有薄才也。蓋效公明離婚。公休割姻。
邪。田疇擯侯。幼安逋徵。邪。何沐浴杼溷。薰燧負氣。不自珍嗇。
僭若斯甚。邪。或且朝方贅秦。夕更嫁衛。竊此闇陰術。翼彼闇
孫謀焉。或以桓十年生。由獻十七年卒。齡五十。推知也。衡死
則桓七年。裴稱當衡死時。或二歲。應誤。則衡女較長。或不衡
見明。已然。遺挂絕壁。式其威形。昔曹爰臻。接其音談。揣摩成
焉。情腸易焉。恣覽秉軸。竊衡諸侯。昭烈天冑。靈義宅胸。仲謀
將門。英電駢目。不我肩也。景升俊流。誰昔黨綱。本初人雄。虔
劉陰臣。不我任也。君郎公祺。屏處巴蜀。稚叔升濟。僅割襄野。
不樂輔也。公路妄子。伯珪愚人。奉先昏猷。恭祖乏智。褚燕張

繡。抑更凡猥。不欲往也。夫惟魏公。季興冢孫。王之蓋臣。無念
爾祖。力競函夏。德仍長秋。或非臣曹。將庸何歸。故或甘傾心
歎。以漢祖操樂柄。用曰云留侯焉。已。夫白蛇膺誅。事訶怪牒。
黃石訊道。輟倅神叢。子房劉季。巫道合也。汝陽賢甥。傾筐陰
謀。特進令冑。歛衽祕術。文若孟德。闔道合也。巫覡奄尹。陋克
成位。巨君金滕。子駿周職。經道作合。卒無弘猷。一邪而能。一
正而拙。陰讓白水。亦經生焉。三雄作邦。羣哲效任。孔明於漢。
公瑾於吳。文若於曹。竝譽問赫奕。彥伯成名。臣贊事魁。諸英
然程彼德。詣分若素。涅草室耕道。蒿庭諾遺。樂蕭寧倫。顏尹
抗德。陽都臣昭烈。云執王道焉。鶚迅夏口。鸞訛巴岑。志韜曹
京。體燼權業。廬江臣仲謀。云執霸道焉。瑜衡武鄉。術誠殊方。

要亦英邁器矣。自命則重。寧或敢望。曹徵若浼。吳辟更謝。敬
篤三造。德盛二葉。孔明碩膚。王弼自命也。策拜聖善。國色申
姬。權膺腹心。邦婚變加。公瑾孔武。霸輔自命也。或炫玉徵直。
臨關輒投。臣逃妾遁。進乏媒介。生挾閹道。因謁者自命矣。陰
贊逆節。陽旌義兵。三大四勝。阿佞結寵。巧貢妍悅。閹之能乎。
操本國相。袁更獻牧。不稱項劉。斯曰荆漢。莫明私公。閹之恆
乎。田豐許攸。審配逢紀。爰及顏良。文醜。竝壯智之傑。存袁敵
曹。文舉昔念。明樹操角。或靖獻難。或枚析弊病。遠鏡微曲。戈
刃一向。瑗琪羣裂。善謀私隱。適成閹之聰乎。二袁陶謙。劉表
呂布。陳宮張邈。咸濟濟哲英。擁形勝之州。挾豪競之彥。勢足
陵駕。操陰踟躕。迹誠頑彊。君獲燕譽。或更展竭。四體蔑令子

遺當塗。侵高炎。井遂熄。奄固陰。族爍於陽。不寧專鉏國。楨克
逞閹之願乎。當時國心。猶軫漢德。明挾守府。謚臨屏翰。算莫
斯勝焉。已操迎獨夫。或攸諄導。心貳王室。貌逆鑾乘。城狐策
行。鼠器形格。口含天憲。將閹之夙伎乎。三國又僞。斯陵七雄。
權爲私人。侵蝕漢壤。術鮮斯令焉。已操蒐羣才。或又冥輔。休
若奉孝。既炳薦牘。志才公達。亦徼徵書。襄漢廷公秩。旌魏室
私勞。手握王爵。更閹之習伎乎。誠是弼操。曹能代劉。必矣。猶
且陵替伏后。陰圖椒庭。長憲次節。次華三女。職社憂。莫稱平
薰胥。法延年進妹也。或相曹斯勤。曾一非閹道乎。宜自襄彌
甚。明區葛周。吳虎蜀龍。魏僅得狗。喟爾文若。遜德公休。更選
後葉。尙論曾將云。何。褚劉之廷。國魏之姓。閹術厲梗。寧諒承

業耳。或誠身相操氏。祖父則仍漢卿。若存幾希。孝忱莫忍。斯極。九錫冥議。恨自董昭發焉。九錫靈文。羞自潘勗成焉。我膺其勞。人承其佚。末由陰售斯媚。宜心頗不平焉。操更冥虛。令食。故卒憂隕。蔚宗旌其克死。傳合鄭太。過己復關。奔娥斥於崑崙。翟車靈姜。多於莊瑩。雖操德云涼。或正自召蜀。廷於葛孫。吳於周。擇術斯明。寧或遣是。彼臣人者。若仍階荀道。何厥後。魏以散騎常侍命。或孫彪任之。稱曰散騎。轄中常侍。故名貂。瑞雷右騎。而散從。東京昔制。魏必仍旃。明明中涓隸。屬克陰醜。或勞己。惜朗陵之賢。高陽斯旌。八龍褒稱。冥冥一聞於膝。氛點世德。傷如之何。較公斯忤。卿卿則媿。長荀澤銳。滅百加乎陳焉。然如宣城說云。自曹騰教梁冀。竟立昏穢。魏武因之。遂遷龜鼎。操以閻澤隱帝。或以閻智明弼。彪與孟德。咸祖武。其克繩。既沒靈爽。昏因莫成。騰且笑。唾季和。冥泣已。

史記自敘書後

山陰有言曰。古今人皆死。能文章者。獨否。賢聖豪傑。魂意琦行。離文章焉。不生。抑何言之惻沈。若爲史遷發也。遷撰記成。遷固弗泯矣。繇橋陵。汜太初。睿聖百算。俊烈千麗。咸克齒輩。彭偃。昨遼椿冥。不遷稱勳。又誰名德。乎苟令遷也。舊日。忿見獄隸。羞朋椽人。宮刀未刑。圍室幽鳩。志節貞亮。寧失巍然。丈夫抑且公朝。枕驚野俗。矜襮焉已。然名業靡素。失倫亡毛。聲文莫章。滅匪容瞬。今昔旬內。肺石淪景。墨帳冤燐。嘯憂金商之局。燭憾徽纆之禁。果咸籀誦。旌錄。聃狐。襄登。點金。匱碩。簡。

氛玉版靈鑊乎矧若遷者帝典曾託家亡贖刑之財臣壽或交瓶罄賂傳之粟傷哉貧也未如之何豈清娛妙姬弱藻矜祭楊幼外孫寒泉銘哀若令嫻於敬業靖節於孟君得悠其茂名後世稱說焉則遷竟翳曖矣職鰥柱下修潤編蟬周南泣洩記內名碩無幸未入經傳怙遷彰聞者則淪胥以鋪焉十表誰繫齡月八書莫炯蚩冶凡茂綱濇化偉烈微文有出經傳而外後遷薦陳者亦具禍以燼焉遷心盜歟否歟榮三木之詢甘五刑之荼蠶室嬰戮姑匿垢於潢糞龍門削青卒道殃乎禋享曩葉聖烈穆考憚尸玉門尼公不殍陳蔡爰是義撰竟述魯書爰經伯原成騷湘流乃竊貞魄左叟輯語離目庸增亡明發憤之作自昔矜尙下斯孫韓兵刑覃及文信

各覽雖既玷齷形肌忝姓天族不祥人焉盍足齒數猶肩卜夏文學洩虞卿幽憂亦謂身堪卒亡志莫冥殄苟魂魄既逝秋卉等殺稱鮮沒世則誠徒死乎而况乎遷書型文尼昔經亞左屈靈著志深文瞻陵轢三氏歟哉敬仲不報三北孟明克忍再敗姜嬴卒興遷則陰焉躡旃苟不朽之林克審處其一盜患讟讟易涅遐從申狄游乎此物此志名言茲在茲則於自敘稱之於答任書申之辱生而幸傳亦甚足矜悼猶懼後之學人無能參迭以證識彼幽悃厥所稱道情甘雷同是知昔民成書罔弗顯示程轍求諸形貌太縟將於靈神或遐獨遷記稱然乎陳留令才微髡跣而莫得伯深飛殃并音翰而闕旃遷則彫茲元身承厥盛撰挈形邕浩曾非不天也麗

爽心錦疑陵長庚之躔思崩言泉勝飲玄玉之瀝傲鼎貴於
寶霍失奇齡於容籛辭人各然矧名殿左毅能弟畜班范孫
朝房歐焉遷殆書榮身辱世或齡存言殤自弔曾莫違違遷
兮騰陞乎周詩實云既飲旨酒永錫難老遷亦自酌靈漿籲
天凝命焉爾

淮陰侯傳書後

二帝馮德殷周尚功贏劉各氏而還恆藉武力其以得人爲
重曾無不侔唯得入之中又別差等飛龍失雲斯龐隸形蹇
矣高鵬獲風則扶搖加迅矣駿運輿肇命世翕應蓋若聲響
曾莫爽戾故四七煜煜原陵以之陟后十八變變晉陽任之
佐命不有名哲如營國何況德遜光武之帝孫之榮業慚神

宋卷七

三

真闕州將之任其細實甚淳然斯興鼎鼎徒阜之末穆穆卿
宰之上山妻靡顏襄蘿衣於天閨羣孺入省易家型而朝典
血汗三尺營創五稔臣庶九縣苞葉兩代遵何術歟赤龍冥
感或虹樞之仍訛素靈宵言曾狐火之昔詐三傑矢猷云爾
子房遐心則運籌亡人蕭何背誕則發蹤誰令若夫王孫不
甘臣僕恐背水勝術囊沙陰謀帷幄將徒嗟吟刀管莫罄智
譎觀乎白登言困赤帝君臣爰同偶人將率僅惑彼婦龍門
諱之於牒少卿詢之以書漢興之乏才聿有明徵焉況項公
天人驚靈單于貞虞國姝媚靈闕氏丑父能代則紀信曾一
樓煩當驚則樊噲曾幸長陵蔑扞子羽良平奚敵亞父非信
審乃智略秦厥誠蓋爲之勁鍛翅翮烈擯牙爪項楚劉漢交

爭中原恐魚龍莫形王寇蔑定也報韓繇誠躡足何故追信
抑詐曆族未諍孰稱三傑曾一傑焉爾垓下譎勝雲夢輒敖
淮陰故侯鍾室旋斃人之罔極莫季爲甚文終白垢留侯屏
穀遜悉不蚤徽免刑辟昔也誠服曾何感歎高固擢任匪究
信亦遭誣弘多德涼胙則炎矣身敗猷則成矣國君舍垢烈
士徇名一償其求兩副厥隱彼盜伊姜臣鄰斯違堯舜后辟
高何恧乎信信曷讎乎高蕭張曰韓斯陰形德色己山林碩
鬣詩樂令彥濯性江漢應病未絜蘊芬薔蕊恆吁乏馨翊儒
林之迅翹七天下之鈍器若魯郊雙生商岑四俊者高豈必
徵之亦焉能獲之也唐宗瀛洲愁遺汾亭之賢雲臺列曜舍
旃客星之光曾無溺冠之狂洗足之傲潤鼎之功狗尸晨之

宋
卷七

三

叱雞碩英之廉猶若斯甚何哉伊耆膺圖巢頌疾世甥室被
衫雄靈匿暉絲人心不同各如其面聖哲猶異羣愚則那或
抱爛而寢憾烝旭尙東或含水以殮憎冬霰甚燠操乃秦法
蔑吾周經誰昔天民大人擯迹林野矣嗾焉則羣至空多盧
令豪乎

宋史道學傳書後

史氏恆律因則有創曾如疾醫方藥斯準國病故黨錮增目
自范興作及元成宋史更傳道學明牒撰定復統以儒林昔
焉分之届今斯合道學至明藥非創寔因爰會極於儒林鏡
彼職業也若併陋宋創亦曾非然道學禁乎宋廷莫異東京
黨錮匪故旌別各仍爰書析義咸精焉得謂病嘗衡議及此

百端交嬰曰史臣搖搖各鳴幽憂乎二傳英彥或遜狂簡或
蹈中行猶聽管石憐莫笙磬然苞祗經術洞鏡國故毗物牖
抱羹牆孔曾承粥寫款琴夢擊奭斯罔或岐性焉志叶蘅桂
足匱荆莽緼藉彝性陟冒朋議昌運莫邁淑畫鮮竟先後如
一更何宵小陰鬪云爾豪哲共任式好曾幾漠絕正佞又豈
能合舉朝蘭金斯徵變邦一舟參辰曷賀寧濟義信然也曾
必震訝今原不咸情有四焉一在處英鳳首路恆由孟虧臥
虎朋狎尙近佞魄故箕高徑邃崇費刑脛瘡髓閻深顏原輟
輪一在仕麒麟逡巡惟繇恆仁梟豹吞噬所生先殃故陸沈
斯州蓋彥援溺粲晏盈宙儉壬圖危一在舍琳璐畜寶每聽
迷國蒞棘被伐尙能鉤衣故嬰子莫儷單棲克貞孤逐驪屏

未
卷七

三

求特更烈一在取義恆宅高志炯彝物桃杏值盛徒戚榮謝
故仁則汰佞慮長君慝慙輒鉅顛恐蝕宸貺則君子小人者
藏息殊性處各林矣惠虐異政仕各廷矣競讓岐轍饗廉貳
程所舍所取一彼一此君子柄正不小人比小人行私恆君
子仇然君子於小人徒能不比焉耳若誠相仇寧能報之非
才美莫勝德緼不足也一獲時一喪時一從君一違君恆處
不勝數也日返三舍陽公已勤天崩一隅荃宰默聽叔未有
君子天敕以榮士節貞人綱扶危莫傾曾不之強勸都之朝
龍比息諍桀辛之宮夷皋亦刑版蕩多小人君任以毒貞良
痛匹姓開誠展公亦寧攸望上則帝心非存下則展寵更瘠
難進易退標徽爭高自後鷺鸞騁霄眾正偕逸罔兩問景羣

醜迭召。雖然嘉遯則成矣。將能漠忘乎。道躬仍康。憂其向榮。朋頌尙仕。虞其入徵。水火廷鬪。競其訂爭。鷲駮程驟。忱其形左。曾必虔劉之。芟夷蓋崇之。然後太阿貞持。神器謚盜。而君子者。譬德瓊瑾。頡馨椒薰。實鮮瑕釁。可入刑憲。以黨比譖陷。文網內密。智囊陰涸矣。夫獨立无悶。素任幽貞。君子類然。曾何黨之有。雲黨龍邪。景黨形邪。星辰黨天邪。溟嶽黨地邪。蒲阪二八。謂黨舜邪。杏壇三千。云黨孔邪。聲應氣求。徵易有之。鉤黨偽學之禁。曾斯若焉。卒至讒壬執鼂。英良道孤。朋結甫靖。淪胥莫援。人之云亡。邦國殄瘁。黨禍誠酷。詩人能前知乎。然榮伐用標。名行益茂。在彼聖哲。寧有降黜。所足冥恫者。國爾屹爾。宣城傷之。敬傳黨錮。討述遽說。雪濯冤譖。甚朝聽之。

戒諫正來葉焉。宋牒登此。覃襟略符。其稱列賢。率馮昭迹。格君之章。映直鱗向。惠氓之猷。匹仁僞敖。關洛信哲。謬謬新政。宋張深憂。惘寫國辱。苟獲竟用。六帝四代能也。而朔蜀仇逞。韓陳香爭。鬪讒竊榮。朝失彥聖。傷已何償。轅相望。覆艎相仍。牛李於唐。東林於明乎。

全上古三代秦漢六朝文書後

嗟夫。雲威革鳳。靈瑞蔑昭。飛羣星精。脰麒麟神苞。聿剖豪族。儀聖者何。能言之麒麟。文章者何。潤色之雲星。皇歟盛哉。結繩伊前。名行蚤入。罕漫臨扈。旣作蹶迹。亦羞狂荆。文統轄我。宣聖亘宙。夏莫祧矣。稱易直及。風姜芟書。不兼庭魁。靈區擇爲。哉有文無文別耳。蔑煥乎堪型。震巽亦唾尸位。或蔚也成號。

聞羔陰足師表。歷傲龜鼎。藐藐宸墨之昨。豔爍辰漢。熒熒纓心之光。謂立言後。勛德忱目論也。雖然。行有枝葉。風華亦成。至言顯仁。藏用篇什。馮以弼教。不然。鳩翮蠶尾。曾莫蔽毒。瓊椶瑤楫。末繇航溟。虛車軌程。斯喪駿駮之爛。膺鼎入廟。或韜彝登之華。唯是以人廢言。君子弗尙。詢于芻蕘。先民攸箴。亦曰。武城飴親。門納衛起。齊宣好色。后冊離春。已耳。釋狼貍焉。百獸盪備。兼僕阜焉。十臣爰全。漢不擯丕莽。非以嗣盛。巢毋隨。亦登崔江。寧將匹休。光夷史裁也。亦經教也。文章志也。非言行錄也。側嘗論之。唐文盛矣。然竇勃鄰。炯發近軔於徐庾。韓皇樊柳。假遼塗於明遷。溟思嶽采。張獵微於衡邕。霞襟月標。白鈞沈乎騷莊。爰能姓乳。商牧椎輪。歐曾代興。開天稱伯。

頌甫念昔君子。誰不精讐。百家弘學。億代名山。斯玄伽玉堂。斯深茂。被澤來俊。抗席前秀。云哉。然如劉略班藝。王志阮錄。任昉集部之輯。謝朓書目之訂。僅識篇表。莫麗音藻。等夫冲箱。鑄深。佩寶鑰。而形愚。碩囿榮盡。帑芬牒。以增悵。伯牙琴志。中旗亦俟。聆音靈施。昔貌敬君。何自任臆。苟么弦輟。鳴半面矜。戢單極。聽視側。模聲顏。高山挾水。俱冥。夷光與鄭。莫別。尙友名哲。誦讀能遺邪。從堪東雲西雲。測全龍以鱗爪。南陸北陸。究升日於至分。則又亡編冥思。默識曾靡少孺。祕籍盈屋。博藏斯難善心。今焉一人。首發弘願。古往今來。曰宙。經天緯地。曰文。涉晉陽之顛。升朔八葉。順轅邱之躋。側臨三王。都成碩編。罄錄曩製。測正變以莫爽。爰瑜瑕其畢登。則關扃萬千。

營建章而曷月光色五十織雲裳於何齡不將窮年莫殫平
仲沮儼人壽幾何子駢謠吟歎鐵橋先生卒毅焉任之耗廿
七稔光韶哀四千年零蝕凡霾縑燼竹沒石沈金得斯編增
罔紊秩次向巨達之博審暢師文之精虔昔方今人靈翅不
弱其敘代也定戲赤焉趾陳隨焉其品人也冠帝后焉烏鬼
神焉其第文也軒完什焉輕零章焉其甄體也味騷賦焉擊
雜著焉以存實也羣雄先乎諸臣將斥僞也詔令殿乎表疏
君黃逸老也元亮遺民也不次國宋者明微也苟攸黨賊也
呂蒙助逆也幸厠漢末者鬪齡也元規三仕梁隨休之四臣
南北爰列隨氏者從卒也華先於裔者峻其界也南先於北
者正其統也男先列女者嚴其別也儒先立釋者閑其道也

未
卷七

早

袞鉞之下陰存陽秋露靈之行各帶性術美哉泱泱乎是書
誠靡隙矣然子朝僭王也冠乎敬廟子桓竊帝也弁乎漢孫
正僞適謬黃紫莫定毋亦董任匿笑陳馬夙愚焉博鬻聒鐘
筵每塞聽鴟鴞陵鸞人且援繳盜匪明月尚類結綠恆考故
存鉅集纖瑕令他石我正也先生沈思獨往果力精心茲成
總集龜鑑爲學林鴻寶予唱女和則張天如舊訂先繪後素
斯梅禹金昔紀曾未亢激矯異阿隨或徇夫于韋竝入水精
簾外之謳甫牧爭編銅雀春深之唱不盡向期證莊郭象明
龔譚峭化書齊邱陰沒焉然說堪雙縈篇句一定胡綜作表
曾竄辭撰禹金訛失今爰覈之他凡相倫概予劾正夫荆琳
隨璣暉媚必稱山川箕由穎巢飛遜恆及郊野名宦僑寓馬

託蓋猶粉桑出宿飲餞綢繆曾若棗棋張集盡漏攸出未從
冥讎憚於明徵斯莫我信傾想孰氏戈弓應詳兌和沈吟何
鄉璧乘故齒棘屈今則一見再見甚至數見件析條併熒然
焯如鞞鏡以贈昆哲鍼石以貢曩秀精校讎學者可密勿請
事已況是編之成踵國選唐文焉然踴而鹽其腦靈記岱先
配林遡而罄其源誠導河自積石訂厥難易迴不侔矣程以
一代靈必四討況衡諸家各賑專集李昉攸訂曾備十九姚
鉉所登僅鮮四六畜靈私室闢靈寶於祕閣覲非經儒徵芸
緗於神州其日分纂諸君梧門石士晴芬芳初鸞亭鸞翔翕
集鳳霄神羽蛟唱蚪應駢游龍渤靈鱗悠其冬春等於宋輯
御覽近刻齡日非若明撰元史得以簪豪穆雖濡墨整暇畢

據當時之體沈菟起衰之文詹翰屬掾入龔繇令閭館胥史
掄爲寫生丹黃方興波磔靜作鉛墨隱溼瑯鏤疾成故集事
較易也然且律凡詢商憎及歸耕農部鍾碣訪聘爰卽局閩
孝廉則蓉裳慕之先生彌之姓莖各倪緜哉亡一焉石渠羣
髦形紕篇囿杵曰深廬匹儒優爲書林程嬰精力螿果修莫
之前聞同閭蔣君諛心孤尙謂成簡慮蝕編訂崇文之目謂
命名非周賦易感甄之題原曰某某更曰某某實云先唐足
矣繁稱曷爲徵搜必詳訛漏各正夸父露木縱悼焚乎湯谷
雷煥瑩錫馮泗索平延瀨羣書若獲靈壽斯集仍賀不恙烏
程二國士倉聖一功臣焉今則嚴書旣鉅蔣目兼存萬葉長
馨三泉釋愠天之副答也盛人之承益也泰靈聖福子昆秀

繩削就矣。嗟乎。帝后潢蕃。寧曰貴也。公卿大夫。寧曰榮也。神鬼僊釋。寧曰幻也。列女奄寺。寧判形質也。羣豪外溟。寧域眇畔也。亡姓佚名。寧繫寵辱也。德澤靡孕。蜉蝣之存亦亡。靈文克彰。龜豹之死若生。渾敦荒踳。七襄曾無三精。侯岡鬱興。庶物陰麗。百聖天地不傾。阨文則平成也。人類不蕩越。文則嬰寧也。辰宿不潰。爍文則莫麗也。瀆岱不崩。涸文則淳峙也。旁薄九頭之宙。苞萌四乳之聖。賈粟鬼泣。曾何祥乎。嘉生非零。彥傑殍於陵川。神姦莫號。碩秀斯榮。廟闕然粟者。祿也。祿位曾艱。祿名泣則崇矣。崇生焉能崇。卒素王盛業。宣尼聖於庖堯。形歛冥勞。班妾令於飛德。德程周召。寧馮文廟。暱迤勢挾。晉楚陰軀。武城仁義。宦官緝論。趙瑤鹿馬。尸臣友師。成篇何

然惕息陰景。因循警詔。蟪蛄春秋。菌槿夕旦。則斯編中人能
一辭傲我矣。陽則甄闡冥微。陰且砭藥。聾聵。藐茲單心。莫忝
眾聖。攀五扈之淪散。揚萬古之天聲。寧直自敘。攸云爲足。罄
旃哉。讀究斟酌。爰追落其成云。

未
卷七

七

同縣黃 鈞頌堯校

吳縣顧建勳魏成校

吳縣張榮培蟄公襄校

未園集略卷七終

未園集略卷八

長洲沈修著

同邑吳梅選

吳縣孫宗弼鈔

倉聖廟碑文

若稽古史皇氏開物成務崇德廣業爲生民創未有於日用曾罔外正名百物軒錄藉以登識八卦成列羲畫賴以弘化則天垂象法地流形近廉人身遠證物狀四目神表先重華而重眸六書靈文牖萬姓以萬葉三靈之奧洩矣庶彙之品貢矣六典之政肇矣眾籍之精萃矣指事象形則軌物稱矣會意形聲則書名撰矣轉注假借曲當應用則訓釋於興文章焉成矣不聖奚明匪作寧述作者謂聖弘哉史倉歟法梵

宋 卷八

一

併立何以旌諸華蹠迹徒生何以靈庶物圍庭粟頌承幽賈之遙盼譎鬼宵鳴悵冥姦之莫逞書契是作或稱羲廷飛龍今徵繫辭正述黃帝云經足訂緯侯剛曾非朱襄實斯昌名帝顓宇媚沮誦有黃膺籙青龍庚申斯齡鳳皇鏘鳴帝臨祭洛汭游鮪出賸龜書登祥斯文天興篤畀于我聖史易稱圖書河洛聖人則之羲父倉文將其洽靈瑞乎史于訓則事也皇子訓則大也事孰大于興文稱以命族空也運有正駁則言多平陂代殊興廢則道判弘湫煥乎騰耀放勳同天之廷斐然成裁尼陵述經之席文王闡易周公秩官殷仁登疇左氏訂傳渾渾灑灑斯成郁郁之典兩大四令爰蒸六葉之化周道聿盛曜靈升中神攸式馮豈是臨格子稟周職廢秩業

而囂鳴。史曾周書。寢法戒而記醜。私庭撰述。隆平蔑聞。繇官師道分。爰造作代盛已。虞卿窮憂命筆。司遷發憤成書。我心乘之。子史則崩也。音忒雲咸罄漢。言謬吉凶賓嘉。經心離之。詩文則渾也。子而驕盈。於經則儉壬也。史而淫昏。於經則姦。同也。詩而陵遲。於經則象恭也。文而放紛。於經則惰游也。巧令言色。云鮮矣。仁不援經爲防。曾何或善也。唯高密鄭氏。詳陳物名。其於經焉。則猶思文也。考亭朱氏。克承祇庸。其於經焉。則猶聽彝也。揚雲擬經。慚伏生。弼經也。河汾僭經。惑后倉。輯經也。藏斯榮烈。惇典。出將銘猷。司勳。古之弘賢。曾不梏言。眩世盛德。大業浸淫。詩書稟禮中。而樂和成身度。而聲律聖業有作。祁祁深深。容音安那。寧無術哉。斯誠天下有道。行有

枝葉。天下無道。言有枝葉故也。蓋取諸夬。周易下繫之稱。效象於奎。孝經援神之契。文統適兆。帝嘉靈倉。丕成皇猷。光贊聖業。將互宙合。長斯方興。頽流駸駸。神寧不恫。怨文猶日也。照臨凡民。墜隆今多。敬以日喻可矣。出程暘谷。浴騰咸池。轅虛文興。則晨明形乎。帝頊文紹。則朏明形乎。帝嚳文纂。則朝明形乎。二帝文昌。莅於曾泉形乎。夏后文盛。次於桑野形乎。殷商文休。臻於衡陽形乎。成周文兼。對臨昆吾形乎。斯當正中。中故應昃焉。曲阜贊定。聖師肩文。文丁春秋。鳥次小遷形乎。孟訂師氏之業。荀承保氏之猷。則女紀泉隅。大遷高春形乎。嬴漢以作。下春縣車形乎。晉唐而興。薄泉淪谷形乎。宋明屈於今。桑榆垂景形乎。日斯冥沈。非昭文尤淫裔罔極。旣夕

應夜將如陽精何靈暘睽期宿離增其愆忒金革被野宵微
加以扞擻唯就日之廷弘允文之績焉代數名哲思昌聖遺
瀟風雞鳴陰鶴子和曾假照於盈月而分光乎恆星宵征索
植至足敬尚也已剝既恆復貞將反元扶桑重臨欽俟旭旦
子省周秩應山天之占史法周廷成國野之教文胥斟夫宗
伯詩堪登乎太師凡以搜輯名者考訂著者制作政者校讎
稱者勿墜經教忝聖倉靈迹焉籀篆分隸猶非異姓而祧蠻
夷貊羌亦苟同文斯化某也不佞馨香有年矣顧瞻冥懸顛
乞陰牖海內勝宿咸稱在茲如仁常銘弘作篇於世本典祗
應徧朋樂祖於警宗爰成頌章敬告昆謀云爾其辭曰

天寧徒高星雲成章地寧徒弘山川凝光繫人獨無何稱元

未卷八

三

良文明將興爰馮史皇星雲寧虛能靈天施山川寧虛能靈
地爲文猶星雲施曾人移文猶山川爲曾人隨於皇策名黃
之廷兮於皇膺祥洛之珂兮蒸蒸日上莫斯局兮兢兢人猷
莫斯靈兮赤綠神篆應侯見洛從或睿聖敬俟天作上帝恆
法精示要略百億形貌心矩妙度各部稱首曾一也只參錯
損益寧或外是覬當聖韻益復敬謔分析過甚箴叔重氏卦
畫深玩心蚤悟約及稟天誥遂破文鑰力牧風后僚友定樂
雨粟應躋鬼哭曾謔民侯多飢神農稷梁民侯多羸軒轅費
梁民侯多寒西陵蠶桑民侯多疴天師鍼方哲人攸興心民
力多誠非立文如民多訛今斯昔斯民生幾何咸承其休輪
祠寧過爰當林園荒茲廟庭藏書盈焉如宵稠星薦馨春秋

蜀叩尊劍神斯翔游于堂于亭

曹娥後碑

陰族孝感曹娥斯神邇生屬文未寫心曲歷二千稔修成後碑庶其精誠今乃煥燾五日爭濟傷靈均忠乘濤逆胥蓋亦政典一介榮賤父曾男巫舟沈屍漂冥罔屆極十四齡女淫威天加生輶倫毛徇則徇耳旬復七晝因何慙斟警縣梁纒鳩醉室皿飲血巖石荆顛舟刀編氓誠愚尙或兢勉矧曰清蹈投躬一泓伊娥孝忱出類稱首速徇生我寧猶難哉親心侔天寧責死報葬祭克敬禮之良經父方沈身女復滅頂沒豈正命傷懷益深昔今齡悠志乘文略曷自縣審母兮存亡存應潔羞尙法嬰子亡且罄室誰衾黔婁曲成侯艱直往曾

宋卷八

四

易逆夫情事恆居一焉弱軀先沈靈魄載見子職他任叩其何寧泣號奔騰冀徹神聽庶獲陰相終局玄堂雪衣身縈玉水心鑒十七朝暝日江宵庭天生淑姿儀色婉令露處星宿當非人情暴強陵貞厭汜興歎漢順政俗寧如召南校童乘危好德豈勝應益重閉幽恆歸乎文皆能成尙自箴闕節性攸麗違容輕心明神察誠旨遂臨格苟乏至性崇朝情遷維娥純精宙夏盈塞罄彼日月貞其升恆晨興勞奔路靡寧躅晏反臨哭宮亡休聲初猶志生彊政窳窳益米勺飲陰符喪經必親喪乎自致應力屏粒毅徇曾渝浹辰足肌冰僵血涕罄竭冥效卒吝凡旬七朝川祇寧聰大造寧德敬父瞻就飛身乘波朱贏氛秋白日精陷萬目疑注覘其浮沈時沈時淨

或遠或近舟筏四折冥冥奚求貞誠庸渝往索靈蛻涉五昏
巨駢屍爰升馳聞縣廷穆筮瑩兆旌曰孝媛聲雷咸同博平
遷墳子禮銘碣易稔凡九廟兼成云伯嗜稱辭事則曾謬逸
少命筆文增其瑩聲徽於揚聿盛趙宋靈孝昭順褒從政和
元清洵加慧感福應名實互曜鳴爭非空邦君榮妻王后立
廢式訓經誥僉稱夫人娥方幼齡純執女道曾或許嫁碑徽
洽陽妻歟媵歟冑襲洪號必是旌炫非心攸寧顯揚榮親孝
協經指上揣性德當符斯矜嚴君名旰寵贈侯爵聖善族某
冊膺元妃父尊和應母錫慶善淳祐六稔爰登嘉封理宗誠
臧今蓋得正君子訂牒能無稱乎獨於靈娥榮號乃辱聽習
紉組寧甘笄珈增親侯妃併亦公文禮曲勝直彌盈孝衷馮
禎天倫修承淳碑敬作銘曰

未卷八

五

其今誠蚤洽冥視旬七日內騰乎坤乾馮其曩誠蚤浹冥聽
十四齡內周乎陰陽舜江流瑩禹穴陵茂天子聖哲孝聲昭
融娶媿他成正亦人子曾靡莫極作姬姜型天經斯張地義
應立故嗇靈貺俟娥紆心皇屍率侵震疊罔象庶媛粵聖旁
禎天倫修承淳碑敬作銘曰
初娥承親當平之經今娥從親嬰危之型天伴我娥師凡閨
庭侵艱增虞名縣辰星臨江號奔寧神非靈曾多鯨鯢血人
乘颯屍今巍然靈祇戢妖天心娥思寧民攸料君侯后妃廷
榮卒儼賢於生男千旌斯影禹陵何高舜江何深分其高兮
崇標孝箴分其深兮幽傳孝忱朱娥虞城諸娥山陰升馨維
時將其恆歆

碑者禋也。碣者揭也。邯鄲生文，未能明碑。娥德冥揭，娥心也。修爰成是篇，存旃。今廟志八卷，非絲伯元監成所載靈蹟。凡四十有二，品涉裨官，無徵不信，將半焉。曾未敢濫及，既成，爰識數言。

桐城令君碑頌

瓌逸之俊，明肆特茂。埒矐南宋，進軼東漢。易姓諸葉，莫競華焉。庭畿碩嬰，越復萌兆。石砮秦媛，蕭山沈娥。勳稱賁如，無取盛述。淑英忿國，卒隱連舫。韜文賦讎，終焉梅岑。桐城令君，迹更奇也。君曰曼質，薄祛瑩妝。春秋入闈，甲乙登第。雕武玉貌，允宐儒林。安仁異才，迺得懷令。志樂弢隱，無悽厥心。方崇禎朝，聿尹茲縣。袁領學士，未纓儒冠。雷稱尙書，匪握民枋。此也

分竹足界，彼己運薄。澆季聲騫，茂良仁漸。四惲獄叟，五聽皖寔。重鎮似于孫吳，膚施稱戈。孰謂寧字，乙亥壬午。八圍桐城，鄰封乞援。不幸胥溺，形若處女。非留侯焉，齡止弱冠。非公瑾焉，百里之命。危云若何，令君暉姿。夔映戈堞，皮履六寸。失扶斯傾，息芬幽蘭。骨脄瑩玉，肆應百妙。德威雙闕，伙飛翰誠。勅寇慄膽，瀕殆卒晏。存乎智囊，實符其名。東漢杜母，因則匪狝。南齊韓公，國人祠之。稱楊公云，君諱爾銘。夙姓顏氏，志異十卷。斯人在焉，洛華媯春。鄉閭信麗，燕月鏡夜。靖宗爰明，蔦松相縈。身獲委託，冠玉俊少。拙于紬文，修名不融。憂及令室，誓七榮秩。遺之芬華，知雌守雄。欲奮飛爾琴瑟，雅奏。燠篋翁鳴，律云娶妻呂式生子，吹瑄錫姓。宐從稟礎氏，爲宏農論秀然。

己粵證蒲撰昆其哲夫惟於某生未炯楊族明史列傳附名
國維厥時張公實撫應慶獨病宗系載訛陳焉君聲赫如徵
輔諫職謇諤臺省豸衣鵷冠思陵既崩亦遂邈邈不仕二姓
節傲冰堅梅邨史才筆謹綏寇仍踵昔謬君心寧乎徐生紀
年名則小腆甄輯固晚悅能糾愆桐城懿靈茲瞑目矣諸子
九家小說朋麗文獻訂佚俾勳史官淄川令書少日耽詠敬
式顏媛怒無明徵鑽尋伊悠左證斯得定遠方氏夢園文編
外篇癸煌詳次本末且罄苑結斥明蒲齋寫修心藏爰聲頌
言

婦之哲兮曰城其傾今非昔斯莫虹伊成令君誰居寔天之
嬰舍陰美且弼王于征闈雲閣茶柔威淑盈輯宇彫夷綏爰

未卷八

七

甲兵兵祥數禔卒休而禎國經賢勳閱宮覺楹懷允不忘穀
時桐城孰韻華名歲榮雒陽令君英英聿生茲鄉族甄其顏
子之丰昌有鶯斯文孔威靈皇福傲賓萌嬪時燕揚吉蠲饗
晨宵琴瑟張薄軀升沈言縈哲良將其菽成協容之颺三商
討吟恆爲壻倡宛宛訐合諭色瓊玖鑑汜頰黛雲帶繭綬竟
簞循職分則夫婦文史贊力道實賓友肆竭冥慮蔑有妍首
越應言舉盍假勞手六翮重頓憤逮吉耦福禍幽運洵念北
叟嗟是殯窆孰瞑姑舅飾牝爲牡迅反邦族匪渺伊近津迺
析木載駮載騁云馭幽牧懿彼衡華文葆攸屋肅覲邱嫂容
止令穆穀剖昆友季更賢叔撰日歆祖辰薦蘭菊陰實廟見
稱婦茲俶神保克饗士行蕤福夕斯斯斯茲斯勤斯典斯墳

斯竹斯芸斯樂其羣斯室網罟斯力其文斯筆芳芬斯張文
軍斯策文勳斯文江漢斯文樓斤斯文之殷斯厥顏忻斯文
之芬斯厥顏慤斯卿斯雲斯翼明君斯有明斯君誕烝譽髦
盧牟眾英式閔挺陶令君祁祁靈謨貉操旭升麗天羞雄不
號實雖蘭蓀才勝稷咎夬揚王庭玉肱璣袍瑟其球琳辭林
孰曹沈芳樂潛易著屯膏弗污塵官華城呂韜膺職靡賤直
在英偈受邑賦政聲教有截視煥麗鏡聽訟佩玦膺我坤德
靜爾箕舌永念天秩呂矢臣潔云穆內治繩牖賁職云謚外
侮駟乘簡職久道成化貌睹情說庶治民望俾也心闕桐迺
名邑夙鎮江介修整武服杜峻塞隘寇自秦作始實瘦疥羣
辟獎亂烽莫冑殺寶膏民命敏翦蝮蠱噬獨君慮曲揣成敗

宋卷八

八

款乃甲楯序乃餌械用極蠢動通駿馱邁目彼憇鈍臭別薰
薤旗其淫威環而沓攻無城克完聿維獻忠邦爰析崩不寧
拜戎警燔嶧岑檠存孤桐戮兵匪今恃盈虐冲令君媿媿弗
嬰覃衷凭阼佻然頰度醒紅畜明虞先溢奇朔中豺貅孔羣
慤焉勤公今焉職嘯昔焉尸庖侯衝侯軺時殄時殺食先賓
師厥無惛愾倉兄填兮德音孔膠烝然戾思雲旂緡旂隙瑕
陵堅鸞蹲虢跑織娥紉閨耕農穡郊鹿呦其林穀嚶其巢譎
鋒頻燿弦勳石匏君是八載八奏晉愷於實顯允德邁卿宰
職競茲圍亦有人在張王笥氏寅亮厥采方孔昭父敬勝厥
怠烝厥寡濟茂厥羣餒慤未卒拯爵政佗改先正去役孤定
棘殆克俾幸草莫燼然海蚩尤之旗躬幽運兮虔劉靡遺無

州郡兮令君綏桐。滂猷聞兮鈴翰寧。爛馨才兮左妻匡。勤
頌書訓兮黃姬鳴。援琳豪奮兮道鄰。嶠山奔嘉聞兮凶人卒。
稷衡塗憤兮盜儀鴻飛。沈冥韻兮入徵言官。令君觚標張膺。
聖讒必張云招。法星躔穹。埋輪烈昭。京朝日非。聿歸耕樵。忍
焉明亡。泣洩氛飄。遂臣初衣。湘裙服。菁不喪身災。斯懲昔妖。
纘盈足衣玉。藻馨翹式承餘華。瑁榮宗桃。食勳茲城。神宮誕
幽。曠而宿醕。楹而芬脩。月旌其夢。雲裳噬洲。尙毋遐心。令君
來羞。福桐之氓。寧惟鞫囚。言梟訓狐。載尸神鷄。匪虹伊龍。終
皇且道。恂眾母兮。德其靈休。胡夷猶兮。絜機惠綢。

彊村叢書序

詞興於唐。成於南唐。大昌於兩宋。否於元。剝於明。至我清。又

未

卷八

九

成。地天之泰。地雷之復焉。聖人瑰意琦行。爲者誠多論者亦
不鮮。相率名以詩餘。今人王夢湘釋之云。是非五七言之餘。
三百篇之餘也。盛哉言乎。宋旣昌行。詞過閭閻。而聽謠俗。說
山川而道政事。未嘗不取代風雅之正變。不寧惟是。雖宗廟
朝廷。著作丕炳。未嘗不扭於大晟鍾呂。則更以之代頌。君臣
上下。不聞病其爲褻焉。然則體曾非褻。道曾非小。果得風教
雅正頌容之妙。雖謂代興三百。曾何不可。非必四言。榮采而五
七言。遂賤長短句賤。而五七言又榮。蘭陵賦篇。靈均廿五。規
三百成辭。然而賦名立矣。世不以病荀屈。揚雲稱辭人之賦。
麗以淫。長卿諸家之作。非不義兼懲。創覆杯水。熄焦原之燭。
則誠處不可勝之勢矣。然淫者必可反之。復貞揚。旣有稱於

心悔焉而莫爲，故詩人麗則之正末由庶見於今，不知而作
匪直賦能淫人焉，推焉而釋經然，子史百家然，散儷文然，五
七言然，詞又曾何不然，亦軌諸三五經教之原斯得矣，修嘗
論之詞至於宋，若治道進爲成，周日中斯良，月盈斯闕，非元
明列賢之過抑，又天運然耳，其中興乎我清，又若王道之淩
遲於七雄八代，及唐而昭陵茂治，幾隆成康，故稱詞則望宋
如歸，其他必也我清乎，往者修與張孟劬談，謂古今文章學
術莫外官經，孟劬執其美人香草之令慢相難，若此者亦能
官經統之否，修曰子能外大師六詩陳詞數曰風雅頌，盡乎
文章形製焉，曰賦比興，盡乎文章情法焉，斯誠百家騰躍咸
入聖環也，元曲曾然，寧唯詞，詞運及今世，固猶在貞觀中葉

名流輩興，分肖有宋一體，彊村先生則尤褻然，稱首平生所
爲詞，合三百廿五成之者，何以能是，職唯心素使然也，夫藝
曾四術之一也，樂曾六藝之一也，樂數降而成詞，曾雲咸之
未胄也，然由心素結撰，斯優優乎微四術之內，誠先生蚤遺
華簪，興言則隱，泮莸林下，曾回兩徵，則其心素可測矣，修與
孟劬嘗操前說進，質明詞體非藝道非小，先生領應微笑，若
契焉於心而不言，益讎訂所藏詞，賡續刊行，證律細文，卷帙
恆手，惟精惟實，罔敢或侷，誠以宋賢爲職志，金元逸人亦以
操尚馨素登之，益覘先生之闕焉，雖然，先生寧直詞之乎哉，
三百有正有變，廿五變而無正，則均時焉爲之，若夫傷人倫
之廢，哀刑政之苛，吟詠性情，以風其上，達於事變，懷其舊俗，

則文章作者胥然更奚擇乎詩騷得斯誼成詞集而行之先
生功則盛已

吳侃叔詩墨題辭

人巢兩閒欲志有冥麗素好中隕則澆華外淫士行斯銅澹
泊之養存焉鼎以食味鐘以別聲敦尊尚彝併以被色興物
前用明王攸庸吉金之家事復萌兆昧旦申敬胙氏隸其忱
辭追蠡塞心孟父折以城轍尼聖不觚嬰歎禮冢類盤讎銘
亦旣盧牟昔文鏡別往制焉已漢京初葉匪伊乏人美陽羸
金張敞浚識柏寢舊鑄少君淹聞蘭臺削青焜載前課若虞
荔鼎錄仲宣鍾銘道安型廉魯襄士深器億齊景誌彼名哲
曾非先難彬彬未賢斯極富盛云爾覃及今代首隆儀徵階

未 卷八

七

僚浚明索罔賑楸適姬姒令物繹沮籀殘文心耽物歸不脛
爰格法器盈眇考積古齋成之鍾鼎款識成編則以銘焉桓
叟新論琴道緝於孟堅召陵說文通人證及官簿茲書也成
出平湖朱右父往復諍難者侃叔其一焉文信入覽淮南九
師竇徒良言風尚迴穆胥附奔轅孔識四友之盡修飾草創
僑卒鄭命之緒相得洵益彰矣必儀徵諱乎其曰張文漁者
妙達神指篤求靈倉雅書譎更正文陰陋伯喈篆勢銀辭氏
款識辟之摹文焉侃叔弦詩祖行茲其墨本耳歎渣形鹽國
君倘物之饗金錯繡段倭人結情之端文凡六百餘名語彝
鼎之學甚詳加洽斯其職志云言堂滿堂契敬仲曩說善易
論易矯公明匿忱其詩幽明辭歐萌砥義頡鏡古髦碩慎宜

寶旆安陵漢書幾成瓠中蝕編上虞論衡遙副枕畔祕好余
友昌碩先生冥淫古娛薄眊榮仕穢武子之金埒氏劉芳爲
石經宿以岐陽鼓文公冶璽刻警馥瀛宙末之能雙焉測其
靈倪因力夏后鼎篆術藝造聖誰或倖弋茲復欽護手沫式
符心臆鑄諸巾箱映以綈玉亭止張朱夙愛吳更同牒矣歟
靈鳳一羽疇非五德攸緼吉雲槁莖舊則九景斯寶積韻眇
澤昆葉鑽仰况百稔伊邇一郡相闕乎而初愉庭怒齋深造
是術昔寶彬駁嗇峻鏤之朽金墨暈零糅閭側理之賸葉君
以族彥迭游其庭瑩疑雪膠埒吳張於阮氏品陟暇晷爭模
範於川山於論慮爰罄妙筆藪歆固秩藝六文爰先象形顏
張評圖三旨測奧書學名繪茂則恆獲倉籀遺型芸臺椒堂

澈浦金粟能法嬪四聖君及兩吳仍焉史皇作畫猶信景行
攸迫宣之丹青邠卿四賢抒情僧繇十哲萬款曾倩顧子石
圃寫錄別圖於幃吳張二君應莫逆笑己辭氏篆韻子弁集
古趙宋鼎學亦謚信美然王楚矜博景盧糾違與叔哀珍長
睿攜逸櫛證罔據經牒造書莫衷形聲絜今阮孫各家蔑復
朋媾或憂西京訪書疑滕日蕃東洛右讖步緯爭託溺古斯
甚則澆訛滋興將自治堪徵耳學能鑒乎修積鄙悃請鞠方
雅物訊臧否匪諍幻寶聖傑范象猶萌思齊之謔檮餐素性
怒易方命之愚書傳曾僞應勝遷班不訛誠誣遑恤焉馮麗
雅素得已羣子當日盜綠盈盼玄香溢聞司徒習其非馨素
相榮且沒世鹿苑雙俊困約貞守平湖儀徵充詘鮮病昔聖

名玩冥坊決心故也曾謂三代碩製必非後世型放若審其
妄性實先涅矣先生法金藏弄不後前民亦山陰舊稱因寄
所託否歟

金臺雜感詩題辭

誰昔有人矣梁俛碩遜謠騰五噫河閒歸耕心萌四思操亮
芬潔千春高之矢詩不猶實判封畛伯鸞情綬則版蕩閔亂
也平子志譎則定哀微辭也南頌業寢隱桓爰經兩家冥通
咸抵聖術云爾約軫二轍牽莖七言漢心唐顏芸巢先生是
己翼翼京邑不平謂何天之方憐莫肯念亂或晏鳩狂毒無
吡積薪之下或離禁炫樂闕焉義媧之音雖美人兮盈堂曾
高邱其乏女蕉萃菅蒯云誰之思於是澤恆行吟猶勝婦歎

未卷八

三

州將陸沈隱作囚泣博奕撰論俗增竭智方鄧鳴鳴陳詩公
徒子音曉曉溺笑勞歌陶情屈志馨逸狀我憂驕聽人斯編
也成恆韞積耽玩乎夙興歸志今則彌果焉迷陽迷陽旣形
接輿斯謠卷而懷之爰從近關以出止足增目俶云蕭梁聿
徵前徽能副卒鮮大圖稱志寔篤踐夫遐襟安仁閒居繁嬰
情乎好爵鳳鳴足足鴻飛冥冥若今剛夫者前牒能幾乎修
恆受詩業焉枝官則名非紐國之榮戚同舟合情敢愬程之
玷寔心所謂危亦以敬告況曰君父朋友盍然堂廉沈沈非
問莫及則主文譎諫壹傾寫乎篇謠今其辭何郭之游僊顏
之歸心陶之閑情揚之解嘲莫不馮麗焉己原雜家之情合
儒墨兼名法不專孤能蕭樓登章又雜竟其選雜歌雜詩雜

擬今良亦似之。應璩百一，屈平離憂，其諸樂記攸稱，以哀心感與。今日者，夢抱勁雪，耿徹烈于廷采，膺苞太春，蜚聲義平鄉邑，日進何已。先生篇題，將與尋陽臨沂，揖讓今古，謔是光誦，或先導云。

邱孔雅詩題辭

修始幼學，爰臻立年，除嬰父喪，日必琴詠，故德清籍，襲芬東陽，僑吳之垌，粵自曾考，門染素業，周南荆騷，及修斯生，稱四葉矣，匪匪盈初，先民昔謠，惻思音顏，有易他好，八世矜佩，外家延陵，亦多風人，藝圃名碩，薰習性始，耽詩聿深，凡三七齡，齡每訂集，恆日長至，出加陶成，微陽傲生，春我硯席，除夜寢輟，元朝落成，零章溢篇，不任秉畀，香水磬北，堯山屏東，家臨

宋 卷八

西

具區青岫，錯映伯趙，司令縈波一刀，夕陽升顛，敬卜詩兆，騰響太碧，空桑瑟琴，靈聰答天，馨澤際壤，勝事獲共，君凡十焉，修生庚申，君固乙卯，恆執弟道，肩隨圈豚，斯民忝生，同父各馨，亦我敦愛，謙云半兄，得朋之占，歲或壬午，總角心好，莫形其臧，方修識名，念必騷酸，君日且字，猶稱靜夫，審知良然，憚慶彌甚，妄億冥中，今仍未詳，或言平生，益俾欽歎，眉目秀穎，動容合型，煙娥不暈，燠夜奔就，肩睫誨導，卒成良人，朱君茂沖，亦有斯行，魯子顏叔，何修獲朋，曾遭烈風，毛鬢飄落，反秀成禿，莫名天何，石君鸞將，爰作摯介，音藻易誦，遲齡測交，測交方新，歌賦答贈，增美益富，力斯嚶鳴，兩閣相違，十里而近，挾日恆會，月恆參云，所成篇謠，交藉質證，閭諍侃直，旌嘉牒

非樂羣興觀。暇豫敬業聖曰賢已。莫之旁淫。深廬各遷。徙則
加近。帝或陰相。責之成家。修辭立誠。竄謂瑣節。文澤志朗。他
胡足型。一篇初營。迭出吟玩。或未罄善。應時効彈。辭陰易成。
輒告名數。靳未宣潔。伴其迹思。猷心得之。約敬書掌。展示欣
矜。文恆燮同。或於尋俄。又或信宿。騁至趣笑。蘭言臭徵。由期
輟琴。因惠寢說。君既卽世。朋歡索焉。山人澤人。遂隸城國。好
事文業。易音而言。存詩寔多。任紹先烈。稷饋冥告。適將他營。
羸劉而還。政判王術。習謬勝是。滔天日深。狄夷侵陵。世變增
棘。不敬修古。甘心失圖。卽冥從歸。降木臨谷。豐我皇極。若彝
倫何。循茲百齡。人類殄滅。予日欽念。懲迷復凶。翹翹子誠。申
巨乏寐。上測今亂。將爲擇人。羣言莫任。志究經業。宣聖幹正。

畢規前竄。宮牆孰基。郝雅段說。時厥楨榦。奕成明堂。六編含
弘。壹本政教。推聖合聖。周官作程。井田屏侯。爰以命學。俛仰
今昔。屹形斯家。將營一書。是曰經治。訂析三典。文當兆名。哲
王聲猷。務使縈睫。若蔭畿甸。作其蒼靈。漢唐名師。莫敢輕異。
曾不狎邇。高郵德清。斯飢戚心。志罕精壹。日月恆冀。茲書克
成。徹天夙成。鄙願冥洽。請舉副墨。穴藏膏岑。後之揚雲。庶有
籀讀。若顯今世。益余心焉。日修稱詩。興寐白愈。執友君直。曾
規迹唐中。齡力經。非聖不考。王績帝政。陰覘合同。沈淫六書。
熒治轉假。聲義漸一。識文之局。鍾嶸攸評。寢弗研誦。然或興
賦。瑩增昔爲。齊梁色馨。騷漢韻息。五七成律。襲焉非形。因柯
獲柯。其則反河。德性文藝。不咸冥通。泣君殤宮。曾莫示告。苟

麗經澤。寧將後諸經詩達郵。允矣三百。徵禮合樂。秩然天音。嗣音莫聞。崩壤職故。聲貌律度。治斯恆艱。君篇不多。出過矜。恣。淬凍心藻。淹朝涉辰。測其攸成。蚤勝流俗。明勁大復。今茅漢鏞。昔傷云亡。章詠再什。朋誼始卒。詩堪要成。巴音或瑀。敬弁先作。斯集盛妙。附修行云。

與朱公佩書

修再拜白。公佩足下。日饗某記。未洽冥悃。爰更潤澤。聿異鄭雅。節僅一耦。多則病騁。辭唯六名。過則恆蕩。暇省前哲。每蹈斯禁。師敬足矣。柰可仍泐靈法。惠季魯子。稱得不爲弘。爲文行合耳。四語承疊。職當云駢。兩辭平施。抑又名儷。兩服齊首。兩驂如手。駢其形焉。鄭什堪證。天子曰后。諸侯夫人。儷攸稱。

未卷八

十六

焉。魯牒堪證。駢未得省。經涂秩猷。儷未得寢。居室令則。約博形異。儷駢承宣。從其博盈。寧取約勝。臯昔稱耦。職云駢焉。餘夫業耕。寡婦分德。少長榮衰。不咸乘居。邑城塵廬。莫或曾否。散則靈儷。儷將神駢。邦家伊成。雜藉人偶。措一寧可。秩焉爰文。文攸洽宜。聿忌專任。師聖贊易。修辭立誠。徵辭短長。亦見誠否。左敬職短。遷渝恆長。曾非儷駢。禁律猶紓。必志誠敬。儷駢斯成。若將豪矜。寧曰散也。文亦易任。先精體宜。辭能六名。曲直堪盡。不善激凍。斯恆越旃。要其溢盈。咸利膏省。化蔑成潔。遵蕩克鎮。恆昔儷製。最是兢惕。辭抒必敬。名不過六。有四乘六。靡六陵四。輕重翕劑。上下平適。兩大清濁。得位曾此。寧直順誦。旨抑深懿。審若駢儷。百艱他文。陽陰或分。榮賤豈域。

玉牒靈媛位驕廷僚皇營工兜德又誰勝夙品斯突雙辭八
名及今陳旃足下試聽疏古側宕幽深窈微能兼各倪方茂
正則竹枯亭挺信曰疏也豈肖彬駁信曰古也背水僻陳信
曰側也湘陰天球信曰宕也冥霽渙合娟梅子馨躁人疇聞
信曰幽也月星參差激河戢淪糞臣靈杭信曰深也糾谷繚
徑靈神昔宮豈俗曾造信曰窈也鬱篆零籀玄聖夙蛻愍世
瑩識信曰微也靈得寡法僻徇胥矣靈得寡力浮任革矣靈
得寡才側騁掾矣靈得寡學博炫史矣凡族震騰睿彥局睫
氣失林下曾八靡一抑審八妙莫微稱難七猶由人此職聆
道幽詣聖室蹟擲天局昔經而還深合蓋僅病昔貞尙單乎
極冥粵今濡豪或墜層霧一再心省媿甚忱甚漢魏靈哲駢

儷夙孕恆霍譬峻房畢譬曜然訂厥製或未稱撰國左之滕
陸任之孟從曰芳綵不喪琄寶側望髦備識所登汰最齒名
碩孟堅士衡遽卽淫哆騎省開府麗則陰蕩獄罪應坐天縱
率聖於欽蔚宗申商焞烝藹若舜孔嶄嶇稜陷穆上冥漢七
妙隕一八葉靈兩猥及今世慳莫衡定遑問作者知音抑難
痲焉於心奮筆傾寫曾靡敵慕於斯人斯職詢三唐敬錄二
李笙磬郭鮑非他克任君繫昭陵臣太白只勃炯四哲靈莫
賑整說頤二棚靈莫適宕蓋若毛鄭輦晒百媵肩乎靈歟塵
豔已耳更若隨卞瑩媚競作旅諸靈庭民寶已耳柳州才榮
韓子識聖一詞朝錯一規玄亭靈崎莫雙曾薄儷構空彼孕
息卒遼前型昔斯烝髦仍囿歷運冥是極詣或詔昆嗣浸淫

茲葉陰復歸氏名傑數耦可得稱已足下蓋稔庶免更僕不
佞同由。盜潰寡寂樵野令淑冥追鮑江仲修聲標型合儷散
愛伯均父亦其朋鳴湘潭王秋鎮海梅伯浙又劉沈常云繆
屠泰州諸生興化李子病或未審莫違於論赫斯靈髦厚集
吾郡環禹蒿隱鶴巢怡雲傑才名音今憾異物林野宿髦菊
裳根蓀芸巢眇篇唯不盛作君直曹子益堪孫君章汪彬彬
他不具稔妄億斯撰必有臻極今曠左席曰茂能者昔俊冲
抱昆彥勛任從或陵上德色陰鄙長稚朋役勿掉磬也待文
爰興信匪靈族神之弔矣尙亦冥贊金石庶鏤蘭槐易根求
湛宅心勳效不舍修及羣彥蓋各孟晉足下勤殖忱必潰茂
齡月旣富典素恆力爲仁由己由人乎哉

答王虞生書

未卷八

丈

月日修白虞生無它君澹若月我涼于雲遙遙二心炯炯孤
照念自攜迹耦易熏東輟槩冥想仆牒殷歎霾噫姓朗醒寐
切鬱樂情之端儷逾恆星願言之音子甚鱗角徒駟寸簡曷
罄幽款反或形贅寧若遂已淹越兩稔吝洩片語眇眇麟翮
雅鏡茲慄巨巨信誓可變誰昔修與足下義百同姓若勘疏
近盜校貌迹曩寓郡郭稱富墨會苦談盈匱我代名驛三益
在坐君弘弟畜彥任冰語凜沉岷雪君直道貌蒼於秦松孟
顛未闕廊飛笑音和羹旣唐案隕陰籜六合而外猶陳昔游
三古已上疑詳狎朋言諶亡稽蓋有興託惜乏勝友從以命
筆湘紉方身酒痕斑斑扶尤久樞燭暉熒熒墨涕雲笑張孔

習稔。屈醒陵醉。阮陶能兼。云若數彥。恆蝨寸舍。旬則數四。膏
更桑百。匪際霖雪。憚詠藍綠。誦厥狂韻。今紛若焉。君俄薄游。
囊琴海城。曹併宦學。珥筆京禁。室邇人遠。阪登茹蕙。唱則無
應。律崩陰陽。獨弦窳張。六奏曾闕。凡是勝集。雨沈星離。疑雲
莫遁。輿望八表。靜女說憚。流連城隅。曷云能來。念則心痲。才
縕王伯。筆孳霆霧。君及眾子。修昔敬事。每值朋話。咸懲戚吟。
恆年反肩。力降羸劉。修夜秉燭。但證莊列。不以佞學。遂禁求
樂。恐釋吾黨。郵稔祕妙。君好鄙作。逞極妄敷。賤御十指。敕書
今謠。比肩雙吟。聆則舊製。僕以稱告。歡斯浹心。厥爲靈榮。殆
莫朋對。牙鍾識琴。莊惠賡說。孰謂林下。亦工評衡。玉臺嘉聲。
聖及胄女。愍必劉柳。服斯心形。綵帷璆鳴。莫或徵爾。馨醴萬

穆穆朋好。曾余唯乎。暇檢今作。富越他稔。韻語八卷。儷文雙編。一齡攸成。聊勝玩日。遺愁碩果。庶或箴我。嘯譽靈許。唾芬蕭樓。謂憂曾驕。亦聽之焉。姑稱七篇。錄用氛覽。望儷而外。勿傳他人。蛩蛩靈氈。禽萃比翼。有月寧夜。微華亦春。丹黃爭加。善病敏析。故實妍韻。無稱得歟。娥眉陳王。優於定文。靈爪玄晏。誠願錫敘。踰榻忒禮。莫敢固請。

答虞生書二

翼日修白。虞生足下。宅今之圉。曹今之氓。勿繩仲弓。恆漏公叔。苟或非慎。悔莫懲艾。修自竄湯。益謝嘯命。云邁暇隙。畢勦經牒。名友韻友。舟昵曾伯。勢交量交。俗屏劉峻。庭月爽魄。太初朋焉。圓梅馨襟。素心人焉。聿勝汜愛。曹親濫疇。鱗駢葉龍。

翥騁懿鶴。及展良訊。斯翕應矣。吾屬性尙。過矯氛濁。記葯音籟。聽疾其聒。遽戚形度。目輝增眊。爛曜熏煪。匪曰勝也。每遇明盛。滄陟禁要。身帥卿叔。頷命燕趙。冏囿通豔。或貶馨素。今履旣棘。曾是莫據。語罕陵石。偪盛異族。野祭成俗。滄流曷寧。湘臣諱天。靈若贖矣。連生蹈溟。溟抑垢矣。不軌之乘。顏巷冏式。淫魑之局。孔堂朋隆。昌平宗祠。彰飾象教。矜式是麗。靈狂各瞻。漢唐林烝。嶽狩底敬。孰謂牲鬯。衝加伐陵。素王亡名。仲路隕膊。檣杙饗餐。不傾堯宮。黑山黃巾。猶迂鄭鄉。彼則人類。此直禽行。固甚遼莫。曷復震吒。凡稟血氣。忿冒天日。靈必彥僞。疾等醜醜。鄙齡云姻。曾此逐臭。更葳藐躅。征敖僦疆。魏塵侮冥。牢堞止耳。異服熒日。鱗革止耳。遠景才予。遠躅止耳。嗷

聲歛欽，狸猥止耳。特貌其狀，未形其心。若彼冥寸，行孟失險。包禍隙逗，鄰蜥賊也。馮藏自苾，朋蛻蛸也。吮腴潛臙，烟蜚蚤也。蠹豐成殃，媾蠹螟也。陵怙惡械，昆隴蠶也。播蕩故穴，祖賂譚也。情恇貌猖，后望蠹也。實擬名黠，氓狙貶也。稱以獾豹，實贈洪號。旌曰罔兩，仍錫懿謚。曩斥禽行，亦孔情怨。翎則鵝鷓，豪則鷹鳶。諱覈品彙，盜復此若。飛走濬識，必我情慙。物以人賤，况莫形下。釋木文外，請用相目。不敏愆謬，曾蔑道己。黃籀誨牒，失富增甚。不忍阿諾，輒復審諍。展視騰噉，誠一狡耳。燐燐漆釘角之光熒，沈沈泉宮律之晴嶸。續續黎邱，程之傑賢。陰陰泥犁，形之靈玄。藤亭之魑，性行淑烈。蓋岑之魑，操尙瑩潔。蘋洲之魑，莫慚文儒。武陵之醜，克箴財愚。令升攸編，女青

攸司，相朋律焉。斯類疚石，諶有一魄。宵與詰問，更進何說。息靖醜訟，湯爾羣醜。宅同靈坤，承團乘方。亦帝裔姓，不效賓旅。肆逞罵愚，盜我弗裕。彼盛淪則，曾有祿慶。何胙涼德，曾有稷享。卒豐冥極，愁帝僻愛。將直緼毒，增癰益疽。死生骨肉，稱善莫个。數惡難品，聚而殲旃。稔不世稔，共子靈豨。并我寓目，先子溝壑。必我云告，先我殄殢。亦敬子復，或皆無齡。純祐謝篤，朱曹金陳。臨兆殷哭，羞叩馨蘭。薦女亭菊，騰欣泉衢。對料清麴，嬰孫班膳。食子命祝，厥爲芳榮。愈室腥隩，卿箋紺漿。台鏡翠竹，文銘光猷。句寫冥酷，尙馮宵魂。詔故人勸，闌臺碩文。筆弘燕然，國雅零韻。烈盛常武，盜若稍緩。獲覲朝食，題彼族燼。糞雪幽憾，畜念情死。吾懲伯輿，爰憂夷生。君勿盛憲，山靜畜

壽國舒覃春。或頤靈齡。恆朗睿目。帝職聽視。曷畔民望。必命
疲暮。頽沐澂縣。厚自珍嗇。併以上煊。若彼丞彥。爰擅盛略。謝
公耽聲。警纏蒼生。葛侯劬耕。居旌伏龍。靈猶吾才。曾伍社稷。
天悶禍烈。氓亟盼治。可釋數俊。曹擢庶士。程必假手。陰斯息
肩。我固於文。君則囿病。幹亂旋正。各非靈人。情之嬋媛。盛集
羣子。降條民生。上濯邦恥。猷深左師。兵不任弭。功訐賈生。戎
不政餌。此瑣小醜。弘碩大士。烈覲疑叢。誠莫敵矣。績煌司勳。
名爽太史。言曾涉夸。效則敬俟。屠風釣雲。伊美興焉。殺德蒸
義。戎狄淨焉。尼公濯靈。其冥相焉。

答虞生書三

遲日修白。王君食哉。兩牘仍屢。猶多畸零。恐君切勞。飲我儂

宋卷八

三

忽聿敬稽首。冥焉矢衷。梅庭麗暄。吉彥靈莘。猥不瑕迸。其心
察旃。修交於君。旌契銑石。曩旣承諾。今庸食言。職由斯齡。增
所創獲。合浦騰映。遄歸心珠。霄衢值春。沃天靈華。騷文碩猷。
聲祿善蠹。張伐韻囿。戢兢華塗。媯姜迭興。物禁兩大。班趙咨
洽。美靈參成。憧憧百齡。恆者互忒。寶克存我。箚應謙人。茂陵
嘉姝。嬰渴尙聘。宣子令適。哀金亟婚。陰陽須成。寺孟冥恕。言
舉政息。則吾榮情。爰專力文。承往茂業。淫道志烈。國游墉城。
黜私忱蠲。室迸徒子。政法變徙。勳廉厥辜。玉修於成。既抑弘
己。貳向冥壹。靈寶日聖。頽月瑤浸。剗卉埋島。昔藝今省。愚心
竊瑕。靈無薰荃。荆芳若何。靈無和隨。珉璫則那。矢於明齡。飾
潤陋製。精錄定卷。焚獮穢雜。念子甄拾。文則我舊。掌錄深祕。

疚心何單。一慚曾多。終身慚乎。然塞誨命。正自莫遠。惻隱偷好。穆訪生死。鬼錄名隸。咸非應劉。經神責加。敢豔申伏。性固疾惡。天陰納邪。卒賢於存。弔請易賀。每邁令夕。恆結妄慮。畢室命囿。潔壤應富。翠泖琳闕。他族庶淨。昔斯來耳。今斯去矣。尙宅脛宇。渺吾靈棲。今之懷兮。職云何居。安仁二毛。聖善臺壽。商瞿一經。丈夫稽生。堯雲溺禪。沈生梯僊。東西各天。左右孰袒。禽尙詣岳。阮劉升台。寧從我乎。請俟他日。瀛丈潔遜。情非由衷。章逢澤身。固有名業。君實撰鑑。覃訂博精。剔遺徵文。數十斯姓。今遇足下。瑩疑釋紛。勉旃成書。不朽盛烈。修訂郝段。爰將述經。欲熒皇猷。藉正殊俗。德行文學。尼陵設科。要之碩齡。報聖澤也。

未
卷八

唐青鸞鏡室記

近世騷伯。恆有媛室。粵際生死。韻尙可述。轉華蓮邦。堦曰矜。叟采薇。墉城閭旌。長離情文。律雙哀禮。病子稱禠。幻號蠲貶。實愠亡聊之思。於道不禁。唐青鸞鏡。銘絲碩發。修曾爲文。因志鑑別。今茲宋韓。舉目命室。重請載筆。告之哀誠。故籤猶存。淑景無朕。仁壽爽識。容成不勳。誅亡餘忱。言表物浹。哲嬪徐。場年矢七。穀通替。櫬闔。璧清恩煥。比肩瑩孤。華靡愛勅。芝玉躬傳。氏參勿闕。厝情逾中。或每膝說。厥妃賢聲。永別哀悃。既有斯難。亦空聞之。孕自茂閱。言歸碩門。重親刷憂。羣穉浴教。同夢義暱。馨處摯別。台月雲鳳。角枕忘御。芬蕊露沐。弓屨久印。與宋韓偕。景形如焉。飾尙澹雅。罕炫彰緝。紉纈輒麾。瓊翫。

弗眇顧淑茲鏡循賞靡敷從而稱云。酺額瑩垢不我隱也。麴
簪整俄若我證也。嗟乎聖銅子實諍友。嗣是而往。恆攜之俱。
良書孔耽。妙詠恆匿。珠玉出吻。惟聆寐中。虬鳳翔挽。必伺人
定。宋韓恆時。每裂滕箚。罔獲臧翰。歎恨而止。陳芳雲祖。謨鵬
敘云。婦貞恆吉。女有士行。不曰才炳。才者莫尙。斯之謂與。未
韓醞藉。夙志騷賈。則諍之曰。作者自聖人。在目焉。周髀妙經。
隸首靈術。雖曰小數。亦伙問學。羣知宋韓疇。人名家。蘭言藥
之。其誰實聞。翩辭尊章。婉謁聖善。嬰疾遽殆。數暝猶視。宋韓
騁至。則己亡。拯柳黛冥綠。蘭息紊縷。口不能語。語式。曰。指巨
指雙聳。銃重闐乎。眾指迭偃。託羣嬰乎。對區中指。儀等吉祥。
殆論續耦。步擇嘉媛。文舉昔咎。傷如之何。朧報不娶。毋亦因

宋卷八

五

是枕函暉瑩鏡。具祕匿鑲鵲。今涕盤螭。昔芬宋韓。泮然居頃。
乃曰。日戲請予。予不幸死。青鸞斂余。子能之乎。余不忍對他
晨復言。斯應之云。非敢吝焉。是惟家珍。弗啻祖視。謬曰。公物
喪從私人。曰子之敏。不謂允矣。婦晒而止。今欲曰徇。殆必不
可。託體君子。茲與存沒。此尙秦越。曷有偷愛。蕉萃懌詠。平仲
卒顯。肅離韜吟。敬德斯蓋。孝叔黃允。偷行靡節。仔曰。軍國夫
盜克勝。情幅舛用。彬雅亦訕。高柔玩賢。生爲薄夫。苟粲嬰色。
徇亦昏鬼。彼玉其外。盜珉厥中。徒矜璧娥。睇若瑤腰。歌蘅騷
者。不心其忠。格儀禽者。分圖其文。曰可乎哉。必如宋韓。生資
其仁。沒報曰諛。徒軫祖笏。珥殯靈室。然或未審。魚盜吝給。禽
幣他納。貢媚新特。何顏故人。仍非空云。心鏡寂照。恩分靡鬱。

道室懸映幽明可公賢賢易色存亡不渝鑑其情焉修卒允
記

唐青鸞鏡銘釋說

昔青浦王少司寇昶弃古鏡二青鸞文卿詳金石萃編今
歸長洲蔣氏蓋數葉矣文學廷琦恆目示修且拓鏡文賂
之徑三寸八分如萃編其詞非銘也然惛託微婉儷軌德
象語極芬悱克樹嬪則故非湯梓孔鼎等制而琴德銘之
其代不定唐也然楷則唐法鈎畫婉勁韻則唐譜眞清通
諧故微武德貞觀等號而琴德唐之夫子君子也其有曰
知之矣修温燭幽詞籀釋玄想唾蘊珠玉服融心形女師
乎潔婦乎漆室微子清臺伯夷矣意必修媛悼隕珍匹膏

未
卷八

三五

沐永曠臺斂尙陳宅寒爲宮孤鸞亦馨指白旌信故人彌
貞斯其大歸爰倣正說姑爲釋文夫初缺飲痛憎逢祕環
懷璞鞏操憚覲雕璧其云月樣團圓者傷盈虛兩形也川
后絕滓無魚曷嘗潢嬪願單靈鵠久擯其云水樣清者幸
澂素一狀也緇幃輟熏宮羅幽芳妝筆返素腕枕冰盒其
云好將香閣伴閒身者明迹固簾闌狷尙馨逸焉物我身
世妙寄耽獨貌儻瓊雪納照庸改其云青鸞不用羞孤景
開匣當如見故人者明好修爲常側鄰湘原一奮而絕恐
若賓羽焉今月古月史修傷心流水止水華沈斷腸興比
幽迥寔直劉亮已哉如來妙身佛豔生槁太眞靈人僊貞
夙盟旅託湛謔庸曰陶詠已哉悲夫鏡其施矜妙珍乎卻

扇妍贈乎翦鬢左史乎畫眉司勳乎瑤金母懷姊妹媚寵
山月捐手娥螭益容時曾幾何嚴君嫗矣吉士燐矣綠窗
恆秋零玉佩矣瑤臺不春僵錦瑟矣薄命之女未亡之人
愴我寤歎將奚爲情是銘也修必寡媛養矣藉令璧顏雙
臨必諱孤景娟黛數映曷云閒身色華時呈曾非故人□
箋其實字爾至伴云好將珍護昔覲爾羞曰不用弗渝芬
襟爾見稱當如深信素貌爾□訓厥虛字爾亦旣搖曳作
韻掩映生馥矣若夫芬簌久局幻想開匣靈鳳業縞託名
青鸞月樣殊水圓清任天閣香絲身孤閒訣塵思曲故雋
諛絀滋紛非冰梭織情霜杵擣性能爲此歟於乎此物此
志夫君可嗣音其姜倅輝寡嬰矣

金谿別業記

未
卷八

三

曩稱別業者於傳有徵矣會稽攸營康樂爰銘幽居河陽之
棲安仁以澤嘉遯若金谿別業斯名倅實區也昭穆允秩齋
莊孔裡赫聲濯靈優見愜息姓藹周錄譽樛木之馨條波環
聖湖羌姬津之德水則仁和唐氏落成之神廬焉昔曾廟於
鹽官亞更宮於武林茂草尋鞠香壘闕羞今裔孫耆年易茲
靈墟貞筮襲吉地賃卉畝堂訃五楹石室令制敬位粟主承
志述事孝節斯弘舊唐叔胄允也胙土命族寔仍堯畿因生
爲名爰徵手文羸劉而降夷卽士姓往牒沈翳班倫莫昭是
用鹽官之祊聿自宋肇裡知州諱戩御史諱介同知諡正獻
侍郎諡質肅厥後俊茂循秩祔贊耆年仍旃罔所增革辟不

敵也。可謂曰禮。賓執相禮。館成東階。靈神格思。室映西澁。藕池謨亭。竹汀溪梁。蔚成園林。用懌魂爽。增是式廓。曾莫央艾。賦之心力。則其從兄麟年。從弟舜年。爰及諸唐云。觀成粵初。芬苾孝享。辱聘型後之記。塚茲麗牲之碑。某敬覽牒系。徵及狀啟。操德訓範。相仍穆風。茂宗令人。惇史盛則。殆忠於周焉。直於宋焉。貞於元焉。勳於明焉。晉侯屏姬。世家煥赫。子芳閭。趙特傳粲隱。宙內稱曩。寧庸伐旌。乃若原德。變匡興朝。曾燿淮張。與造明室。迹其聲猷。傑然瑰英。列朝斯興。尙富倫匹。某在令族。今獲二懿。峻德貞範。冥屆乃極。則黨君子。斯焉表微。宋業南運。猥扈禁蹕。景宅吳會。罕標名爵。云若元氏。洵侯趙。仇繇。是學仁逃徵。棹谿稱疾。蒙古十葉。族無一命玷者。非唐

莫臣。昔聆敬德之裔。入元甘淪。今式晉陽之廬。家登賜善。巷屏恩容。素業仍襲。音徽亮如。信謂冥德。則心嚮往之焉。旌土庶之業。曲程姿能。釐吉凶之型。析準富之宦。達清直者。允職教宗。戚子弟不敬者。勿上恩令。長越在房。盡務飭訓。檢儷形蘭。修子影冰操。砥節靈媛。卹其艱惓。去帷發娃。距以肩闔。情法兩懋。羣婦羣女。一也。信曰介範。則心儀圖之焉。稱茲二端。允洽庶行。防表足峻。氓俗蓋阜。某斯衷欽欽。欲函夏型之也。抑某爲耆年慮。亦甄二誼矣。立繩范莊。宰成宗田。空式戴訓。慎建家塾。有則增裕。亡則營創。篤成苗英。加濬舊澤。并滄溟塔。校學廡寢。式訓式字。於在俊碩。耆年能我從乎。吉喪衝資。履沴夙備。凡隸族姓。苟拯飢渴。其或倫類玷齷。官體獲書。悉

荷存贍。盜底喪秩。庶賢則峻。操狂不非。命焉已道。足興養一氏之井疆也。禮經人之師。敬漢宋之業。語慎上下。導融心身。斯貞慝柄。我聖狂盜。天歟。養必繇正。愛病甚溺。穎角之幼。咸訊業函丈。免懷之嬰。樂朋親女師。他日令彥。令媛。畜德理。瑗道足興教。一氏膠均也。公諸太輿。六羈曾孟。私諸碩門。九族殷夏。親親仁也。成物智也。則明湖一泓。舉仁嶽智。溟已。

耕養堂記

吳君桂堂。同井孝達。曾以至德。獲旌其廬。憚於朋游。爰勤力疇。恆或餒乏。職誠飴親。會新谿堂。致敬哲母。勞極慮直。亦登農猷。噢馮鞠勞。勿聘匠巧。念昔氓氏。寔能兼工。國皆君賢。王政立已。今是構築。閭名浦莊。宅朋湖山。垣蔭箭屨。胎佐鼎藪。

未

卷八

五

甚亦盤薦。嬉春成輿。戒凍應帛。俛仰靈植。聿孔稱撰。修於落成。榜曰耕養。風聽周洽。曾莫背疇。君過撝吉。不我承受。自病薄祐。蚤隕先德。云導弱弟。俠娛偏親。在疚惇子。業劭町澮。陟岵隱惻。內涅心飢。喪莫盈禮。違稱養乎。聖周艱營。喬猶殷殤。潛闔永奠。更忒姬月。葬不稱制。養何矜焉。霜凜露粟。吉忌凶禁。稷饋薦寢。或忝馨膺。一鉅相仍。謫聽朱舛。三畫屏粒。戚侔申蟠。祭曾斯若。奚養足繩。將曰養志。武城爲能。將謂色養。莒父猶病。僅億口體。聖斥犬馬。敢辱茂聞。上僭令德。側副弘指。勩耕而已。穆焉容誠。側焉辭情。不抵嬰慕。曷證無閒。昔素能養。覘是益信。耕養各疚。直躬爲名。修家子高。尙或稱荷。吾黨樸行。足驕荆賢。爰焉肅興。載申更端。運迭升降。俗形隆窳。聿

惟髦英克自興。作子則氓。陵又宅今園。經牒茂訓。靈性蒂殖。謂病苦經。特繫困乏。于畛巨泣。臨匱夕泗。靈遂忒禮。或朋嘉容。營糞匪逃。泣謠胥聆。馨滑每薦。生沒對享。葬及歆祀。徵禮信協。余懲世賢。亦由天親。雞骨方膺。輒與弔慶。馬鬣遲政。曾感咎福。京陵黎華。莫恥榮落。恆豆芟實。刻繩威文。後於君焉。靈止一飯。至若殮餘。務罄骸力。菽水靈約。牲鼎曷泰。業登通華。俄膺茂除。襲袞嬰戲。命杖鳩祝。九州名才。卿雲戶庭。庶姓雜進。來仍寢廬。大夫之養。其術以宦。匪不榮也。或加親跼。足繭將寸。步量和恆。心葩聿髡。賦爭枚方。茹惻星霧。飲鬱案席。羸芊竇霍。軀命斗禽。匹士之養。其程則游。匪不忠也。或遺親罹。今子克養。升極則矣。中寐輟寢。塗足耕耨。蝮蝎陰避。冰霜罕蝕。體或菁固。神默呵禁。比及侵旦。亟返餒佐。漱櫛蠲整。馨胞攢列。蒸藜尙堅。謐更鑽燧。臘鳳轟笑。曰焉令遙。雄牝憚畜。惕倣寐也。爭自屏息。俄聰欠申。騁謁安否。諍勿叱覺。寢扇中闢。幼孫承肩。食筐前陳。弱婦朋跼。黠省好嗜。習任鉤距。躬引過。慙恆自周內。亞飯升飴。晝芸稽勞。旨殺琴如。良醞配若。食飲燕衍。侑盛繚缺。居興祿康。祝敬巫史。谿笛陵響。山謠佞喉。冥迷昔今。粲述靈勝。承相臆撰。輟鉏冥吟。將令朵頤。盛博壺矣。行道訝愕。彥林嗟歛。洽比斯鄰。聆見習矣。踵其庭閭。蘭芬溢庖。曰彼孥姓。菜色恆面。愛日騰曜。一門炎唐。先疇職勤。百慮曾閱。耕誰若君。養誰若君。允當則歸。今戶冊也。婉愉盈顏。非色養何。肩瑣承顏。非養志何。規賢作程。絕眾興孝。衡用錫

類將形不弘與善則聖蓋型姚墟抑修稱名更龔微指五畝
恆宅則能耕焉百齡恆娛則能養焉輪奐頌禱勿興辭焉於
焉吳君眸色形豫揖讓賓席謹讓寢屏坐有名碩錢君樹恩
欣然命豪修敬作記

彊邨校詞圖記

勘訂之則西河寔興聖徒斯弘倡導敬學子政天祿粵惟承
權尼陵碩門誠靡或慙嬗及清氏嘉賢蔚烝伯元抱經思適
佞宋數子勝業曄輝千齡若將衡詞難抑較甚六典神奧九
流冥湛國書條焚家集蔓盛文也義也他何徵焉別淮形訛
尙得諦正洽韻篇首豈無聲歌平明側諧復易瑩析矜慎勿
苟曾何棘艱獨詞稱填匪直吟詠先有定則音從塞旃律猶

未卷八

三

分宗譜更合族莫審繫世條流將紛式徵周官小史任也三
揖眾姓司商能釐牒之朋區實鏡鍾呂吹簫定氏職功伶倫
仍雲迭蕃云逮罔極體則身貳恆繇異宮還相洽鄰敬俾式
好宮體名繹義弘深哉同生闔牆何有姓別和難令穆調人
爰輿輕而重焉音每去讀屏使離域徐應克咸調之稱詞訓
蓋明赫律譜宮體聿皆昭笑協邦雍民睦族章姓堯典盛德
公成官經今詳倚聲肆考旌曰五際深湜靈能卑詞大晟傳
書星鳳鮮覲禮忒曾壞樂亡斯崩詩餘忱然尙曰莖瀆白石
贍譜幸留墳條摹聲之形形類算式迭寫恆誤若書人何靈
倪秩然愁可冥億舒藝聖識篤加精釐先生授詞或偶馮賴
舉一能反三隅爰成博關天人靈悟絕業智府瑩若悠然廣

鈞昔教京師，變政三禮奠。繫定律咸稱，協恭川深谷。幽仍志則學，敬式謙度。傳疑恆多潛，離逸縻諶訂日富。蓋闕如也，道彌光尊。二毛先民，四印執友。今可復作，斯應釋然。六書六詩，各本周職。修也敬繹，今通其郵。賈成君明，曷俟更僕。雅指事也，達乎經權。頌象形也，狀乃名業。會意風也，遺言獲情。形聲賦也，觸響成誦。比也假借，聿相離明。興也轉注，迪屢巽入。二六乘數，足彪天行。大師登謠，證必保氏。辭託興比，曾無什參。書之形聲，十更過七。廣狹侷稱，賦當形聲。關和六文，謬炫說允。咸頰勝口，前商孟劬。靈云張詞，詞克任也。修固淫液，習焉非深。參衡百家，孤賞君特色韻氣息。胥賢美成，史遷誠豪。靈若左氏，癸卯春月，方游聖湖，談詞西陵。聿富勝集，曹子君直。

贈修霜腴，極深研幾。君昔拔也，增益鑽仰。夙昏恆歌，然思述經。病未究學，獲共觴詠。疑年戊申，君之樂章。陰就六義，三百廿五。泠泠外篇，心耽夢窗。訂鏗又二，兩宋名傑。離行滋多，不遭金元。何域齡代，靜女姝變。登形管焉，伯鸞賓游。亦旣十稔，輯敬桑梓。仍標彊邨，要斯勝談。榮我敝邑，顧子鶴逸。不輕成圖。高賢藹襟，能致妙幅。黃鶴青弁，及今爰雙。朋曹吟娛，玄賞更穆。甲癸竟集，林央券之。簪豪文焉，敬諭來葉。

弔青陽徙骨文

臨墟則哀，過墓敬式。無穢虐士，如生如存。夏之仁焉，裔或情反。擅闢垌市，增延轍涂。裂骸零魄，暴骨如莽。行則殮死，靈亡厥心。亟圖饒贏，親戚怵忍。邦武乏震，毒淫斯遭。內商何齡，衡

邁不幸。今獨悼此。繇於目營。嶧賢攸云。敬傳仁術。夏莫成歲。茲應闕年。年曾輟書。有志時月。法聖麟紀。削其非經。而仍地之。稱弔所也。東面致命。弔施生人。如何陰堂。嬰蹈不淑。文亦變古。鞠辭聲情。寔援賈生。彊自彰飾。

吳城八門兮。營繇王光。蛇匠今塞兮。他仍昔方。出盤之闔兮。地名青陽。南東寂陰兮。天施靈量。一成斯半兮。恆爲北芒。冥伯攸都兮。星言不暘。人當生年兮。矜全髮膚。親旣錫我兮。澤躬經衢。樂正傷足兮。疾瘳恆旰。伯輿臨卒兮。惕兢方紆。姚廷鳳皇兮。召柯騶虞。宣節應茂兮。夷干曾吾。曰考終命。令福云卒兮。孝子臨哭。心靡究畢兮。槃巾滌垢。鬻組敬櫛兮。綉絞紵衾。殯爰三日兮。戢形茲盛。衽際加漆兮。稱無後艱。筮宅徵吉。

宋 卷八

三

兮魂升則廟。魄降曾墓兮。葬猶云藏。百體貞護兮。碑綽敬載。穴徹狐兔兮。春秋磔牲。敢竭誠慕兮。慈孝姓息。臨反卻顧兮。族萃瑩兆。恆免暴露兮。飛殃馮陵兮。丁于崇朝。潛宮不寔兮。易昏而昭。宿莽呈茹兮。陰楸作蕘。玉魚彫形兮。金蠶迷霄。士壘曾及兮。生王胡驕。朽骼今見兮。冥乾血營。盜誰名躄兮。聖疇旌棄。我矜亡者兮。曾知齋身。我唱生者兮。曾知恤親。身莫克守兮。將如何頽。親莫克保兮。又如何仁。彼乏孥姓兮。亦天斯民。慳離今役兮。益如何辛。狂聖各異。生則具善兮。某某注。忒寔不晰顯兮。由念不審。成于數轉兮。齡毫克改。尙得繩翦兮。存應伏辜。曷復刑謹兮。貞佞共罰。執政斯覲兮。男女宅正。貴有旌別兮。穴室同異。伉儷箴褻兮。井漏殊御。嫌疑熒哲兮。

節士貞媛，素性靈滅兮。骨既零糅，蔑復分列兮。沒而誠知，心焉能潔兮。筋脈暫挫兮，痛周于心。斂首足形兮，咸安昔林。速朽誠悛兮，留遺及今。彼此靈擇兮，纏悲積陰。士女靈別兮，爰離忒淫。君子目覩兮，其何克任。鬼宿屍褻兮，遐周大陵。札瘴冥降兮，人將曷勝。沒靈存順兮，天休丕承。帝是稱罰兮，愚心慄兢。國靡自定兮，年何繇登。域今胥然兮，莫殫方輿。曰曾非我命，自荒狄兮。孰政方夏，今胡他適兮。賈則主恩，柰此勁敵兮。國靡禁律，屏家亡壁兮。國靡教令，瑩舍罔填兮。任彼逸駟，陵壤阜樞兮。嗟而狄人，侑我政俗兮。奇技淫巧，妲受誠欲兮。居易俟命，我道曾頊兮。行險徼幸，爾道曾僕兮。闐然日章，我貨曾玉兮。昡然日亡，爾貨曾縛兮。微爾之殃兮，夏繇劉嬴。片言平獄兮，爰其得情。靈唐及明兮，抑何疵清。叩斯形戚兮，戎斯增榮。法之更新兮，成于爾傾。若遵周經兮，爾將焉爭。盜陵淫屍兮，赤眉云遭。發邱摸金兮，禽心黜曹。禮教興國兮，今何繹騷。幸靡玉匣兮，貞靈不怡。冢墓仍職兮，京陵聿陶。靈直茲壤兮，神州滔滔。

宋

卷八

三

吳縣黃 鈞頌堯校

吳縣顧建勳巍成校

吳縣張榮培螫公襄校

未園集略卷八終

未園集略捐贊助刊姓名錄

劉翰怡先生

二百元

顧公雍先生

二百元

無名氏

二百元

汪星淵先生

二十元

章式之先生

二十元

吳瞿安先生

二百元

共計銀幣捌百肆拾圓



吳瞿安先生

二百元

章式之先生

二十元

汪星淵先生

二十元

無名氏

二百元

顧公雍先生

二百元

劉翰怡先生

二百元

未園集略捐贊助刊姓名錄

